





## 楊序

趙師爾康先生。有心人也。寢饋於鍼灸之學。已十有餘年。昔曾糾集同志。創辦中國鍼灸學研究社。中國鍼灸學講習所。中國鍼灸醫學專門學校。中國鍼灸療養院。歷任醫務主任。兼總務教授等職。著其創辦之志。乃爲強民強國。闡揚國粹。啓迪後學而設。靜於癸未之夏。負笈江南。執贄師門。始知鍼灸學術。較任何醫道。最先發軔。其後湯液盛行。漸形衰落。降至今日。幾無所聞。噫。大好金鍼。行將湮沒。可勝慨哉。嘗讀內經一書。其中經脈十二。孔穴三百六十有五。按圖試驗。獲益良多。且正經正穴之外。又有奇經奇穴之發見。三代以降。遞相授受。奉爲圭臬。秦漢而還。精於醫者。莫不先從詳諳經絡孔穴入手。後之學者。輒以經穴一道。不易瞭解。憚於窮究。卽舍難就易。而從事於方劑矣。近百年來。西醫輸入。國人羨其器械之新穎。手術之高超。遂將固有之中醫。幾將置之不理。鍼灸之術。更不待言。孰知東西各國。反大有研究者在。實以其治療之便。取效之速。遠勝於任何醫治之上。而我中國固有之國粹。反弁髦視之。甯不可嘆。故凡我醫界。理宜劍及履及。急起直追。不容視爲緩圖者也。趙師先覺。探靈素之奧旨。得活人之祕要。復憑經驗所獲。稽諸古籍。本

於科學。溝通新舊。融貫古今。編輯成書。顏曰鍼灸祕笈綱要。靜於臨症之暇。盥誦師著。提綱挈領。分爲四篇。曰鍼科學。曰灸科學。曰經穴學。曰治療學。凡鍼灸之祕訣。應用之方法。經穴之探索。治療之原理。無不分門別類。要言不煩。理若牛毛。絲毫不爽。所謂合古今中外。共冶一爐者也。書成。命靜任參校之責。所恨心長才短。難免隕越。但幸獲先覩。大快寸心。闡國粹於將墜之餘。闢後學以進修之路。挽狂瀾於既倒。作砥柱於中流。所謂良醫之功。同於良相也已。靜以師生關係。何敢存阿私之見。妄貢諛詞。然讀是書者。當能洞鑑淵微。而知靜言之不謬也。欽佩之餘。謹綴數語。

中華民國三十六年中秋節受業楊廣靜謹書於蘇北口岸



# 自序

國家興亡。匹夫有責。昔賢垂訓。洵不我欺。大丈夫處世持躬。急宜自審。縱未能造福社會。亦當不虛所生。立志宜堅強。存心宜弘遠。萬不可游移影響而伊戚自貽。爾康自察生平。別無所好。惟醉心鍼灸之道。幾於成癖。認爲此類學術。可以挽衰頹之國粹。保康健之精神。憶昔先嚴觀德公勗余曰。拯人之危。救人之急。予忖度之。莫如醫道。細玩庭訓。覺先嚴之志向。早有活人濟世之心。余也不才。敢忘教誨。所以兢兢焉致力於鍼灸。歷十餘年而未敢稍懈者。職是故耳。間嘗瀏覽近時刊印之鍼灸書籍。內容龐雜。各說其說。閱之既久。如墜五里霧中。而獨於鍼灸之原理。漠然不知。設長此貽患後來。非特誤人。抑且誤己。要知今日中國。患貧特甚。療飢乏術。餓殍載途。倘不幸而疾病纏身。惟有坐以待斃。鍼灸之道。不費分文。即能起死回生。如桴應鼓。若秦越人之鍼維會。能起太子之尸。徐文伯之鍼合谷三陰交。立辨宋后之妊。又如鍼肝俞與命門而療目瞶。鍼少陽與交別而愈耳聾。更若鍼巨闕則奇疾瘥。鍼交俞則病魔絕。至於其他疑難雜症。皆可按穴治療。今竟研究無人。幾於湮沒。而東西各國。反潛心研討。矢志精求。甫下一鍼。即奏奇効。而我國千百年前發明之

鍼灸。轉閱寂無聞。將來欲求斯道之淵微。須向異邦而請益。此所謂禮失而求諸野矣。可勝慨哉。爾康與諸同道有鑒於此。爰於丙子秋日。會集專攻是術者。創鍼灸社校於錫邑。急謀改進。爾康被推爲治療股主任。兼教授及代理總務等職。不幸七七事變以後。國事日非。由此中輟。嗟乎。竭數載之辛勞。一旦付諸流水。同人星散。繼起無人。瞻望前途。怒焉如擣。嗣越一歲。海內外好修之士。繫念舊業。函電紛馳。爾康感學者之真忱。竭慮殫思。苦無以應。雖有復興之志。恨無復興之資。縱屬熱中。殊難如願。思維再四。祇得藉郵筒傳遞。交互切磋。數年之中。疊承各省同人。與海外僑胞。參加者甚衆。並促爾康編輯一有系統之書。流傳當世。濟迪後人。乃於庚辰之秋。憑歷年之心得。與臨床之實驗。參考先賢之學理。窮研經穴之淵源。集成五十萬言。分爲四門。一曰鍼科學。二曰灸科學。三曰經穴學。四曰治療學。要皆潛心稽古。撮其玄奧。擷其精華。草創成書。定名爲鍼灸祕笈綱要。間或參以鄙意。發前人所未發。爲古書所不載者。冒昧從事。閱時五稔。以底於成。敝帚自珍。定多紕繆。還望海內外博雅君子。指示而進教之。則幸甚。

民國三十六年丁亥十一月一日趙爾康書於江陰瓠舥橋中國鍼灸學研究社

## 例言

一 鍼灸學術。發明於上古時代。流傳迄今。玄奧精深。歷四千餘年。竟未見有人能發明新知識者。不學無術之我。欲求深造。每嘆斯術之無系統專書。致後世好學之人。一時難窺門徑。爰於事變前後。搜集古今鍼灸諸籍。探討先賢之玄祕。加以平素之實驗。匯輯成書。定名曰鍼灸祕笈綱要。計分鍼科學。灸科學。經穴學。治療學四篇。使學者便於閱讀。有所入門也。

二 今人每以鍼灸二字並言。不知鍼與灸爲兩種治療方法。蓋鍼有鍼之作用。灸有灸之功效。例如實熱之病宜用鍼。虛寒之症宜用灸。倘不明其原理。輒以鍼灸混用。鮮不致誤。本書力謀祛弊起見。將鍼灸分爲二科。令學者有所適從。

三 本書鍼科學中應用之手術。古今之異同。與夫灸科學中之一切灸法。及近代之改進等。悉屬發前人之所未發。詳明透闢。羅列靡遺。有一目了然之快。

四 古人所定之經穴。祇載部位與治療。其如內容之組織。屬何神經。屬何枝管。未能詳載。實爲遺憾。本書經穴學中。每穴分位置。解剖。主治。手術。考證。附錄。並將正經與奇經別類。條分縷晰。庶於研究經穴之法。明白顯著。不致僨事。

也。

五 中醫之治療書籍。有名同而症異者。有名異而症同者。名目繁多。漫無系統。是書治療學中。酌仿西醫內科全書體裁。分急性傳染病。新陳代謝病。呼吸器病。消化器病。循環器病。血液及脾病。神經系統病。泌尿生殖器病。運動器病十大類。每類之中。列入所屬之病名若干門。每門之中。更分別說明。病因。症狀。治法。治理。禁忌。豫後。死候。合於科學系統。俾學者便於檢閱。

六 古人所繪之經穴圖像。均屬平面。未能悉數顯明。故於取穴之時。頗多不確。致治病亦鮮效果。是書爲標準經穴之部位起見。特將人體分段點穴。繪圖十四。羅列書後。使學者有一索即得之便。

七 本書治療學中之治法條下。每穴所註分寸。即鍼若干分寸。所註壯數。即灸若干壯數。爲省寫鍼灸二字起見。凡遇此處。祈注意之。

八 本書治療學中所載分寸之深淺。壯數之多少。不過言其大概。蓋時有寒暖。人有肥瘦。不可執一。須於臨症時體察注意。

九 本書所言鍼術之補瀉。俱以提插進退爲主要。至鍼刺之強弱。別爲補瀉。亦可採用。舍此而言治療。均鮮效果。

十 本書所言之壯數。非專指直接灸法而言。其於鍼柄上繞以艾絨燃之。使熱力由鍼孔透膚入肌。既可免灼肉傷肌。又可避炮烙之苦。此係近代灸術中之改進。亦即間接灸治法。名曰溫鍼。今蘇浙兩省。均如是療治。


十一 本書爲提倡垂絕之學。不尙空言。文字擇其顯明。於鍼術灸法之玄奧。經穴治療之祕法。則詳言之。故每穴之下。載明前人治療之奇驗。每病之下。列入應鍼應灸之經穴。使知醫者一目了然。俾於臨症時多一補助。不知醫者。可依書學習。無師自通。其收效有如是者。

十二 本書雖僅一冊。閱多年之苦思力索。始告蒞事。學者苟能竭誠體味。自可心領神會。觸類旁通。則起沉疴。拔痼疾。誠易易也。第以海內外同志。函電敦促。急於付梓。魯魚亥豕。謬誤必多。尙希諒諒。

趙爾康誌



# 趙爾康近影



鍼灸祕笈綱要

著者近影

四

趙爾康先生 大著

鍼灸祕笈綱要出版

爾志原為啟後賢 康莊道路正光前  
闡明學術人都仰 研究鍼科世所傳  
卓卓英才均聚首 皇皇事業已成編  
公開祕本仁心現 不愧醫家一謫仙

江西景德鎮

余祥之謹題

# 鍼灸秘笈綱要目次

## 第一編 鍼科學

### 第一章 總論

第一節	鍼術之源流	一
第二節	鍼術之價值	二
第三節	鍼術之定義	四
第四節	鍼術補瀉之意義	四
第五節	鍼之種類	四
第六節	鍼之構造	六
第七節	鍼之製法	六
第八節	鍼尖之形式	七
第九節	鍼之選擇	七
第十節	鍼之修理	七
第十一節	鍼之保藏	八
第二章	各論	

第一節	鍼之長短粗細與應用	八
第二節	鍼刺之練習	九
第三節	鍼刺之手術	一〇
第四節	鍼刺之方向	一一
第五節	鍼刺之作用	一一
第六節	鍼刺激之不同	一二
第七節	鍼刺之感通作用	一二
第八節	鍼刺時之預備	一三
第九節	鍼刺時之注意	一三
第十節	鍼刺時皮膚之異點	一四
第十一節	鍼刺時筋肉之異點	一四
第十二節	鍼刺時之體位	一五
第十三節	鍼之使用	一八
第十四節	鍼刺之消毒	一八
第十五節	進鍼時之次序	一九
第十六節	鍼刺之補瀉手術	二〇

第七節	鍼刺之補虛瀉實法……………	一一	第三節	灸術之原料……………	一一
第六節	出鍼時之手法……………	一三	第四節	艾絨之保藏……………	一二
第五節	出鍼困難之處置……………	一三	第五節	艾炷之大小與壯數……………	一二
第四節	出鍼後遺感高腫之處置……………	一四	第二章 各論		
第三節	鍼刺出血不止之處置……………	一五			
第三節	鍼刺出血之目的與手術……………	一五	第一節	灸術之種類與方法……………	一三
第三節	量鍼之處置……………	一六	第二節	灸刺激之強弱……………	一〇
第四節	鍼刺健體與病體之作用……………	一七	第三節	施灸之目的……………	一〇
第五節	折鍼時之處置……………	一七	第四節	灸術之現象……………	一一
第六節	施鍼前之禁戒……………	一八	第五節	灸術之應用……………	一一
第七節	施鍼後之調養……………	一九	第六節	施灸之注意與方法……………	一二
第六節	鍼刺之禁穴……………	二〇	第七節	施灸前之預備……………	一二
第一編 灸科學			第八節	灸術之補瀉……………	一三
			第九節	灸術之醫治作用……………	一三
			第十節	灸術之健體作用……………	一四
			第十一節	灸瘡前後之注意……………	一四
			第十二節	灸瘡之續行施灸法……………	一五
第一章 總論					
第一節	灸術之發明……………	一一			
第二節	灸術之意義……………	一一			



第十三節	灸與攝生之關係	一五
第十四節	施灸之禁穴	一五

## 第二編 經穴學

### 第一章 總論

第一節	經穴學略說	一
第二節	經脈之定義	二
第三節	經穴之分類	三
第四節	周身之名位	四
第五節	人身之度量	一三
第六節	經穴之折量	一八
第七節	經穴學之術語	一九

### 第二章 各論

第一節	手太陰肺經	二〇
第二節	手陽明大腸經	二五
第三節	足陽明胃經	五六
第四節	足太陰脾經	九九

第五節	手少陰心經	一二三
第六節	手太陽小腸經	一三二
第七節	足太陽膀胱經	一五一
第八節	足少陰腎經	二一七
第九節	手厥陰心包絡經	二四六
第十節	手少陽三焦經	二五九
第十一節	足少陽膽經	二八一
第十二節	足厥陰肝經	二二一
第十三節	任脈經	二四一
第十四節	督脈經	二八〇

### 第三章 雜論

第一節	奇經八脈	四一五
第二節	經外奇穴	四一八

## 第四編 治療學

### 第一章 總論

第一節	治療學簡說	一
-----	-------	---

第二章 急性傳染病

第一節	傷寒	二
第二節	溼溫	一三
第三節	熱病	一五
第四節	溫病	一七
第五節	暑病	一九
第六節	霍亂	二二
第七節	疫痢	二五
第八節	瘧疾	二六
第九節	白喉	三三
第十節	喉痧	三五
第十一節	疔腮	三七
第十二節	感冒	三九
第十三節	破傷風	四一
第十四節	鼠疫	四五
第十五節	麻疹	四九

第十六節	梅毒	五二
------	----	----

第三章 新陳代謝病

第一節	消渴	五四
第二節	汗病	五八
第三節	痺病	六〇

第四章 呼吸器病

第一節	鼻病	六二
第二節	咽痛	六七
第三節	音瘖	六九
第四節	喉病	七一
第五節	咳血	七三
第六節	咳嗽	七四
第七節	哮喘	八二
第八節	肺痿	八七
第九節	肺癰	八九
第十節	勞病	九一

第十一節	脅痛	九七	第十五節	黃疸	一三四
<b>第五章</b>			第十六節	臟脹	一三九
<b>消化器病</b>			第十七節	癥瘕	一四二
第一節	口病	一〇〇	第十六節	五積	一四五
第二節	舌病	一〇三	第九節	肝氣	一四九
第三節	傷食	一〇五	第十節	肝風	一五〇
第四節	胃脘痛	一〇七	第二節	便秘	一五一
第五節	嘈雜	一〇八	第三節	便血	一五五
第六節	噎膈	一〇九	第三節	腸癰	一五七
第七節	反胃	一一一	第四節	蟲病	一五九
第八節	呃逆	一一三	第五節	痔病	一六〇
第九節	噫氣	一一五	<b>第六章</b>		
第十節	吞酸吐酸	一一七	<b>循環器病</b>		
第十一節	嘔吐	一一八	第一節	怔忡	一六二
第十二節	吐血	一二〇	<b>第七章</b>		
第十三節	泄瀉	一二三	<b>血液及脾病</b>		
第十四節	下痢	一二七	第一節	瘀血	一六三
			第二節	血虛	一六五

第三節	脾病	一六六	第十三節	耳鳴	一一七
第四節	痰飲	一六八	第九章	泌尿生殖器病	
第五節	發斑	一七五	第一節	腫病	一一九
第八章			第二節	癰閉	一二三
神經系統病			第三節	尿血	一二四
第一節	中風	一七七	第四節	遺溺	一二六
第二節	驚風	一八二	第五節	遺精	一二八
第三節	瘰癧	一八四	第六節	淋濁	一三〇
第四節	癩癧	一九〇	第七節	經病	一三四
第五節	頭痛	一九三	第八節	帶下	一三七
第六節	牙痛	一九九	第九節	血崩	一三九
第七節	健忘	二〇一	第十節	陰痿	一四一
第八節	寤寐	二〇二	第十一節	疝氣	一四二
第九節	百合病	二〇四	第十章		
第十節	腳氣	二〇五	運動器病		
第十一節	目疾	二〇八	第一節	痿症	二四六
第十二節	耳聾	二一四			

# 第四編 治療學

## 第一章 總論

### 第一節 治療學簡說

治療學者。醫治人身之疾病也。其法不一。舉凡十三科之醫術。俱有治療方法。今以鍼灸之術。醫治疾病。考其原始。發明於上古時代。藥物未備之前。以其療治之奇。收效之捷。遠非任何一切方法所能及。嘗稽內經一書。中醫奉爲醫科聖經必讀之本。而於靈樞九卷。臟腑經俞。尤爲詳明。鍼家命名爲鍼經九卷。其於刺熱刺瘡諸編。爲開鍼灸治療之始。試觀西醫之稱曰腸熱症。日文譯名爲腸室扶斯。迄今亦未發明獨特之法。而中醫則有仲景傷寒論專書。其中並載明當刺期門與先刺風池風府之文。以輔湯劑之不及。他如中風之猝暴。肺勞之傳染。霍亂之猖獗。以及一切疑難雜症。他科認爲不易治療者。而吾鍼灸獨能之。當今民生日艱。貧病交迫。旣無延醫之力。尤乏買藥之資。以致病輕者日增。病重者日劇。坐而待斃。比比皆是。且也。中醫之藥物產於各省。西醫之原料遠購重洋。一旦障礙發生。來源告絕。旣不能以道地之藥應用。又不能以他國之藥代療。對病興嗟。束手無策。不論高貴優越之階級。要皆同歸於

盡。豈不痛哉。鍼灸治法。既稱便不繁。且呈效甚大。起沉疴於俄頃。祛痼疾於片時。考古證今。毫厘不爽。綜觀事實。信而有徵。茲將鍼灸主治各症。列入十大章內。願我海內外同志。亟宜悉心研究。羣起而提倡之。庶幾可以登生民於壽域矣。

## 第二章 急性傳染病

### 第一節 傷寒

難經曰。傷寒有五。曰中風。曰傷寒。曰溼溫。曰熱病。曰溫病。此係包括多數急性熱病言之。此所謂中風。係指寒邪外襲之病。即俗稱傷風耳。蓋病有猝然傾倒。不省人事。口眼喎斜之中風。係屬於腦。與上述之中風。絕然不同。未可概論也。至論傷寒。並非難經所言之傷寒。蓋難經之言。是廣義的。醫聖張仲景所著傷寒論。分爲太陽。陽明。少陽。太陰。少陰。厥陰之別。三陽症中。有表症腑症。三陰症中。有寒化熱化。六經之中。更有合病併病。傳變病種種。於傷寒論中。言之綦詳。是狹義的。學者如欲窺其全豹。須讀傷寒專書。茲惟採三陽經之經病腑病。三陰症之寒化熱化。其餘各症。自可旁通觸引。舉一反三矣。然則統名中風。有迥然不同之兩種。俱名傷寒。有廣義狹義之互異。此所謂名異而症同。名同而症異也。學者宜明辨之。

### 太陽



## 病因

### 經病

傷寒 外邪乘虛而入。汗孔閉塞。鬱於內而不洩。乃爲太陽傷寒之始病。「傷寒論輯義」人之感邪氣。其表實閉而無汗者。名爲傷寒。

中風 中風之異於傷寒者。在於汗出。在於不惡寒而惡風。在於脈之緩而不緊。但既汗出。則因散溫機能亢盛。汗出而仍發熱。則因體溫之來源多而去路少。是造溫機能亦相當之亢盛矣。「傷寒論輯義」人之感邪氣。其表虛泄而汗出者。名爲中風。

### 腑病

蓄水 傷寒病之在手足太陽者。必口渴溺赤。蓋以小腸分泌水液入膀胱。若水液留而不去。則無從排泄。同時腎臟之分泌。膀胱之氣化。輸尿管之功能。均失其常態。乃爲致病之由也。

蓄血 蓄血之異於蓄水者。因熱結膀胱。蓄血下焦。苟能一時盡下。則其病自解。

## 症狀

### 經病

傷寒 頭項強痛。惡寒。體痛嘔逆。無汗脈緊。「傷寒論」太陽病。或已發

熱。或未發熱。必惡寒。體痛嘔逆。脈陰陽俱緊者。名爲傷寒。

中風 發熱。不惡寒。汗出肌腠疏。惡風。脈緩。或兼頭項強痛。「傷寒論」太陽病發熱汗出。惡風脈緩者。名爲中風。

腑病

蓄水 太陽病發汗後。脈浮發熱。渴欲飲水。水入則吐。少腹硬痛。小便不利。

蓄血 小腹硬痛。脈微而沉。小便自利。其人如狂。

## 治法

經病

傷寒 頭維三分 風府三分 大杼三分 列缺一分 合谷三分 中脘七分 足三里五分「玉龍歌」傷寒無汗瀉復溜。「雜病穴法歌」傷寒一日刺風府。「百症賦」審他項強傷寒。溫溜期門而主之。「得效方」傷寒初得一二日。頭痛寒熱。宜灸巨闕。上脘。中脘。各五十壯。

中風 百會二分 頭維三分 風府三分 風池三分 曲池五分 陽陵泉五分「行鍼指要歌」或鍼風。先向風府百會中。

腑病



## 治理

蓄水 少澤一分 間使三分 關元五分 小腸俞三分 膀胱俞三分 陰陵泉三分  
蓄血 心俞三分 神門三分 中極七分 膀胱俞三分 足三里五分 行間三分

## 經病

傷寒 頭維風府爲驅頭部之風邪。治頭項之強痛。大杼列缺合谷爲解表。散全身之風寒。中脘爲和中。足三里爲降逆。

中風 百會爲治諸風之要穴。頭維風府風池爲疏散頭部之風邪。曲池陽陵泉爲搜周身及四肢之風。舒筋活絡。

## 腑病

蓄水 少澤間使爲清熱。而止渴吐。關元爲鼓舞下焦之氣化。小腸俞膀胱俞陰陵泉爲分利小便。

蓄血 心俞爲寧心。神門爲安神。中極膀胱俞爲行下焦之血結。足三里行間爲破血行瘀。

## 豫後

不轉入少陽或陽明者良。「傷寒論」太陽病。頭痛至七日以上自愈者。以行其經盡故也。若欲作再經者。鍼足陽明。使經不傳。則愈。按足明陽。卽胃經三里穴是也。

## 陽明

病因 經病 太陽病失於調治而傳者。有自少陽而傳者。亦有外邪直入而始於陽明者。蓋因急性熱病。外感風寒之刺激。內受菌毒之肆虐。正氣抵抗病毒於肌表。則體溫驟高。胃腸以灼熱而蠕動緩慢。乃食毒壅結。其身雖大汗。而熱仍不能爲汗散。「傷寒論」太陽病。若發汗。若下。若利小便。此亡津液。胃中乾燥。因轉屬陽明。

腑病 熱邪宿食。留滯胃腸。不能放散於外。津傷液涸。胃腸無以滋潤。失其蠕動之功用。腎臟因此無從吸收。而膀胱之分泌。亦爲之減少矣。

## 症狀

經病 壯熱煩燥。不惡寒。大渴引飲。大汗出。脈洪大而數。脣口乾燥。「傷寒論」陽明病外證云何。答曰。身熱。汗自出。不惡寒。反惡熱也。

腑病 潮熱譫語。口臭氣粗。腹痛拒按。矢氣頻轉。大便秘結。小便短少。脈沉實有力。甚則沉伏。「傷寒論」陽明之爲病。胃家實是也。「又」不更衣。內實。大便難者。此名陽明也。

## 治法

經病 三間一分 合谷三分 曲池五分 金津出血 玉液出血 內庭三分  
腑病 二間一分 合谷三分 曲池五分 支溝三分 中脘七分 膀胱俞三分 豐隆三分 陰

陵泉三分「素水熱穴論」氣街三里巨虛上下廉。此十者。以瀉胃中之熱也。  
「席弘賦」陽明二日尋風府。嘔吐還須上脘療。

治理 經病 三間合谷曲池爲清熱而除煩。金津玉液爲止渴而生津。內庭爲清陽明之熱。

腑病 二間合谷曲池爲退熱。而清神志。中脘爲清胃熱。攻燥屎以治痛。支溝豐隆爲通大便。膀胱俞陰陵泉爲利小溲。

豫後 熱邪不深入厥陰者良。「傷寒論」發汗多。若重發汗。亡其陽。讖語。脈短者死。脈自和者不死。

死候 「傷寒論」直視譫語喘滿者死。下利者亦死。

### 少陽

病因 經病 風邪侵襲腠理。留而不去。太陽之邪在表。陽明之邪在裏。少陽之邪。既不在表。又不在裏。介乎二者之間。其亦有太陽傳變者。

腑病 陽明之邪熱留而不去。並兼受膽之熱邪所致。

症狀 經病 寒熱往來。胸脅苦滿。耳聾頭痛。不欲飲食。

腑病 口苦咽乾。目眩喜嘔。膈中氣塞。

治法

經病 大杼三分 合谷三分 期門三分 陽陵泉五分 解谿三分 足臨泣二分 至陰一分  
「席弘賦」但患傷寒兩耳聾。金門聽會疾如風。「楊氏治症總要」傷寒脅痛。  
支溝。章門。陽陵泉。委中出血。「醫學綱目」傷寒脅痛。取支溝。陽陵泉。

治理

腑病 頭維三分 中脘七分 足三里五分 內庭三分 足竅陰一分  
經病 大杼合谷爲解表驅風。治寒熱頭痛。期門陽陵泉爲寬胸脅之苦滿。解谿爲清胃熱。增進食慾。足臨泣至陰爲清肝膽之熱。而聰耳目。  
腑病 頭維爲治頭目之眩暈。中脘爲和中。足三里內庭爲降胃熱。足竅陰爲清肝膽之熱。而除口苦咽乾。

豫後 不深入厥陰者良。

太陰

病因 寒化 太陰爲脾之所屬。實則卽腸病也。體質柔弱之人。冷氣內襲。或飲食生冷。留滯中焦。不能消化。於是邪氣之力有餘。正氣之力不足。其機能減退而爲寒。

熱化 體氣強壯之人。偶感冷氣。正氣之力有餘。邪氣之力不足。其機能亢

盛而爲熱。

### 症狀

寒化 腹滿而吐。食不下。時腹自痛。自利不渴。脈遲或細。舌苔白。

熱化 壯熱煩滿。腹痛下利。舌黃糙或乾。脈洪數。

### 治法

寒化 中脘七壯 天樞五壯 足三里三壯 三陰交三壯 公孫三壯 「萬病回春」 傷寒陰症腹痛。灸足小趾外側上紋頭。灸三壯。男左女右。

熱化 間使三分 曲池五分 天樞五分 足三里五分 金津出血 玉液出血

### 治理

寒化 中脘爲溫中暖腑。治腸胃之寒而止吐。天樞爲治積垢。而止腹痛。足三里三陰交爲調節脾胃。而助消化。公孫爲溫脾陽。理中下焦之寒。

熱化 間使曲池爲清胸中及退全身之熱。而止煩渴。天樞足三里爲清腸胃之熱。而除腹痛下利。金津玉液爲清熱而生津。

豫後 熱甚不動肝風者良。

### 少陰

### 病因

寒化 腎虛體衰。外邪侵襲。挾水而動。體溫降落。下焦因此虛寒。不能達於四肢。爲全身機能衰減也。

熱化 熱化之異於寒化者。則挾火而動。體溫高升。上焦因此有熱。神經興



奮。爲全身機能亢進也。

### 症狀

寒化 日暝踈臥。聲低息微。不欲食。身重惡寒。四肢厥逆。腹痛泄瀉。自利清穀。口不渴。脈細微。舌白。

熱化 心煩不寐。肌膚灼燥。小便短少。舌光紅而少津液。

### 治法

寒化 合谷三壯 大杼三壯 腎俞三壯 中脘七壯 關元三壯 天樞五壯 足三里三壯

熱化 少府一分 間使三分 曲澤三分 內關五分 金津出血 玉液出血 上脘七分 湧泉

三分 「傷寒論」少陰病吐利。手足不逆冷反熱者不死。脈不至者灸少陰七壯。按所謂灸少陰者。卽灸太谿穴也。「又」少陰病下利便膿血者可刺。錢氏不曰刺何經穴者。蓋刺少陰之井榮俞經合也。汪氏補亡常器之云。可刺幽門交信。柯韻柏云。便膿血亦是熱入血室所致。刺期門以瀉之。病在少陰而刺厥陰。實則瀉其子也。「又」少陰病。下利脈微澀。嘔而汗出。必數更衣。反少者。當溫其上。按所謂溫其上者。乃灸百會穴也。

### 治理

寒化 合谷大杼爲解表。而驅風寒。腎俞關元爲補腎。振下焦之陽氣。中脘爲溫中。而助運化。天樞足三里爲治腹痛。而止泄瀉。

熱化 少府間使曲澤爲清熱而除煩。內關爲寬胸。金津玉液爲生津止渴。上

豫後

腕爲清胃中之熱。湧泉爲引熱下行。  
寒化 足冷過膝。頭汗如珠者不良。  
熱化 舌紅焦乾。下利清水者不良。

死候

「傷寒論」少陰病。惡寒身踈而利。手足逆冷者不治。「又」少陰病。吐利躁煩。四逆者死。「又」少陰病。下利止而頭眩。時時自冒者死。「又」少陰病。四逆惡寒而身踈。脈不止。不煩而躁者死。「又」少陰病。六七日。息高者死。「又」少陰病。脈微細沈但欲臥。汗出不煩。自欲吐。至五六日。自利。復煩躁不得臥寐者死。

厥陰

病因

純陽症 熱邪傳入厥陰。以造溫機能亢盛。散溫機能衰減。體溫增加之候。  
純陰症 寒邪直入厥陰。以造溫機能衰減。散溫機能亢盛。體溫降落之候。  
陰陽錯雜症 直中之寒邪。與傳變之熱邪。介於二者之間。乃錯亂之候。

症狀

純陽症 張目直視。煩躁不寐。熱甚不惡寒。口臭氣粗。四肢厥冷。心胸灼熱。熱深厥深。下利膿血。或喉爛舌腐。脈弦數而洪。舌紅。或紫或絳。  
純陰症 四肢厥冷。爪甲青黑。腹中拘急。下利清穀。嘔吐酸苦。脈細遲或

沈。

### 治法

陰陽錯雜症 腹中變痛。四肢逆冷。吐利交作。心中煩熱。渴喜冷飲。飲下卽吐。煩渴躁擾。舌黃或白。或舌質紅而似潤。齒乾。脈細弦或細數不靜。純陽症 十宣出血 合谷三分 曲池五分 肝俞三分 天樞五分 大腸俞三分 大敦一分 純陰症 中脘七壯 關元三壯 三陰交三壯 大敦三壯 「肘後歌」傷寒四肢厥逆冷。脈氣無時仔細尋。神奇妙穴真有二。復溜二寸順骨行。四肢回還脈氣浮。須曉陰陽倒換求。寒則須補絕骨是。熱則絕骨瀉無憂。脈若浮洪當瀉解。沈細之時補復瘳。按上行之純陽症。與下行之陰陽錯雜症。均可酌取本條肘後歌之治法。其所鑑別。則在鍼灸補瀉之間耳。

### 治理

陰陽錯雜症 肝俞三分 間使三分 少府一分 中脘七分 足三里五分 純陽症 十宣爲放散全身之體溫。合谷曲池爲退身熱。肝俞大敦爲清肝熱而治本。天樞大腸俞爲治腸壁之發炎而止利。純陰症 中脘爲溫中暖腑。治一切之寒。關元爲振下焦之陽氣而止利。三陰交爲溫中下焦之寒。吐利併止。大敦爲溫肝而治本。陰陽錯雜症 肝俞爲清肝熱。間使少府爲除煩渴而止吐。中脘爲和中。足三



里爲降逆而止利。

豫後

純陽症 不良。

純陰症 良。

陰陽錯雜症 有良。有不良。

死候

「傷寒論」傷寒六七日。脈微。手足厥冷。煩燥。灸厥陰。厥不還者死。「又」傷寒發熱。下利厥逆。躁不得臥者死。「又」傷寒發熱。下利至甚。厥不止者死。「又」下利。手足厥冷。無脈者。灸之。不溫。若脈不還。反微喘者死。「又」下利後脈絕。手足厥冷。晬時脈還。手足溫者生。脈不還者死。「又」傷寒下利。日十餘行。脈反實者死。

## 第二節 溼溫

病之名曰溼溫。乃暑與溼相合而成者。「中醫內科全書」溼溫爲廣義傷寒中之一。其病名始見於難經。後世或謂之溼熱症。西醫以其病竈在腸。高熱不退。每有腸出血。腸穿孔之患。故名腸熱症。日文譯爲腸窒扶斯。實則同是一病也。

病因

本證由於既傷於溼。而復感於暑。或既感於暑。而復傷於溼。乃溼暑相搏所致也。「溫熱經緯」太陰內傷。溼飲停聚。客邪再至。內外相引。故病溼溫。

### 症狀

。「活人書」其人嘗傷於溼。因而中暑。暑溼相搏。則發溼溫。本證初起惡寒。寒止而發熱。胸痞不欲食。口渴不引飲。頭痛身重。汗出妄言。甚則兩脛逆冷。「溫病條辨」其症頭痛惡寒。身重疼痛。舌白不渴。面色深黃。胸悶不飢。午後身熱。狀若陰虛。病難速已。名曰溼溫。「溫熱經緯」其症始惡寒。後但熱不寒。汗出胸痞。舌白。口渴不引飲。「活人書」其症兩脛逆冷。胸腹滿。多汗。頭痛。妄言。

### 治法

大杼三分 間使三分 列缺一分 合谷三分 中脘七分 三陰交三分

### 治理

大杼爲解表驅風。間使爲退熱。而治妄言。列缺爲止頭痛。合谷爲除汗之多出。中脘爲驅逐中焦之溼邪。並促進胃腸之蠕動。三陰交爲痞滿與下肢之逆冷並治。

### 禁忌

「中醫內科全書」不可發汗。不可早用滋陰之藥。飲食更宜謹慎。只可與以流動之食品。如牛乳藕粉之類。熱退一星期後。始可與以半流動物。再次則與以固形物。且在恢復期內。腹中易起飢餓。若不明病情。妄與以饅頭羊羹等類。則其腸立爲之穿破。而致於死。故卽漸恢復。亦不可輕與以固定之食物。

豫後

「中醫內科全書」本病之結果。據西醫統計。十分中有二分不救。小兒之死亡數較多。年齡愈大。則豫後愈不良。此外有肥胖症慢性心臟病肺病腎臟病者。以及貧血虛弱平時嗜酒者。豫後亦均不良。

死候

「中醫內科全書」本病最可恐怕者。爲腸出血與腸穿孔。腸出血約在病發之第三星期而來。由於患者食物不注意。缺乏安靜。其徵候爲便血。間或可救。腸穿孔亦多起於第三星期。其徵候爲下塘糞及粘液。雜以鮮紅血星。且漏出腸之內容於腹膜。而生腹膜炎。腹部疼痛。且甚覺膨脹。非常困苦。數小時內可死。

### 第三節

#### 熱病

古人對於熱病。每以溫病包括稱之。後人分邪之輕者爲溫。重者爲熱。漸受者爲溫。急中者爲熱。復以溫病之發於夏至以後者統稱熱病。素問熱論云。今夫熱病者。皆傷寒之類也。其如溫病條辨。仍襲古人之包括法。溫熱經緯。則用近今之貼切法。其意義則一也。惟有伏氣熱病。外感熱病之別。

病因

伏氣熱病 每感熱邪。不隨時卽病。潛伏人身。至相當時期而發者。其亦有冬傷於寒。鬱熱待夏至以後。炎暑司令。相火用事而發者。

外感熱病 每感熱邪。隨時隨發者。「潔古」……動而得之者爲中熱。中熱者陽證。……若行人或農夫。於日中勞役得之者。名曰中熱。

### 症狀

伏氣熱病 發熱身疼。不惡寒。但大熱而大渴者。

外感熱病 「潔古」……其病必苦頭痛。發躁熱惡熱。捫之肌膚大熱。心大渴引飲。……

### 治法

伏氣熱病 參閱下節伏氣溫病條之治法及治理。

外感熱病 頭維三分 合谷三分 間使三分 曲池五分 十宣出血 金津出血 玉液出血

湧泉三分 「百症賦」熱病汗不出。大都更接於經渠。「又」發熱仗少冲曲池

之津。「玉龍賦」壅熱甚乎三焦。關冲最宜。「又」又若心虛熱壅。少冲明

於濟奪。「靈樞熱病篇」熱病。七八日脈口動。喘而短者。急刺之。汗且自

出。淺刺手大指間。「又」熱病挾臍急痛。胸脅滿。取之湧泉。與陰陵泉。

……「又」熱病而汗且出。及脈順可汗者。取之魚際太淵。大都太白。瀉之

則熱去。補之則汗出。汗出太甚。取內踝上橫脈以止之。按所云內踝上橫脈

。卽三陰交穴也。上條之伏氣熱病。亦能參酌本條之治法。

### 治理

外感熱病 頭維合谷爲散頭部之邪熱。而止頭痛。間使曲池爲清熱。十宣出

## 禁忌

血爲放散體溫。金津玉液爲生津止渴。湧泉爲退身熱。而除煩躁。

忌飲過熱之湯水。「靈樞熱病篇」熱病不可刺者有九。一曰汗不出。大顙發赤。噦者死。二曰泄而復滿甚者死。三曰日不明。熱不已者死。四曰老人嬰兒。熱而腹滿者死。五曰汗不出嘔。下血者死。六曰舌本爛。熱不已者死。七曰欬而衄。汗不出。出而至足者死。八曰髓熱者死。九曰熱而瘕者死。腰折瘕瘕。齒噤齧也。凡此九者。不可刺也。

## 豫後

## 死候

「靈樞熱病篇」其得汗而脈靜者生。「又」脈盛躁。得汗。靜者生。「靈樞熱病篇」熱病。七日八日。脈微小。病者洩血。口中乾。一日平而死。脈代者一日死。「又」熱病。已得汗出。而脈尙躁。喘且復熱。勿刺膚。喘甚者死。「又」熱病。七日八日。脈不躁。躁不散數。後三日中有汗。三日不汗。四日死。「又」熱病。不知所痛。耳聾。不能自收。口乾。陽熱甚。陰頗有寒者。熱在髓。死不可治。「又」熱病。已得汗。而脈尙盛躁。此陰脈之極也。死。「又」熱病脈尙躁而不得汗者。此陽脈之極也。死。

## 第四節 溫病

參閱上節熱病條。「傷寒論」太陽病。發熱而渴。不惡寒者。爲溫病。茲分伏溫病



## 外感溫病之別。

病因 伏氣溫病 冬季伏於經絡之邪。隨時令之溫熱而發出。但所發之原因不同。有感非時暴寒而發者。有饑飽勞役而發者。有交媾作力而發者。所感之邪既殊。發出之經絡亦異。所謂溫病之脈。行在諸經。不知何經之動也。「靈樞」冬傷於寒。春生燠熱。「素生氣通天論」冬傷於寒。春必病溫。「金匱真言論」藏於精者。春不病溫。

外感溫病 溫熱之邪。由皮毛口鼻而入。首先犯肺。肺氣不宣。氣管因之失利。「素生氣通天論」冬不藏精。春必病溫。

## 症狀

伏氣溫病 身寒畏風。寒輕熱重。頭昏胸悶。四肢痠疼。「傷寒論」伏氣之病以意候之。……若脈微弱者。當候中痛似傷。非喉痺也。病人云。實咽中痛。雖爾今復欲下利。

外感溫病 發熱咳嗽。口渴不惡寒。亦有初起口不渴。微惡寒二三日。始變口渴不惡寒者。

## 治法

伏氣溫病 大杼三分 合谷三分 內關五分 少商一分 液門三分 魚際二分 足三里五分

## 治理

外感溫病 肺俞三分 尺澤三分 列缺一分 經渠一分 外關三分

伏氣溫病 大杼爲散溫熱之邪。合谷爲治頭昏。內關爲寬胸。少商液門魚際爲清邪熱之上犯咽喉。足三里爲降逆而理四肢之痠疼。若以非時暴寒而發者。則加曲池爲退周身之邪熱。饑飽勞役而發者。則加中脘爲和中。命門爲補虛。交媾作力而發者。則加腎俞湧泉爲益精補腎而全神。

外感溫病 肺俞尺澤爲清肺熱而止咳。列缺經渠爲退表熱而除渴。外關爲疏外感之身熱。

## 禁忌

參閱上節熱病條。

## 豫後

伏氣溫病 凡大熱不得汗。或得汗後反熱。而脈躁者不良。

外感溫病 參閱上節熱病條。

## 死候

伏氣溫病 「溫熱暑疫全書」溫病大熱。脈反細小。手足厥冷者死。「又」溫病初起大熱。目昏譫語。脈小足冷五六日。而脈反躁急。嘔吐昏沉。失血痙搐。舌本焦黑。脈促結代沉小者皆死。「又」溫病汗後反熱。脈反盛者死。外感溫病 「素問」病溫虛者死。

## 第五節 暑病

暑爲六氣之一。傷寒金匱曰。內經曰暑。又曰。先夏至日爲病溫。後夏至日爲病暑。誠以赤帝當令。暑熱薰蒸。人感觸則發之。茲分中暑。伏暑。暑厥之別。

病因

中暑 本證由腎水素虧。暑氣鼓激其痰。壅塞心包。或勞疲於烈日之下。暑邪內襲。氣機停阻所致。「東垣」避暑熱於深堂大廈得之者。名曰中暑。……爲房屋之陰寒所遏。使周身陽氣不得伸越。「潔古」靜而得之者爲中暑。

……中暑者陰證。

伏暑 本證因感暑毒在先。繼爲風寒所閉。漸入其內。伏於三焦腸胃之間。或秋或冬。久而始發。亦有曝書曝衣。暑氣未散。隨即收藏。至秋冬近之而中其毒者。「溫熱暑疫全書」人受暑熱之毒。棲伏三焦腸胃之間。久久而發者爲伏暑。「伏邪新書」暑字從日。夏日炎烈。天上太陽火氣也。在六氣則爲少陽相火。其邪氣傷人。皆由人頭背口鼻皮毛而入。夏日受暑而不即病者。以從人之汗孔化汗而出也。若汗孔閉。津液虛。陰氣不足送邪出表。則病作矣。有送而未盡出表。日復一日。積累暑邪內伏。至秋方病作。或至秋末冬時而作者。皆爲伏暑。

暑厥 本證由暑熱鬱蒸。穢氣閉塞孔竅所致。



## 症狀

中暑 面垢悶倒。昏不知人。冷汗自出。手足微寒。或吐或瀉。或喘滿口渴。汗。汗。「東垣」……其病必頭痛惡寒。身形俱急。肢節疼痛而煩心。肌膚火熱無汗。

伏暑 吐瀉似霍亂。寒熱似瘧疾。或洩利腹痛。脣燥齒乾。或暑毒深入。熱結在裏。識語煩渴。不欲近衣。大便秘結。小便赤澀。「伏邪新書」其症惡寒身熱。氣虛入暮熱甚。口或渴或不渴。……頭眩體痠。自汗。有汗亦不退熱。……

## 治法

暑厥 神志昏迷。四肢厥冷。面垢齒燥。二便不通。頭汗淋漓。亦有不汗。

中暑 腎俞三分 關元五分 合谷三分 列缺一分 曲池五分 內關五分 足三里五分

伏暑 列缺一分 合谷三分 中脘七分 天樞五分 支溝三分 豐隆三分 陰陵泉三分

暑厥 支溝三分 合谷三分 十宣出血 氣海五分 足三里五分 湧泉三分

## 治理

中暑 腎俞關元爲壯腎水。而振陽氣。合谷爲開竅。列缺曲池爲清暑熱而除煩。內關爲和中而止吐。足三里爲止瀉降逆併治之法。

伏暑 列缺合谷爲解外感之風邪。而治寒熱。中脘天樞爲吐瀉兼治。支溝豐隆陰陵泉爲使熱毒從大小便而出。

暑厥 水溝湧泉爲治邪之卒中。合谷爲清諸竅之熱。十宣出血爲放散高熱。氣海足三里爲調達下焦之氣化。通利二便。

豫後 中暑 多良。

伏暑 「伏邪新書」秋初卽發者輕。易治。冬月方發者重。難治。暑厥 多良。

#### 第六節 霍亂

病起揮霍悶亂。成於頃刻之間。「巢氏病源」名曰霍亂者。言其病揮霍之間。便致繚亂也。「中醫內科全書」本病有乾溼二種。吐利不得。謂之乾霍亂。俗名絞腸痧。上吐下瀉。謂之溼霍亂。

病因 乾霍亂 胃中氣虛。卒中邪惡污穢之氣。鬱於胸腹之間。「巢氏病源」乾霍亂者。是冷氣搏於腸胃。致飲食不消。……其腸胃先挾實。故不吐利。

溼霍亂 「巢氏病源」霍亂者。由人溫涼不調 陰陽清濁二氣有相干亂之時。其亂在於腸胃之間者。因遇飲食而變。……亦有飲酒肉食腥膾生冷過度。因居處不節。或露臥溼地。或當風取涼。而冷之氣歸於三焦。傳於脾胃。脾胃得冷則不磨。不磨則水穀不消化。亦令清濁二氣相干。脾胃虛弱則吐利。

水穀不消則心腹脹滿。皆成霍亂。

### 症狀

乾霍亂 胸腹驟脹。遍體紫黑。上不得吐。下不得瀉。腸胃絞痛。「巢氏病源」乾霍亂者。……但腹滿煩亂。絞痛短氣。「得效方」乾霍亂者。忽然心腹脹滿刺痛。狀若神靈所附。吐利不得。頃刻之間。便致悶絕。

溼霍亂 「巢氏病源」霍亂者。……發則心腹絞痛。其有先心痛者則先吐。先腹痛者則先利。心腹並痛者。則吐利俱發。挾風而實者。身發熱頭疼體痛而復吐利。虛者但吐利。心腹刺痛而已。

### 治法

乾霍亂 十宣出血 內關五分 中脘七分 委中七分 足三里五分 湧泉三分 「醫學入門」乾霍亂刺委中出血。或十指頭出血。「百症賦」中邪霍亂。尋陰谷三里之程。「經驗良方」絞腸痧證。手足厥冷。腹痛不可忍者。以手蘸溫水。於病者膝灣上拍打。有紫黑點處。以鍼刺去惡血即愈。「醫學正傳」乾霍亂刺委中出血。或十指頭出血。皆是良法。「江應宿」治一人病霍亂。欲瀉不下。心腹絞痛。脈沉伏。是乾霍亂也。急令飲鹽湯吐宿食痰涎碗許。并鍼刺手足眉心出血。

溼霍亂 中脘七壯 神闕三壯 天樞五壯 承山五壯 三陰交三壯 公孫三壯 「勝玉歌

「霍亂心疼吐痰涎。巨闕着艾便安然。」馬丹陽天星十二訣「承山霍亂及轉筋。」「得效方」霍亂轉筋入腹。手足厥冷。氣欲絕。以鹽填臍中。大艾炷灸之。不計壯數。立效。

### 治理

乾霍亂 十宣委中出血。爲使血中之熱毒放散於體外。內關爲開胸和中。中脘足三里爲蕩滌腸胃之積垢。湧泉爲清熱。挽暴陽之欲脫。

溼霍亂 中脘天樞爲治腸胃間之寒冷與積垢。神闕爲壯陽理氣。承山爲止轉筋。三陰交公孫爲理心腹及下焦之一切虛寒。吐利則不治而自除。

### 禁忌

切忌用涼藥及火酒薑蒜穀氣米飲諸熱湯。「千金」凡諸霍亂忌與米飲。胃中得米。卽吐不止。「綱目」霍亂吐瀉時。慎勿與粟米粥湯。入胃必死矣。

### 豫後

乾霍亂 「明理」……乾霍亂死者多。以其上不得吐。下不得利。則所傷之物。不得出泄。壅閉正氣。隔絕陰陽。煩擾悶躁。喘脹而死矣。

溼霍亂 「明理」溼霍亂死者少。蓋吐利則所傷之物得以泄出。雖甚重。胃中水穀泄盡則止矣。所以死者少也。……

### 死候

「張氏醫通」霍亂之後。陽氣已脫。或遺溺不知。或氣怯不語。或膏汗如珠。或躁欲入水。或四肢不收。舌卷囊縮。皆爲死候。

## 第七節 疫痢

痢之易於傳染者。「良方」一方一家之內。上下傳染。長幼相似。是疫毒痢也。

病因 「痢疾論」疫痢乃時行不正之氣。春感爲瘟。秋則成痢。

症狀 「痢疾論」其症大都先發寒熱。或先見泄瀉。繼而裏急後重。利下赤白。……此症多見惡寒身痛。發熱嘔吐。

治法 合谷三分 中脘七分 天樞五分 關元五分 中膺俞三分 足三里五分 「李東垣」下利腹痛。便膿血。取丹田。復溜。小腸俞。天樞。腹哀。「又」裏急後重。取合谷。外關。

治理 中脘天樞爲逐胃腸之宿食積滯。關元爲調達下焦之氣化。中膺俞爲治裏急後重。合谷足三里爲清大腸及胃腑之熱。

禁忌 「千金」凡痢病通忌生冷，酢，滑，猪，羊，鷄，魚，油，乳，酪，酥，乾脯，醬粉，鹹。所食諸食。皆大熟爛爲佳。亦不得傷飽。此將息之大經也。若將息失所。聖醫不能救。

豫後 不良者多。

死候 「丹溪心法」下痢如塵腐色者死。下純血者死。下如茅屋漏水者死。大孔開



如竹筒者死。唇如朱紅者死。

第八節 瘧疾

「劉熙」瘧。酷瘧也。凡瘧。或寒或熱耳。而此疾先寒後熱。兩疾似酷瘧者也。茲分風瘧。寒瘧。痺瘧。溼瘧。痰瘧。食瘧。勞瘧。鬼瘧。疫瘧。瘴瘧。瘧母之別。

病因

風瘧 避暑乘涼。汗出當風。邪閉毛孔。不得泄越。「內經」陽氣者。精則養神。柔則養筋。魄汗未盡。形弱而氣燄。穴俞以閉。發爲風瘧。「又」夏暑汗不出者。秋成風瘧。「時病論」風瘧者。亦由長夏先受暑。至秋感風而發也。

寒瘧 多因暑月乘涼沐浴。感受寒邪。伏於少陽血分。不能外出。而與陽爭。「時病論」先受陰寒。或沐浴之水寒。寒氣伏於肌腠之中。復因外感邪氣觸之而發。

痺瘧 感受暑邪。陰微陽盛。「內經」肺素有熱。氣盛於身。厥逆上衝。中氣實而不外泄。因有所用力。腠理開。風寒舍於皮膚之內。分肉之間而發。發則陽氣盛而不衰。則病矣。其氣不及於陰。故但熱不寒。邪氣內藏於心。而外舍於分肉之間。令人消燂脫肉。故命曰痺瘧。



溼瘡 外着溼衣。或內停水溼。日久而邪伏太陰。「陳無擇」溼瘡者。因汗出復浴。溼舍皮膚。及冒雨溼所致。

痰瘡 夏月多食瓜果油麵。或乘涼飲冷。鬱結成痰。「金匱翼」痰瘡由夏月乘涼飲冷。及臥溼地。饑飽失時。脾胃不和。痰積中脘所致。

食瘡 飲食不節。營衛失和。中脘生痰。而風氣乘之。「時病論」食瘡卽胃瘡也。因於飲食失節。饑飽不常。穀氣乘亂。營衛失和。一有不謹。則外邪冒之。遂成瘡疾。

勞瘡 瘡病煎熬日久。元氣耗衰。內熱不清。或素有勞證。而兼患之。或勞役過度。營衛空虛。「時病論」勞瘡者。瘡疾久延爲勞也。或因久病勞損。氣血兩虛而病瘡。或因勞役過度。營衛空虛而患瘡。「沈氏尊生」勞瘡者。以真元不足。表裏俱虛。或作勞。或房勞所致。故病發於陰。卽久瘡也。

鬼瘡 邪入陰分。或感時行不正之氣。「時病論」鬼瘡者。因卒感尸疰客忤。……患是證者。都係體弱屬陰之人。而強壯屬陽之體。無一患者。

疫瘡 感受時行不正之氣。變成寒熱。「時病論」疫瘡之爲病。因天時寒熱不正。邪氣乘虛而襲膜原。欲出表而不能透達。欲陷裏而未得空隙。故作寒

熱往來。或一日二三次。或一次無定期也。

瘧瘧 山嵐瘴氣。溼熱薰蒸。邪鬱中焦。不習水土者多患之。「時病論」瘧瘧之證。嶺南爲多。因天氣炎熱。山氣溼蒸。多有嵐瘴之毒。

瘧母 瘧發之時。飲食生冷。或挾血食痰溼。結於脾藏腫脹。「時病論」瘧經年不愈。謂之老瘧。或食積。或痰涎。或瘀血。皆能結成痞塊。謂之瘧母。亦有因調治失宜。營衛俱虛。或截瘧太早。邪伏肝經脅下。而成痞塊。……風瘧 煩躁頭痛。惡寒自汗。或先熱後寒。「沈氏尊生」風瘧者。自感風而得。風爲陽邪。故其證先熱後寒。惡風自汗。頭痛煩躁。……

寒瘧 多寒少熱。或但寒無熱。腰背頭項疼痛。「沈氏尊生」寒瘧者。自感寒而得。寒爲陰邪。故先寒後熱。且寒多熱少。惡寒無汗。攣痛而慘。……痺瘧 但熱不寒。體若燔炭。裏實不泄。煩渴且嘔。「張氏醫通」痺瘧。但熱不寒。裏實不泄。煩渴而嘔。肌肉消燦。……

溼瘧 發則一身盡痛。手足沈重。小便不利。嘔逆脹滿。「金匱翼」溼瘧者。寒熱身重。肢節煩疼。脹滿善嘔。自汗。痰瘧 寒熱不已。胸痞嘔吐。頭痛肉跳。甚則昏迷卒倒。「金匱翼」痰瘧。

……其證胸痞嘔吐。或時眩暈者是也。

食瘧 善飢而不能食。食即支滿。腹大善嘔。寒止而熱。熱止而寒。「諸方」食瘧一名胃瘧。……寒已復熱。熱已復寒。寒熱交併。苦饑而不能食。食則吐痰。經曰。寒熱善飢而不能食。食已支滿腹脹。病以日作。名曰胃瘧是也。

勞瘧 寒熱甚微。或發於晝。或發於夜。「時病論」勞瘧者。……發熱惡寒。寒中有熱。熱中有寒。或發於晝。或發於夜。每遇小勞即發。氣虛者。多汗。飲食少進。血虛者。午後發熱。至晚微汗乃解。

鬼瘧 寒熱日作。發必譫語。多生恐怖。如有鬼憑附之狀。「沈氏尊生」鬼瘧者。……寒熱日作。或甚或不甚。每發必糊言亂語。見神見鬼。多生恐怖。……

疫瘧 口渴多汗。每患於夏秋之間。甚至沿門闔境均得之。「時病論」疫瘧。……寒輕熱重。口渴有汗。大概沿門合境。長幼相似。……

瘴瘧 發時迷悶。甚則狂妄。乍寒乍熱。身體沈重。「時病論」瘴瘧之證。……人感之者。即時昏悶。一身沉重。或寒甚熱微。或寒微熱甚。亦有疊日

間日而作者。亦有狂言妄語者。亦有口瘡不語者。

瘧母 寒熱時作。食慾減退。脅下痞滿。按之有塊。「醫學入門」……結成痞塊。藏於腹脅。作脹且痛。乃瘧母也。

### 治法

風瘧 大杼<sub>三分</sub> 風府<sub>三分</sub> 百會<sub>二分</sub> 曲池<sub>五分</sub> 間使<sub>三分</sub> 「勝玉歌」五瘧寒多熱更多。間使大杼真妙穴。「肘後歌」瘧疾寒熱真可畏。須知虛實可用意。間使宜透支溝中。大椎七壯如聖治。連日頻頻發不休。金門刺深七分是。瘧疾三日得一發。先寒後熱無他語。寒得熱少取腹溜。熱多寒少用間使。「通玄指要賦」瘧生寒熱兮。仗間使以扶持。「玉龍歌」間使勦瘧疾。按本條各歌賦之治法。並非專指風瘧而言。以下瘧病。統能酌取之。

寒瘧 大椎五壯 間使三壯 後谿三壯 列缺三壯 崑崙三壯 「百症賦」寒瘧兮。商陽太谿驗。「天星祕訣」寒瘧面腫及腸鳴。先取合谷後內庭。

瘧瘧 大杼<sub>三分</sub> 合谷<sub>三分</sub> 間使<sub>三分</sub> 魚際<sub>二分</sub> 大椎<sub>五分</sub> 湧泉<sub>三分</sub>

溼瘧 大椎五壯 內關三壯 胃俞三壯 太谿三壯 足三里三壯

痰瘧 大椎五壯 中脘七壯 後谿三壯 列缺三壯 豐隆三壯

食瘧 大椎五分 內關五分 中脘七分 二間一分 公孫三分 內庭三分

勞瘡 大椎五分 膏肓三分 脾俞三分 湧泉三分 「醫學綱目」久瘡不愈。大椎先鍼後灸三七壯。或云第三骨節。「張子和」治陳下一人病瘡。三年不愈。止服溫熱之劑。漸至衰羸。求張治。張見其羸。亦不敢便投寒冷之劑。乃取內經刺瘡論詳之曰。諸瘡不已。刺十指出血。正當發時。令刺其十指出血。血止而寒熱立止。咸駭其神。「又」有人患久瘡。諸藥不效。或教之以灸脾俞即愈。「又」一人久患瘡。聞之亦灸此穴而愈。蓋瘡多因飲食得之。故灸脾即效。

鬼瘡 大椎五分 間使三分 合谷三分 心俞三分 神門三分 關元五分  
疫瘡 大椎五分 十宣出血 間使三分 合谷三分 曲池五分 「玉龍歌」時行瘡疾最難禁。穴法由來未審明。若把後谿穴尋得。多加艾火即時輕。

瘡瘡 大椎五分 十宣出血 間使三分 曲澤三分 經渠一分  
瘡母 大椎五壯 脾俞三壯 痞根七壯 章門三壯 行間三壯

風瘡 大杼爲解表驅風。風府爲治一切風寒之要穴。百會爲泄頭部之風邪而止痛。曲池爲搜周身之風。間使爲清熱。而除煩躁。

寒瘡 大椎間使後谿同用。爲解表寒。而治寒熱。列缺崑崙以止頭項腰背之



疼痛。

瘧瘧 大杼合谷爲解表。而驅風寒。間使魚際爲清熱。而止渴吐。大椎爲截瘧。湧泉爲引熱下行。

溼瘧 大椎爲截瘧。內關爲利痰溼之阻滯。胃俞爲中溼症之專穴。太谿爲化溼快胃。足三里爲引胃逆下降。通利小便。

痰瘧 大椎後谿爲截瘧之要穴。列缺爲解外邪。而止頭痛。中脘爲化脾胃之痰溼。豐隆爲行痰。而兼理胸腹之痞嘔。

食瘧 內關爲調達中焦之氣機。中脘爲逐痰溼。而蕩宿食。二間爲清寒熱。公孫內庭爲降脾胃之逆。大椎爲治瘧。

勞瘧 膏肓爲補虛益損。脾俞爲促進脾胃之運化。增進食慾。湧泉爲補腎而清熱。大椎爲截瘧。

鬼瘧 間使合谷爲退身熱。心俞爲清五臟之熱而定志。神門爲安神。關元爲振陽氣而培元。大椎爲截瘧。

疫瘧 十宣出血爲宣散蘊熱之在裏。間使合谷曲池爲解表熱之在外。大椎以治本。



瘡癰 十宣出血爲放散熱毒。間使曲澤爲清熱。而治胸中之煩渴。經渠大椎爲截瘡。

瘡母 脾俞爲醒脾強胃。使食慾增進。痞根爲消痞結。章門行間爲疏肝破瘀。大椎爲截瘡。

### 禁忌

「直指」凡瘡方來。與正發時。不可服藥。恐藥病交爭。轉爲深害。須未發兩時之前。或發日清晨與服。仍節飲食。避風寒。遠酒色。慎起居。無不愈。『金匱翼』瘡發時。與大熱大渴。必以淡生薑湯。適寒溫飲之。若恣飲冷水瓜果。脾胃轉傷。邪氣不達。綿延難愈。

### 豫後

良者多。不良者甚少。

### 死候

「內經」寒熱脫形。脈堅搏。逆也。死不治。「得效方」久瘡腰脊強急瘰癧者。必不治。

### 第九節 白喉

「中醫內科全書」咽喉位居要道。飲食所出入。呼吸所由轉。偶有疾患。則飲食呼吸。均發生窒礙。其危急莫此爲甚。故諺曰。救病如救火。走馬看咽喉。蓋謂喉症之來。死生反掌。醫治不容稍緩也。

## 病因

體質素弱。或遇燥氣流行。或食辛熱之物。感觸而發於肺腎。亦有因熱邪伏於少陰。盜肺金之母氣而致者。「白喉條辨」陽明燥令司天之年。或秋冬之交。天久不雨。燥氣盛行。邪客於肺。伏而化火。至初春雨水驟至。春寒外加。少陽相火。不能遂其條達之機。遂挾少陰君火。循經絡而上。與所伏之燥火。互相沖激。猝乘咽喉清竅而出。或發白塊。或發白點。名曰白喉。互相傳染。

## 症狀

初起惡寒發熱。頭痛背脹。遍身骨節疼痛。喉內或極痛。或微痛。或不痛。而皆微硬。有隨發而白隨見者。有至二三日白始見者。或有白點白條白塊。甚至滿喉皆白者。「白喉條辨」白喉病初起。頭痛身惡寒。……咽燥無痰。喉間發白。或咳。或不咳。或痛。或不痛。但介介如梗狀。飲食如常。此手太陰經燥氣本病也。「又」白喉症如前。喉間紅腫而痛。甚則頸項亦腫。初起輒多痰涎。此太陰燥火。挾有少陽相火也。「又」白喉病症如前。初起心煩。舌根微硬。尖絳者。此太陰燥火。挾有少陰君火也。

## 治法

少商出血 合谷三分 尺澤三分 關衝出血 心俞三分 少府一分 湧泉三分 「百症賦」喉痛兮。液門魚際去療。「席弘賦」咽喉最急先百會。太衝照海及陰交。「

勝玉歌「頷腫喉閉少商前。」標幽賦「取照海治喉中之閉塞。」靈樞經「咽喉閉塞取照海。」丹溪心法「喉閉。少商。合谷。尺澤。皆鍼之。」李東垣「喉閉。刺少陽井。按所謂少陽井者。即在手爲關衝穴。在足爲竅陰穴也。少商合谷尺澤爲清肺與大腸之熱。關衝爲宣三焦之血熱。治喉間之阻塞。心俞少府爲清心熱而除煩。湧泉爲引熱下行。」

### 禁忌

「白喉條辨」白喉忌升提并吐。忌溫散發汗。忌大下亡津。忌刀鍼。忌苦重助燥。按所云忌刀鍼者。乃指局部而言之。

### 豫後

大人易治。小兒難治「丁甘仁」白喉忌表。誤汗則危。

### 死候

若誤投表散及禁忌之藥。致七日滿白不退。大便秘結不通。或嘔吐泄瀉。頷下發腫。音啞鼻塞。白塊自落。肢脹神倦。鼻孔流血。喉乾無涎。天庭黑暗。兩目直視。面脣俱青。角弓反張。汗出如漿。藥不能下。皆爲死候。

### 第十節 喉痧

喉痧。乃疫喉之別稱。亦即喉症之易於傳染者。

### 病因

疫毒之邪氣。由口鼻而入。與肺胃蘊伏之熱。混亂盤踞。一遇少陽相火沸騰。或加外風相搏。則蘊熱疫毒。一齊上千。「喉痧症治概要」爛喉痧。發

於夏秋者少。冬春者多。乃冬不藏精。冬應寒而反溫。春猶寒禁。春應溫而反冷。經所謂非其時而有其氣。釀成疫癘之邪也。邪從口鼻入於肺胃。咽喉爲肺胃之門戶。暴寒束於外。疫毒鬱於內。蒸騰肺胃兩經。厥少之火。乘勢上亢。於是發爲爛喉痧痧也。

## 症狀

咽喉暴痛暴腐。或左或右。或左右全腐。其色或白或黃。或紅或紫。其痛或重或輕。或不痛。遍身熱如火燎。皮膚紅暈如斑。甚則嘔吐氣喘。神煩昏冒。自利溲赤。口乾唇紅。躁亂驚惕。或微惡寒。「喉痧症治概要」爛喉痧痧病。初則寒熱。煩躁。嘔噁。咽喉腫痛。腐爛。舌苔或白如積粉。或薄膩而黃。此時邪鬱於氣分。……如壯熱口渴煩躁。咽喉腫痛腐爛。舌邊尖紅絳。中有黃苔。痧痧密布。甚則神昏譫語。此時疫邪化火。漸由氣入營也。

## 治法

十宣出血 液門三分 魚際二分 合谷三分 湧泉三分

## 治理

十宣出血爲泄血毒。清一切之邪熱。液門爲清三焦之蘊熱。魚際合谷爲疏散肺與大腸之熱。湧泉爲引熱下行。而使熱毒不致上干。

## 禁忌

「喉痧正的」喉痧伏邪在裏。初起切忌寒涼以鬱。則毒焰愈燔也。不特涼藥不宜誤服。卽一切瓜果冷飲俱宜禁絕。世人不知。以爲口渴咽痛屬火。恣噴



青菓水梨茅根西瓜皮等。甚者或擅服西洋麥冬元參石斛之類。貽誤非淺。不可不申其禁。

豫後 面垢肢涼。譫語搖擗。輕者猶可治療。重者二三日卽死。「丁甘仁」喉痧應表。有汗則生。

死候 凡疫痧見喉腐色晦。神昏氣喘。鼻煽口張。壯熱自利。痧點隱約者。均不治。「喉痧症治概要」脈伏者不治。泄瀉不止者不治。會厭腐去。聲啞氣急者不治。「又」凡咽喉閉。毒氣歸心。胸前腫滿。氣煩促。下部洞泄不止者死。若初起咽喉。嘔吐清水。神昏譫語。目光上竄。脈瀹伏。痰聲如鋸者不治。「又」三四日內。津涸舌光。脣齒焦黑。鼻煽口張。目無神者亦不治。

#### 第十一節 痧腮

「中國急性傳染病學」歷代醫家。沿稱頤毒。發頤。腮腫。痧腮。時毒等名。或象形稱之曰蝦蟆瘟。異名甚多。要皆今日之流行性耳下腺炎也。

病因 本證多由陽明胃熱所致。「陳實功」痧腮乃風熱溼痰所生。或冬溫後天時不正。感發傳染。兩腮腫痛。「薛新甫」痧腮屬足陽明胃經。或外因風熱所乘。或內因積熱所致。「中國急性傳染病學」本病病源體。尙本發見。通常流

## 症狀

行於春秋冬三季。最多侵襲於小兒及青年。大抵空氣乾燥之際。如小兒恣啖葷腥生冷。觸冒風寒。往往即誘起本病。個人對於本病之感受性。人各不同。有一生概不傳染者。亦有一度感染後。從此不復發見者。是由先天後天之免疫性。各不相同。有以使然耳。此外常於數種傳染病經過中。往往續發或移行。與本病類似之耳下腺炎。與本病原因。迥不相同。不可混淆誤會。寒熱焮腫。生於兩腮肌肉不著骨之處。「醫宗金鑑」初起焮痛。寒熱往來。若高腫色紅焮熱者。係陽明風熱所發。若平腫色淺不鮮者。由胃經溼熱所生。「中國急性傳染病學」初起患者。翕翕發熱。口腔呈輕度之炎症狀。繼於一側或兩側之耳下及下顎角部。（普通都在左側）皮膚緊張。灼熱疼痛。漸次腫脹。呈蒼白色。同時患者咬筋爲之牽引。咀嚼。嚥下。談語等。均感困難。飲食減少。體力疲憊。如病勢激增時。往往惡寒戰慄。高熱如炎。更有持續三四日。延及他側腺體。亦發炎症者。如感染單純。經過順利。約一週左右。即告痊愈。惟普通多與睪丸炎合併發作。不免多歷時日耳。

## 治法

頰車三分 下關三分 合谷三分 列缺一分 足三里五分

## 治理

頰車下關爲局部直接疏散之法。合谷列缺爲解表。治兩腮之腫脹。足三里爲



搜風。而祛溼熱。若以外因風熱所乘者。則加大杼風池爲驅風。若以內因積熱所致者。則加中脘爲蕩垢。若以溼痰所阻者。則加豐隆爲蠲痰。

禁忌 「醫宗金鑑」凡疔腮初起。若過服涼藥。致毒氣攻喉者險。

豫後 「中國急性傳染病學」……無合併症者。豫後殆無凶險。

死候 「六科準繩」若治不得法。延及咽嗑。潰爛穿口。不食者死。

## 第十二節 感冒

中國古代定名之感冒病。猶俗稱傷風耳。其時微生物學尙未發明。對於普通風寒感冒。與流行性感冒無真確之鑑別。率以傷寒。溫病。傷風。風溫。感冒等概括稱之。本節之感冒。因此列入急性傳染病中。「中醫內科全書」本病卽俗稱傷寒風。……係一種短小桿菌。常存鼻液及氣管枝分泌物中。其傳染之徑路。則由於空氣。或由於患者相接觸而來。若值大流行時。其蔓延之速。半歲間可周遊世界。雖車輪不及也。大概體弱之人。既易感受。又不易愈。推其所以然之故。則因抵抗力不足。然後菌肆其虐耳。

病因 本證多由春夏秋三時。感冒非時暴寒所致。「沈氏尊生」感冒。肺病也。元氣虛而腠腴疎也。經曰。虛邪賊風。陽先受之。蓋風者。天之陽氣。其乘於

人則傷衛。衛者陽也。故曰陽先受之。衛又卽氣也。肺主氣。脾生氣。故傷風。雖肺病而亦有關於脾。以脾虛。則肌肉不充。肺虛則玄府不閉。皆風邪之所由以入也。蓋以風爲百病長。善行數變。無微不入。十二經十五絡。五臟六腑。皆能受風而爲病。或經絡受之。由皮毛而入肌肉入腑。或由口鼻受之。而入胃入腸。或入骨空肢節。……風邪襲人。不論何處感受。必內歸於肺。……

### 症狀

惡寒發熱。頭痛。骨節疼。成嘔逆噁心。「沈氏尊生」……其證或頭痛身熱。輕則否。鼻必塞。兼流清涕。必惡風惡寒。或聲重。或聲啞。甚者痰壅氣喘。合口不開。咳嗽咽乾。自汗。……此外感也。

### 治法

百會二分 肺俞三分 風府三分 風池三分 合谷三分 太淵二分 經渠一分 太白三分「玉龍歌」傷風不解嗽頻頻。久不醫時癆便成。欬嗽須鍼肺俞穴。痰多宜向豐隆尋。「通玄指要賦」傷風項急。始求於風府。

### 治理

百會爲疏頭部之風邪。肺俞經渠爲驅風止咳。風府風池爲泄風邪。治頭項之痛。合谷爲解表發汗。太淵太白爲肺脾二經之榮穴。治骨節疼痛。

### 禁忌

「中醫內科全書」禁食油膩生冷等物。

豫後 「中醫內科全書」體壯者。若無併發症。則豫後良。體弱原有心肺病者。則豫後不良。

死候 「中醫內科全書」……神經性者。頭痛全身神經痛。口發譫語。或起腦膜炎。以瀕於死也。

### 第十三節 破傷風

本病以風邪侵入身體破傷之處。故名曰破傷風。有金瘡。產後風。小兒臍風三種。「中國急性傳染病學」我國醫籍。對於本病。命名不一。金匱謂之瘕病。一作瘕攣。復有柔瘕剛瘕之分。兒科諸書。謂之臍風。撮口風。噤口風。婦科書中之產後風。亦將此病包括在內。外科諸書統稱之曰破傷風。……

病因 金瘡 本證多由創傷處。侵襲風邪所致。「六科準繩」夫風者。百病之始也。清淨則腠理閉拒。雖有大風苛毒。莫之能害。諸瘡不瘥。榮衛虛。肌肉不生。瘡眼不合。而風邪入之。爲破傷風之候。「正傳」破傷風者。初因擊破皮肉。視爲尋常。殊不知風邪乘虛而襲。變爲惡候。或諸瘡久不合口。風邪內襲。……

產後風 本證多由產後五七日內強力下床。或一月內傷於房室。或憂懷惱怒

。擾動血脈。或食生冷。傷動臟腑。「巢氏病源」產後中風瘧者。因產傷動血脈。藏府虛竭。飲食未復。未滿日月。營衛虛傷。風氣得人五臟。傷太陽之經。復感寒溼。寒搏於經則發瘧。

小兒臍風 本證多因剪臍太短。或結束不緊。爲風冷水溼所侵。入於臍而流於心脾。「巢氏病源」小兒解脫之臍瘡未合。爲風所傷。皆令發瘧。

### 症狀

金瘡 破傷處出血。或出血不止。

產後風 眼澀口噤。肌肉瞤搐。漸至腰脊筋急強直。「劉河間」邪在表者。則筋拘急。時或寒熱。筋惕搐搦。脈弦。在半表半裏者。頭微汗。身無汗。傳入裏者。舌強口噤。項背反張。筋惕搐搦。痰涎壅盛。胸腹滿悶。便溺閉赤。時或汗出。……

小兒臍風 腹脹臍腫。身體重著。四肢不利。日夜多喘。甚則發爲風搐。「巢氏病源」……其狀口急噤。背強直。搖頭馬鳴。腰爲反折。須臾十發。氣急如絕。汗出如雨。……「醫學入門」……面赤喘急。啼聲不出。其證臍腫突。腹脹滿。日夜多啼。不能飲乳。甚則發搐。噤口撮口。……

### 治法

金瘡 百會二分 風府三分 肩髃七分 曲池五分 風市五分 陽陵泉五分 「肘後歌」

打撲損傷破傷風。先於痛處下鍼攻。後向承山立作效。甄權留下意無窮。

產後風 大杼三分 大椎五分 風府三分 合谷三分 腎俞三分 豐隆三分 陰陵泉三分

小兒臍風 風府三分 水溝三分 合谷三分 大椎五分 一云。視臍上定有青筋一條。自臍上衝心口之勢。急用燈火或艾炷如小麥大。就其筋頭上燒之。必下縮寸許。再從縮下之筋上燒之。又法。取燈草蘸香油。乾溼得中。點燃於額門燒一燂。人中承漿少商各燒一燂。臍輪繞臍燒六燂。如臍帶未落。在帶口燒一燂。既落於落處燒一燂。「百症賦」臍風須然谷而易醒。

## 治理

金瘡 肩頸曲池風市陽陵泉爲搜周身及四肢之風。百會爲治風邪之暴中。風府爲治風病之專穴。

產後風 大杼爲解表。舒筋活絡。大椎爲治脊背之反張。風府爲善泄風邪。合谷爲治頭項之強直。腎俞爲固本。豐隆爲降痰通便。陰陵泉爲利小溲。

小兒臍風 風府爲驅風逐邪。水溝合谷爲清熱而開竅。大椎爲中樞神經。而防其痙厥。

## 禁忌

金瘡 忌用止血傷筋等藥。不可食鹹及過飲漿水稀粥酸辛糟臘。尤忌喜怒憂愁。大言狂笑。暴躁勞碌及房勞等事。



## 豫後

產後風 一切補劑及油膩等物。

金瘡 凡傷血過多。脈見虛細沈小和緩者生。脈見浮洪數大實虛促者死。「中國急性傳染病學」本論豫後。全視病狀之良否。經過之急慢爲轉移。大抵病狀較輕。經過緩慢者。豫後較佳。急性者多不及治療而死。

產後風 心口現紫色者重。黑色者危。

小兒臍風 察其黃色到鼻。治之仍易。到人中承漿。治之稍難。至唇口收束鎖緊。舌強頭直。則難治矣。

## 死候

金瘡 被傷入肺者。二七日死。左脅下傷內者。腸全斷者。少腹下傷內者。傷處繁多者。老人左股壓碎者。傷破陰子者。肩內耳後傷透於內者。傷天臑穴與眉角腦後臂裏跳脈脾內陰股兩乳上下心下鳩尾及五臟六腑之輸者皆死。腦後出髓而不能語。目睛直視。喉中沸聲。口急吐出。兩手妄舉者亦死。「劉河間」四般惡證不可治。第一頭目青黑色。第二額上汗珠不流。第三眼小目瞪。第四身上汗出如油。「回春」痙病目瞪口呆。神氣昏冒不知人者。斷死無疑也。

小兒臍風 若見臍邊青黑。撮口不開。此爲內搐。不治。爪甲青黑者死。

#### 第十四節 鼠疫

鼠疫之名稱。非中國所有。是以歷代各書。未見載有此病。本病謂爲由鼠直接或間接傳染而得者。「鼠疫新篇」鼠疫西名 PEST。日本譯其名爲百斯篤。其疫之發源地爲印度。繼傳及歐洲。至前清乾隆時。傳至中國。因此疫以鼠爲媒介。故名鼠疫。同光之交。雲南鼠疫大作。斯時西人始知此疫。……回匪亂時。流行尤盛。漸延至東京灣北海各地。光緒九年。愈傳愈廣。各處咸遭波及。光緒二十年。廣東省垣。鼠疫發生。頗爲猛烈。其死亡達至六萬之譜。由香港而至汕頭。而廈門。而福州。勢若燎原。嗣後香港無歲不有。旋復延及台灣。然此僅及熱帶地方耳。至光緒二十五年。牛莊曾有鼠疫發生。宣統季世。滿州暨東三省寒帶之區。亦有是疫。民國紀元。上海城廂內外。亦有鼠疫流行。民國七年。山西發生此疫。甚爲猛烈。幸防禦有方。未至蔓延。現在寒帶各地。雖漸減稀。而福州泉州平潭各處。仍跋扈非常。至今不絕。民國十年。平潭東區一帶。此疫大發。甚至滅門之禍。其其原因。實由平潭蕞爾小邑。偏居海隅。溼氣較厚。毒氛綿綿不絕。加之人民愚蠢。不知衛生。以是每年皆有。而不能撲滅。靜言思之。真令人毛骨悚然也。

病因 「鼠疫新篇」鼠疫之病。世人皆知死鼠之毒菌傳染而成。所以有預防驅鼠之

衛生。冀可消滅其災。不知預防愈嚴。死鼠日多。而人之患鼠疫者。亦日甚一日。推究其原。實由于醫家未能研究毒菌發生之底蘊。以致無最良之結果。查北帶地質凜冽。天氣乾燥。疫癘之氣稀少。故患此症者。比南帶爲少。南帶地質多熱。溼氣濃厚。蘊蘊之毒。氤氲不絕。致地中生有一種黑蟻。此蟻體中本有毒菌之自生性。棲巢於地窟內。食子不毒蟲爲養生。得熱氣之感。而生殖日甚。蔓延劇烈。最爲人害。鼠兔善營窟穴。寄居於地下。與蟻最親密。故其毒先直接傳於鼠兔之血管。毒發身亡。其菌飛揚四佈。遂傳於人。或不由鼠之間接。乃由蟻之直接傳染者。間亦有之。夫黑蟻雖與黃蟻不同種。而其附羶之性無異。遇有羣腥食物。彼則羣聚咀嚙。其毒遂沾於食物體上。人若食之。卽傳其毒。西醫云。鼠疫爲鼠之蚤所傳。其實鼠疫之病。非專由於鼠。世人只知預防死鼠。獨不思黑蟻之菌。卽鼠疫之毒菌。往往置之膜外。不加講求。所以鼠瘟日甚也。

### 症狀

「鼠疫新篇」感受毒菌之後。先潛伏於肺之膜原。及脈絡中。至二三日。或七日以後。所發之證狀不一。有先惡寒有不惡寒者。有旣熱之後。卽不惡寒。有先核而後發熱者。有先熱而後核者。有熱核同見者。有見核不見熱者。

有見熱不見核者。有汗有不汗者。有渴有不渴者。皆無不頭痛。四肢痠痺。痞滿腹痛。其兼見者。瘡，斑，疹，衄，嗽，咯，吐。甚至煩躁懊懣。昏憤譫語。痞滿腹痛。便結旁流。舌焦起刺。鼻黑如煤。目瞑耳聾。骨痠足腫。舌烈脣烈。脈厥體厥。

### 治法

十宣出血 合谷三分 曲池五分 太陽三分 頭維三分 中脘七分 豐隆三分 湧泉三分 委中出血

### 治理

十宣委中爲放大量之血毒而泄熱。合谷曲池爲解表發汗。太陽頭維爲治腦部之充血。而止頭痛。中脘爲和中。豐隆爲降腸胃之積熱。而利大便。湧泉爲清熱而治厥。

### 禁忌

「中國急性傳染病學」……一。須於鼠疫發生之地。斷絕交通。若有舟車來往。尤須嚴行檢疫。二。須用隔離病院。勿使病人與外人接近。凡病人使用物件。不經消毒手續。不能自由搬出。三。飲食物品。不經煮沸。不可供飲食之用。四。嚴行捕鼠。若屋內發見死鼠。速用火鉗。鉗而燒之。并將該房屋。舉行嚴密之消毒。方足以資預防。

### 豫後

「鼠疫新篇」一。初起一日。陡見身熱如烘。神亂目吊。手足厥痺。湯藥不納。



。毒核刺痛而不自知者。是毒氣直中于手少陰厥陰也。有朝發夕斃之危。預後不良。二。先中熱毒。潛伏血管。再遇房勞。腎氣虛損。熱毒乘腎虛而內陷。少陰之君火熾甚。少陰之真水枯涸。外見腰痛腹熱。舌黑如鰲。遺尿喘滿。神色不清者。此屬危證。經過二日。卽斃。預後不良。三。勞倦過度。腦神過傷之人。心肺已先受損。復中毒氣。毒發於肺胃。卽夾斑帶疹。毒伏於心臟。卽心志錯亂。口吐粉紅血。此症卽是鼠瘟并血瘟也。有朝發夕死。預後不良。四。或核在胯下。惡寒刺痛。病者疑是便毒。服鮮草藥和酒。酒性猛烈。熱毒鼓動。煥發周身。血痺筋敗。遂傳入厥陰。厥陰之火猖獗。陽明之熱內結。二三日後。卽見直視抬肩。循衣撮空。等等危象。預後不良。五。初起身輕。無大熱痺痛。口不渴者。是最輕之症。照法服藥。過一星期。卽可治愈。預後良。六。素體強健。抵抗毒素之力富足。兼以感毒甚淺。身輕不怠。服藥後小汗淋淋者。是毒氣由汗已除。預後良。七。毒核發在胯下。一二日卽見高腫易潰。核不甚痛。身無大熱者。預後良。

# 死候

「鼠疫新篇」泉郡鳳池村。有李姓。見羣蟻擁聚一枚西瓜。拾而食之。初無異狀。至夜半惡寒發熱。腋下頸項各處。忽生毒核數顆。焮熱赤腫。四肢痺



痛。旋飲旋嘔。次日遂亡。

## 第十五節 麻疹

「張氏醫通」麻疹俗名痧子。浙人呼爲瘡子。麻疹風熱。人或未知。痧之與瘡。字學不收。皆土音習俗之訛耳。

病因 「張氏醫通」麻疹者。手足太陰陽明二經蘊熱所發。小兒居多。大人亦時有之。是亦時氣傳染之類也。「吳氏兒科」……至于病之起源。可以賅括稱之曰毒。蓋兒居母腹。以母之氣血爲氣血。夫人孰無飲食所傷。六淫之所侵。毒之伏于母體者。胎兒莫不感之。且當成胎之時。精華者供營養。糟粕者棄胞中。則積漸所蘊。皆足成毒。胎兒口處其間。又安能免于爲毒所染。故胎兒各組織中。悉含有毒素。可以斷言。比其生也。其新陳代謝之作用。倍增于往時。故其毒有宣洩之必要。于是或生而遊風丹毒。一時遽起。或生而腮腫唇腐。雜然並作。此皆毒之洩露也。然毒之盛者聚者。自隨初生去毒之法。由人力逗之外出。然毒之輕者散者。則一時不易發出。伏蘊于內。待時而動。于是痧子一症。遂爲小兒人人所必經之症矣。至于痧疹觸發之期。最盛于春夏。則以時當降藏之後。天氣動。地氣洩。時行之邪襲于外。含蘊之毒

遂動于中。是以痧疹之發。必有誘因。或一門皆染。或闔境流行。職是故耳。再者凡痧物之發。必密佈週身。無微弗至。則正因胎兒各組織中。悉含有毒素。故無處不洩也。若有一部未發。爲一部之毒素未透。是以驗痧者。恆視透齊與否。以定施治之準備也。

### 症狀

「張氏醫通」麻疹發時多咳嗽。多嚏多嘔。眼中如淚。面浮腮赤。多瀉多痰。多熱多渴。多煩悶。甚則躁亂咽痛。脣焦神昏。通身紅赤。起而或粒。勻淨或小。斜目視之。隱隱皮膚之下。以手摸之。磊磊肌肉之間。其形痧疥。其色若丹。以其陽氣從上。故頭面愈多者爲順。「吳氏兒科」痧疹將發。其初並無顯著之現狀。卽偶有發熱。不過似尋常之感冒而已。繼則身熱益甚。口渴而惡。（或間有惡寒者）咳嗆時作。涕淚俱有。不時噴嚏。此痧候也。如是者。多或七八日。少或二三日。氣急煩悶。眼赤腮紅。隨卽見點矣。甚者乾嘔噁心。或兼泄瀉。或兼吐利。其點初見不多。依次遞增。每間數時。熱較甚則氣益粗而顆粒益增。當其壯熱之時。謂之潮。潮甚者。恆倦臥。重者則竟譫語悶亂焉。每日三五潮。潮三日則顆粒全透。無微弗致毒發已淨自漸退隱矣。其隱也亦以漸。大約三日後。顆粒平。而五六日後則隱不復見。

至痧點透齊後。有三日不沒者。或沒而遲遲者。則以內有溼熱。故不易回也。

### 治法

十宣出血 合谷三分 列缺一分 魚際二分 曲池五分 大都三分 內庭三分

### 治理

十宣爲宣泄血毒與邪熱。合谷列缺爲發汗。使痧疹外達。魚際曲池爲清肺熱。大都內庭爲治脾胃之蘊熱。其餘諸恙。則不治而自愈。

### 禁忌

一、忌葷腥生冷風寒。二、忌驟用寒涼藥。三、忌誤用辛熱藥。四、忌誤用補澀藥。「吳氏兒科」痧疹既沒之後。尤須慎避風寒。嚴戒勞碌。忌口靜養。方無餘恙。否則辛辣早嗜。令生驚搐。鹽醋過早。令咳不止。雞魚早嘗。令天行時卽重出。不避風寒。令膚燥癢。此皆終身爲患。不可不戒也。

### 豫後

麻疹之發於頭面以多者爲順。鮮明似錦者亦順。頭面不出者爲重。紅紫黯慘者爲重。咽喉腫痛不食者爲重。黑晦如煤者爲凶險。牙疳爛臭者亦難治。「張氏醫通」麻疹之發。自始至終。不過二三日卽安。從古迄今。靡不皆然。邇來風氣變遷。有似北方氣候。卽尋常麻疹。必六七日乃消化。若熱勢未盡。或觸風寒。或犯飲食。變證百出。其危有甚於痘者。

### 死候

「赤水玄珠」黑暗乾枯。一出卽沒者不治。鼻煽口張。目無神者不治。鼻清

糞黑者不治。心前吸氣喘者不治。「張氏醫通」癰疹胸高。肺熱熾盛而脹也。多見於正沒。沒後。爲肺經壞證。不治。

### 第十六節 梅毒

「醫宗金鑑」楊梅瘡一名廣瘡。因其毒出自嶺南。一名時瘡。以時氣乖變。邪氣湊襲之故。一名棉花瘡。因其纏綿不已也。一名翻花楊梅。因窠粒破爛。肉反突於外。如黃蠟色。一名天泡瘡。因其夾溼而生白胞也。有形如赤豆。嵌於肉內。堅破如鍼。名楊梅痘。有形如風疹作瘡。名楊梅疹。起先紅暈。後發斑點者。名楊梅斑。色紅作癢。其圈大小不一。二三相套。因食穢毒之物。人大腸而發。名楊梅圈。

病因 「醫宗金鑑」……總不出氣化精化二因。但氣化傳染者輕。精化慾染者重。氣化者。或遇生此瘡之人。鼻聞其氣。或誤食不潔之物。或登固受梅毒不潔之氣。脾肺受毒。故先從上部見之。……精化者。由交媾不潔。精泄時。毒氣乘肝腎之虛而入於裏。此爲慾染。先從下部見之。……「又」此證因生楊梅方熾。誤服水銀升煉。悍燥劫毒希圖速效。瘡痂盡落。一時僥倖而愈。不知遺害久遠。引毒潛藏骨髓門竅之中。其毒積久因經虛外攻。故名結毒倒發。



## 症狀

「醫宗金鑑」其始先從筋骨疼痛。隨處結腫。皮色如常。將爛時色方紫紅。腐臭不堪者。致腦頂塌陷。腮脣鼻梁損壞。穿喉蝕目。手足拘攣等患。終成痼疾。

## 治法

曲池五分 合谷三分 風市五分 陽陵泉五分 尺澤出血 委中出血

## 治理

曲池合谷風市陽陵泉爲疎泄四肢之經絡。止骨節疼痛。尺澤委中出血爲令伏毒放散於體外。若因氣化而發者。則加肺俞脾俞大都爲清脾肺之毒。若因精化而發者。則加肝俞腎俞爲補肝益腎而抗毒。庶克有濟。

## 禁忌

「中醫內科全書」凡患此證。須忌猪首，公鷄，鯉魚，鷄，鴨，鵝，蛋，肝腸，綠豆，花椒，茶，酒等物。並戒房事。

## 豫後

本病之經過約分三期。其一二期尙有治愈之可能。至三期不幸而喪命者有之。「陳愛棠」世人往往徒用劫劑。耗其氣血。敗其精神。而餘毒仍鬱於經絡。漬於筋骨。留於肌肉也。積久再發。不可救藥矣。

## 死候

本病至三期。各症雖似減退。而病毒已彌蔓全身。生無數小皮疹。各處潰爛。筋骨疼痛。甚至鼻骨脫落。咽喉穿透。漸次波及氣管。發生咳嗽。吐膿樣血痰。或頭頂生巨穴。或耳鼻孔流出膿汁而死。



## 第三章

## 新陳代謝病

### 第一節

### 消渴

「金匱今釋」消渴之名。本爲渴而不小便。其渴而小便多者。名渴利。不渴而小便多者。名內消。巢源千金所論是也。其後漸廢渴利內消之名。統名消渴。宋元以後。又分消渴爲上中下三消。以配三焦。此病名之沿革也。

病因

上消 嗜慾不節。或辛熱食物雜投。或感受燥熱之邪。致心肺鬱結。「沈氏尊生」……上消肺也。由肺家實火。或上焦熱。或心火燉煉肺金。……

中消 陽旺陰衰。脾肺蘊熱而成。「沈氏尊生」……中消脾也。由脾家實火。或伏陽蒸胃。……

下消 色慾過度。心腎不交。腎水下泄。心火上炎。「沈氏尊生」……下消腎也。由腎陰虛。或火伏下焦。……

症狀

上消 舌上赤裂。咽如火燒。口大渴。食量減少。大便如常。小便清利。「沈氏尊生」……上消者。舌赤裂。咽如燒。大渴引飲。日夜無度。「聖濟總錄」……一曰渴而飲水多。小便數。有脂似麩片而甜者。消渴病也。……中消 口渴引飲。善食而瘦。自汗。大便硬結。小便頻數。「沈氏尊生」……

中消者。多食易飢。肌肉燥。口乾飲水。大便艱。小便如泔。……「聖濟總錄」……二者吃食多。不甚渴。小便多。有似油而數者。消中病也。……下消 初起便溺不攝。溺如膏淋。煩渴引飲。漸至面目鰲瘦。耳輪焦黑。小便濁而上浮如脂。或如燭淚。「沈氏尊生」……下消者。煩躁引飲。耳輪焦。便溺不攝。或便如膠油。……「聖濟總錄」……三者雖渴飲水不能多。腿脚瘦小痿弱。小便數。此腎消也。

### 治法

上消 肺俞三分 金津出血 玉液出血 內關五分 魚際二分 少府一分 「百症賦」少商曲澤。血虛口渴同施。「又」行間湧泉。去消渴之腎竭。「寶材」治一人。頻飲水而渴不止。曰。君病是消渴也。乃脾肝氣虛。非內熱也。其人曰。前服涼藥六劑。熱雖退而不止。覺胸脅氣痞而喘。寶曰。前症只傷脾肺。因涼藥復損傷氣海。故不能健運。而水停心下也。急灸關元。氣海。各三百壯。服四神丹六十日。津液頻生。方書皆作三焦猛熱。下以涼藥。殺人甚於刀劍。慎之。「千金」治消渴咽喉乾。灸胃脘百壯。下俞百壯。穴在背第八椎下橫三寸。「又」消渴口乾煩悶。灸足厥陰百壯。又灸陽池五十壯。「又」消渴咳逆。灸手厥陰隨年壯。「又」消渴小便數。灸兩手小指頭及兩足小趾

頭。並灸項椎。又灸當脊梁中央解間一處。與腰目上兩處。又灸背上脾俞下四寸。當夾脊梁兩處。凡諸灸皆當隨年壯。按以下中消。下消。亦宜參酌本條之治法。

中消 肺俞三分 脾俞三分 金津出血 玉液出血 中脘七分 少商一分 大都三分 豐隆三分

### 治理

下消 心俞三分 腎俞三分 氣海五分 關元五分 然谷三分 湧泉三分  
上消 金津玉液爲清熱而生津。內關爲開上焦之鬱熱。魚際少府爲清心肺之熱而除煩。肺俞爲泄臟熱而治本。

中消 金津玉液爲止渴生津。中脘爲和中。肺俞脾俞少商大都爲清脾肺之蘊熱。豐隆爲泄胃熱。通利大便。

下消 氣海關元爲益腎陰。而補陽氣。然谷湧泉爲清熱而養津。腎俞爲補腎水之上升。心俞爲瀉心火之下降。水火得以既濟。而煩渴自除也。

禁忌  
宜戒飲酒。房勞。厚味。「內經」熱中消中。不可服膏粱芳草石藥。「千金方」凡積久飲酒。未有不成消渴。然則大寒凝海。而酒不凍。明其酒性酷熱。物無以加。脯炙鹽鹹。酒客耽嗜。不離其口。三觴之後。制不由己。飲噉

無度。咀嚼鮮醬。不擇酸鹹。積年長夜。酣興不解。遂使三焦猛熱。五臟乾燥。木石猶且焦枯。在人何能不渴。治之愈否。屬在病者。若能如方節慎。旬月可瘳。不自愛惜。死不旋踵。方書醫藥。實多有效。其如不慎者何。其所慎有三。一、飲酒。二、房室。三、鹹食及麵。能慎此者。雖不服藥而自可無他。不知此者。縱有金丹。亦不可救。深思慎之。……「李東垣」渴疾大忌半夏南星燥劑。

### 豫後

上中二消可治。下消難治。飲一洩一者可治。飲一洩二者難治。「中醫內科全書」本病之不甚重者。其經過能持續十年至二十年。而大都屬於年齡較高及營養佳良之患者。至於青年及小兒削瘦之人。豫後較惡。

### 死候

「內經」曰。肺消者。飲一洩二。死不治。蓋肺藏氣。肺無病。則氣能管攝津液。而津液之精微者。收養筋骨。血脈餘者爲洩。肺病則津液無氣管攝。而精微者亦隨洩下。故飲一洩二。死不治。仲景復用八味丸主之。何也。曰。飲一未至洩二者。病尙淺。猶可治。故仲景腎氣丸治飲水一斗。小便亦一斗之證。若小便過於所飲。則無及矣。一又一消渴之餘。傳爲脹滿。發爲癰疽

。及強中證。皆不治。

## 第二節 汗病

汗爲人體中一種流動液質。因暑熱或勞動而迫。由膚孔排泄皮外。含有臭氣及鹹味。食之令人生疔毒。約分自汗。盜汗。黃汗三種。

### 病因

自汗 本病初起由於胃熱，繼則成爲表虛。體肥腠理不固也。

盜汗 本病由衛虛不能鼓其脈氣於外。津液因之礙難約束。當日暝之時。衛氣行陰。血氣無以固其表。故腠理開則汗出。醒則行陽之氣。復散於表。則汗止矣。

### 症狀

黃汗 本病因脾熱汗出。用水浸浴。水入毛孔而成。

自汗 不因天氣熱灼。衣被厚暖。而其膚孔中頻頻自汗出也。

盜汗 寐時冷汗淋漓。醒時即收。久延不愈。則神氣疲倦。「素經脈別論」腎病者。寢汗出。憎風。「六元正紀大論」太陽所至爲寢汗瘥。「氣交變大論」歲月太過。甚則寢汗出。憎風。

黃汗 汗出黃色。黏衣。「金匱水氣病脈證篇」身腫而冷。狀如周痺。胸中寒。不能食。反聚痛。暮躁不得眠。此爲黃汗。「又」黃汗之爲病。身體腫



。發黃。汗出而渴。狀如風水。汗沾衣。色正黃如糜汁。「又」黃汗之病。兩脛自冷。假令發熱。此屬歷節。食已汗出。又身常暮臥。盜汗出者。此勞氣也。若汗出已反發熱者。久久其身必甲錯。發熱不止者必生惡瘡。若身重汗出已輒輕者。久久必身瞶。瞶即胸中痛。又從腰以上必汗出。下無汗。腰臑弛痛。如有物在皮中狀。劇者不能食。身疼重。煩躁。小便不利。此爲黃汗。

### 治法

白汗 大椎<sup>五壯</sup> 合谷<sup>三壯</sup> 內庭<sup>三壯</sup> 「竇材」治一人額上時時汗出。乃腎氣虛也。不治成癆瘵。先灸臍下百壯。服金液丹而愈。「又」一人每日四五遍出汗。灸關元穴亦不止。乃房事後飲冷傷脾氣。復灸命門百壯而愈。

盜汗 大椎<sup>五分</sup> 後谿<sup>三分</sup> 陰郄<sup>三分</sup> 關元<sup>五分</sup> 「醫學綱目」盜汗不止。取陰郄瀉之。「甲乙經」虛損盜汗。取百勞。汗不止。取曲差。「又」盜汗。取陰郄。五里。間使。中極。氣海。「百症賦」陰郄後谿。治盜汗之多出。「玉龍歌」滿身發熱痛爲虛。盜汗淋漓漸損軀。須將百勞椎骨穴。金鍼一刺疾俱除。「肘後歌」狂言盜如汗見鬼。惺惺間使便下鍼。「標幽賦」瀉陰郄止盜汗。

黃汗 脾俞三分 中脘七分 至陽五分 陰陵泉三分 公孫三分 太白三分 一鍼灸大成入脈治症篇「黃疸四肢浮腫。汗出染衣。先取公孫。繼取至陽。百勞。腕骨。中脘。三里。」

### 治理

自汗 大椎爲固表而振陽氣。合谷爲止汗。內庭爲足陽明榮穴。而清胃熱。盜汗 後谿陰郄爲退熱養陰治盜汗之要穴。大椎爲固表止汗。關元爲培本。黃汗 脾俞公孫爲治脾家之溼熱。中脘至陽爲化邪溼。陽陵泉爲滲溼利小便。太白爲脾經之俞穴。治體重骨痛。

### 禁忌

「傷寒論」汗家重發汗。必恍惚心亂。小便已。陰疼。預後 本病治之宜早。若久延不治。則津虧液耗。易成損證。

### 第三節 痺病

本病古稱歷節。後世諸醫。又名白虎歷節風。或曰關節風溼痛。西洋醫學。名謂急性關節癱瘓質斯。「素問痺論篇」風寒溼三氣雜至合而爲痺也。有行痺。痛痺。著痺之別。

### 病因

行痺 虛邪與血氣相搏所致。「素問痺論篇」風氣勝者爲行痺。痛痺 血分受熱。而自沸騰。其後或涉冷水。或立溼地。或扇取涼。或臥當

## 症狀

風。寒外搏熱。污濁凝滯。「素問痺論篇」寒氣勝者爲痛痺。著痺。溼痰內阻。營衛之氣滯澀不行。「素問痺論篇」溼氣勝者爲著痺。行痺。痛無定處。游行上下。或赤或腫。筋脈弛緩。「厥病篇」風痺淫灤。病不可已者。足如履冰。時如入湯中。股脛淫灤。煩心。頭痛。時嘔。時悶。眩已汗出。久則目眩。悲已喜恐。短氣不樂。……痛痺。痛有定復。不似歷節走注流痛。著痺。麻木不仁。不痛不癢。如蟲之亂行。

## 治法

行痺 大杼<sup>三分</sup> 風府<sup>三分</sup> 肩髃<sup>七分</sup> 曲池<sup>五分</sup> 環跳<sup>寸二分</sup> 風市<sup>五分</sup> 陽陵泉<sup>五分</sup> 懸鍾<sup>五分</sup> 「資生經」王執中曰。列子載偃師造偃云。廢其腎則足不能行。人之患此。蓋腎有病也。當灸腎俞。若一再灸而不效。宜灸環跳。風市。犢鼻。膝關。陽陵泉。三里。絕骨等穴。但按略痿痛處。既是受病處。灸之無不效也。「夷堅志」文安公守姑蘇。以鑾輿巡幸。虛府舍暫徙吳縣。縣治卑溼。旋感足痺。痛掣不堪。服藥不效。乃用所聞。灼風市。肩髃。曲池三穴。終身不復作。「又」僧普清。苦此二十年。每發率兩日。用此灸三七壯。卽時痛止。其他驗者益衆。

## 治理

痛痺 肩髃七壯 曲池五壯 風市五壯 陽陵泉七壯  
著痺 內關三壯 足三里三壯 上巨虛三壯 下巨虛三壯 陽陵泉七壯 三陰交三壯  
行痺 肩髃曲池爲搜周身經絡之客邪。環跳風市陽陵泉懸鍾爲驅腰腿之風寒。  
。大杼風府爲解表驅風而治本。

痛痺 本條之取義。與上行之行痺大同小異。不過以鍼易灸。蓋行痺爲風邪客於經絡之間。風乃陽邪。治之宜鍼瀉。痛痺爲寒氣所勝。宜灸之。復於其病灶處亦灸之。以散其寒。

著痺 內關爲利溼。兼化痰滯。足三里巨虛上下廉爲燥溼祛溼。陽陵泉三陰交爲化溼行溼。

## 禁忌

攻裏之法。

## 豫後

「中國急性傳染病學」其豫後單純而熱候平和者。死亡甚稀。殆皆佳良。如併發心機障害及腦脊髓癱瘓質斯。或其他重篤之合併症者。預後不良。

## 死候

著痺不移。腠肉破。身熱脈澀者。不治。

## 第四章

### 呼吸器病

#### 第一節

##### 鼻病

鼻乃司臭之竅。隆起脣上。其內部係筋肉及軟硬骨而成。左右二孔。孔內有黏膜。有毫毛。乃物質之氣。俱由空氣傳達於此。即能識別香臭。而呼吸因之利賴焉。其病約分鼻衄。鼻鼈。鼻痔。鼻淵四種。

病因 鼻衄 「內經」衄者。陽熱怫鬱。干於陽明而上。熱則血妄行而鼻衄也。「三因方」衄者。因傷風寒暑溼。流傳經絡。湧泄於清氣道中而致者。皆外所因。積怒傷肝。積憂傷肺。煩思傷脾。失志傷腎。暴喜傷心。皆能動血。隨氣上溢而致者。屬內所因。飲酒過多。啖炙燂辛熱。或墜墮車馬傷損致者。皆非內非外因也。「血證論」鼻爲肺竅。鼻根上接太陽經脈。鼻孔下挾陽明經脈。內通於肺。以司呼吸。乃清虛之道。與天地相通之門戶。宜通不宜塞。宜息不宜喘。宜出氣。不宜出血者也。今乃衄血何哉。金匱謂熱傷陽絡則衄血。……陽絡者。謂軀殼之外。肌肉皮膚脈絡之血。從陽分循經而上。則干清道。而爲衄也。然則陽絡者。太陽陽明之絡脈也。蓋太陽陽明。統主人身軀殼之外。陽絡之血。傷於太陽者。由背上循經脈。至鼻爲衄。仲景所謂春夏發太陽者是也。傷於陽明者。由胸而上。循經至鼻。仲景所謂秋冬發陽明者是也。「又」太陽主開。春夏陽氣。本應開發。若一鬱閉。則邪氣壅而



爲衄。……或山素有鬱熱。應春夏開發之令而動。或由風瘟暑疫。攻發而動。又有傷寒失汗。邪無出路。因由血分洩而爲衄。此名紅汗。乃邪欲自愈。醫者不可不知。然卽紅汗論之。可知太陽之氣。不得洩於皮毛。則發爲紅汗。卽可知太陽之熱。不得發越於外者。必逼而爲鼻衄也。……「又」陽明主闔。秋冬陰氣。本應收斂。若有燥火傷其脈絡。熱氣浮越。失其主闔之令。逼血上行。循經脈而出於鼻。……或由酒火。或由六氣之感。總是陽明燥氣。合邪而致衄血。

鼻鼈 肺爲風冷所傷。津液凝滯。亦因肺有伏熱。風寒外感所致。「素問五藏別論」五氣入鼻藏於心肺。心肺有病。而病爲之不利。「巢氏病源」肺氣通於鼻。肺爲風冷所乘。則鼻氣不利。津液壅塞而爲鼻鼈。

鼻痔 肺經風溼熱鬱。日久凝滯。「巢氏病源」……冷搏於血氣。停結鼻內。故變生息肉。

鼻淵 風寒火熱。凝滯於腦部。「素問至真要大論」少陰之復。煩躁鼻嚏。甚則人肺咳而鼻淵。「氣厥論」膽移熱於腦。則辛頰鼻淵。「巢氏病源」夫津液涕唾。得熱則乾燥。得冷則流溢不能自收。肺氣通於鼻。其藏有冷。冷

## 症狀

隨氣入乘於鼻。故使津涕不能自收。

鼻衄 「血證論」身熱口渴。胸滿脈實血紫。此得之溫熱火邪者。血出而表證仍在。脈浮。昔謂之紅汗。此得之風寒者。面青而脈弦。得之於大怒。責之肝浮氣逆。心煩而內熱。得於慾傷。責之腎虛陽亢。若傷酒者。則酒升血沸。面赤多汗。勞力。則傷中損絡。自汗倦怠。以此爲別。

鼻鼈 不利呼吸。不聞香臭。

鼻痔 形如石榴子。漸大下垂。色紫微硬。撐塞鼻孔。礙通氣息。

鼻淵 鼻中時流濁涕。久則但流黃濁。如膿如髓。腥臭難聞。「厥氣論」鼻淵者。濁涕下流不止也。

## 治法

鼻衄 合谷三分 上星二分 魚際二分 列缺一分 禾髻一分 內庭三分 湧泉三分 一百症賦「天府合谷。鼻中衄血宜追。」雜病穴法歌「衄血上星與禾髻。」靈光賦「兩鼻翳衄鍼禾髻。」張潔古「衄吐血。下血。取隱白。大陵。神門。太谿。」醫學綱目「衄血取上星。風府。瘡門。合谷。內庭。三里。照海。」朱丹溪「衄宜灸大椎瘡門卽止。」資生經「衄血灸顙會。上星。」得效方「鼻出血不止。名腦衄。灸上星五十壯。」千金「衄時癢。便灸足大趾節三毛

中十壯。劇者百壯。衄不止。灸風府一穴四壯。湧泉二穴各百壯。

鼻鼈 上星二分 迎香一分 列缺一分 合谷三分 「醫學綱目」鼻塞不聞香臭。取迎香。上星。合谷。不愈。灸人中。風府。百勞。前谷。「百症賦」通天治鼻內無聞之苦。「玉龍歌」不聞香臭從何治。迎香兩穴可堪攻。「雜病穴法歌」鼻塞鼻痔及鼻淵。合谷太衝隨手取。「通玄指要賦」鼻塞無聞。迎香可引「靈光賦」鼻塞不聞迎香間。

鼻痔 上星二分 肺俞三分 風池三分 魚際三分 齟交一分 「千金」鼻中息肉。灸上星二百壯。「百症賦」鼻痔必取齟交。「雜病穴法歌」鼻塞鼻痔及鼻淵。合谷太衝隨手取。

鼻淵 肺俞三分 上星二分 迎香一分 百會二分 合谷三分 足臨泣二分 「醫學綱目」鼻流清濁涕。灸上星二七壯。又取人中風府。不愈。又取百會。風池。風門。大愈。「又」鼻流臭穢。取上星。曲差。合谷。人中。迎香。「資生經」鼻涕多。宜灸顙會前頂迎香。「千金」涕出不止。灸鼻兩孔與柱齊七壯。「玉龍歌」鼻流清涕名鼻淵。先瀉後補疾可痊。若是頭風并眼痛。上星穴內刺無偏。「雜病穴法歌」鼻塞鼻痔及鼻淵。合谷太衝隨手取。

## 治理

鼻衄 合谷上星爲瀉風熱。魚際列缺爲清肺熱。禾髎爲止出血。內庭湧泉爲引熱下行。若因積怒傷肝者。則加肝俞行間爲清熱益肝。若因積憂傷肺者。則加肺俞太淵爲生津潤肺。若因煩思傷脾者。則加脾俞隱白爲補脾胃而益氣。若因失志傷腎者。則加腎俞太谿爲益腎滋陰。若因暴喜傷心者。則加心俞少衝爲補心血。而養精液。

鼻鼈 上星迎香爲清鼻膜之炎。列缺合谷爲驅風邪。

鼻痔 肺俞風池魚際爲驅風熱邪溼。顴交爲鼻痔之要穴。上星爲清鼻部之熱而不致發炎。

鼻淵 上星迎香爲去濁消炎。百會合谷爲泄熱。肺俞足臨泣爲清熱而治本。

禁忌 鼻衄 「傷寒論」衄家不可汗。汗出必額上陷。脈緊急。直視不能眴。不得眠。

豫後 治之宜早。多良。

死候 鼻衄 「張氏醫通」久衄脈虛大。頭額痛甚。鼻流淡黃水者死。

## 第二節 咽痛

咽爲食管上端通胃之道。飲食必出於口。至喉則嚥使入胃也。

## 病因

本證多由君相二火上炎所致。並有虛實二火之分。實火因過食煎炒。蘊結熱毒。虛火因善怒嗜酒好色。致痰火上攻。「王奎光」咽喉爲人身飲食門戶。呼吸關隘。方寸之地。受病危險。其證甚繁。大約總歸於火。蓋少陰少陽君相二火。其脈皆絡於咽喉。故往往爲火證之所結聚。君火勢緩。則結而爲痛爲腫。相火勢速。則腫甚不仁而爲痺。……火有虛實。實火因經食煎炒炙燂。蘊結積毒。……虛火或因飲酒太過。或因忿怒。或因色慾。火炎上攻。……「直指」咽痛者。風邪客於喉間。氣鬱而熱。故爲咽痛。「巢氏病源」喉咽者。脾胃之候。氣所上下。脾胃有熱。熱氣上衝。則喉咽腫痛。……君火勢緩。則熱結爲痛爲腫。……則爲喉痺。痺甚則痰壅。並有虛火實火之別。實火多口。渴便秘風痰壅塞。虛火多見喉舌乾燥。便澀。「王奎光」……實火。……其症口渴。二便秘塞。風痰上壅。……虛火。……咽喉乾燥。必二便如常。……「六科準繩」咽嗌痛。嚙唾與食則痛者是也。「巢氏病源」……若風毒結於喉間。其熱盛則腫塞不通。而水漿不食。便能殺人。藏氣微熱。其氣衝喉。亦能腫痛。但不過重也。

## 治法

大杼三分 列缺一分 合谷三分 大突三分 解谿三分 大都三分 「得效方」咽喉腫痺



。鍼風府。主咽喉諸病。及毒氣歸心等項惡症。無不效。又鍼少商。咽喉腫痛皆治之。又鍼合谷上星治頰腫纏喉風證等。又鍼足三里。「標幽賦」心脹咽痛。鍼太衝而必除。按本節之咽痛。並能參閱第二章第九節白喉之治法。大杼列缺合谷爲解表驅風。天突爲疏散喉間之腫痛。解谿大都爲泄脾胃之熱。若以虛火上炎而痛者。則加湧泉爲養陰生津。若以實火暴升而痛者。則加十宣爲泄熱。金津玉液爲止渴除煩。豐隆爲通便。而降痰滯。

### 禁忌

凡一切咽喉急證。或閉或痛。切忌刀鍼。按此指局部而言。「中醫內科全書」煙酒及煎炒炙燂等食物。

### 豫後

多良。若其病甚者聲啞。或至失音。亦有不良。

### 死候

凡喉證若見口渴氣喘。痰如桃膠。一頸皆腫。面紅紫或青。或純白無神。或見胸前高腫。大便泄瀉。手足指甲青黑。七日後不進食者。均屬不治。

### 第三節 音瘖

「馮魯瞻」音瘖。謂有言而無聲也。「綱目」瘖者邪入陰分也。然有二證。一曰舌瘖。乃中風舌不轉運之類是也。一曰喉瘖。乃勞嗽失音之類是也。

病因 舌瘖 「赤水玄珠」足少陰脈挾舌本。足太陰之脈連舌本。手少陰別繫舌本。

。若此三脈虛。則痰涎乘虛。而閉塞其脈道。故舌不能轉運言語也。若此三脈亡血。則舌無血營養而瘖。

喉瘖 「內經」寒氣客於會厭。則會厭不能發。發不能下。故無音也。

舌瘖 「綱目」……蓋舌瘖。但舌本不能轉運言語。而喉咽音聲則如故也。

……

喉瘖 「綱目」……喉瘖但喉中聲嘶。而舌本能轉運言語也。

治法 舌瘖 腎俞三壯 氣海七壯 太谿三壯 公孫三壯 少衝三壯 「百症賦」天鼎間使。

失音囁嚅而休遲。「玉龍歌」偶爾失瘖言語難。啞門一穴兩筋間。按以下喉瘖。亦可酌取本條之治法。

喉瘖 魚際二分 合谷三分 風府三分

治法 舌瘖 太谿爲益腎滋陰。公孫爲補脾益氣。少衝爲補心血。而養精液。腎俞

氣海爲培本。

喉瘖 魚際合谷爲散風寒。風府爲驅風而發音。

死候 「扁鵲」病人五臟已奪。神明不守。聲嘶者死。「華陀」病人陰陽俱絕。失

音不能言者。三日半死矣。

#### 第四節 喉病

喉爲頸項內通聲與水穀之道。在舌本之下。食管氣管之上。軟骨而成。有筋肉連之。喉大則聲大。喉小則聲小。其爲病也。約分喉風。喉痺。喉蛾之別。

病因 喉風 肺胃臟腑。深受風邪鬱熱。致氣血凝滯。不能流通。因之風痰上攻。結成種種熱毒。

喉痺 肝肺火盛。復感風寒。熱毒陷於厥陰之分。「素問至真要大論」少陽司天。客勝則喉痺。「又」歲太陰在泉。溼淫所勝。民病喉痺。「又」太陰之勝。火氣內鬱。甚則熱格喉痺。「厥論」手陽明少陽厥逆。發喉痺噤腫瘡。一巢氏病源「風毒客於喉間。氣結蘊塞而生熱。致喉腫塞而痺痛。……」

喉蛾 由肺經積熱。受風之凝結而成。

症狀 喉風 喉間紅腫而痛。甚則連及項外。水漿難入。

喉痺 咽喉腫痛。面赤腮腫。甚則項外漫腫。喉中閉塞不通。湯水難嚥。言語難出。「巢氏病源」喉裏腫塞痺痛。水漿不得入也。

喉蛾 生咽喉之旁。狀如蠶蛾。亦有形如棗栗。紅腫疼痛。

治法 喉風 十宣出血 魚際二分 合谷三分 天突三分 豐隆三分 「席弘賦」誰知天突治

喉風。「蘭江賦」噤口喉風鍼照海。三稜出血刻時安。

喉痺 十宣出血 肺俞三分 肝俞三分 尺澤出血 合谷三分 二間一分 魚際二分 液門

三分 湧泉三分 行間三分 「天星祕訣」牙疼頭痛兼喉痺。先刺二間後三甲。「

席弘賦」牙疼腰痛並咽痺。二間陽谿疾怎逃。「醫學綱目」喉痺。因惡血不

散故也。砭之惡血最爲上策。一又「喉痺刺手少陰神門穴 一又「喉痺取豐

隆。湧泉。關衝。少商。隱白。少衝。一李東垣「喉痺。乳蛾。取少商照海

。一千金」刺手小指爪紋中。出三大豆許血。

喉蛾 少商出血 合谷三分 魚際二分 金津出血 玉液出血 一李東垣「喉痺。乳蛾

。取少商照海。「玉龍歌」乳蛾之症少人醫。必用金鍼疾始除。如若少商出

血後。卽時安穩免災危。

## 治理

喉風 十宣出血爲放散熱毒。魚際合谷爲解表 泄肺與大腸之鬱熱 豐隆爲

清胃中之熱而降痰。天突爲疎喉間之阻澀。

喉痺 十宣尺澤出血爲放散高熱。宣泄熱毒。合谷二間魚際液門爲清肺與大

腸及三焦之鬱熱。肺俞肝俞爲泄臟熱。湧泉爲引火下行 行間爲清肝家之邪

熱。

喉蛾 少商出血爲清熱開鬱。合谷魚際爲解表而並泄肺與大腸之積熱。金津玉液爲清熱而退腫。

豫後

喉風 若鍼入無血。此風熱壅塞。鬱邪過深。多至不救。

喉痺 病甚壯熱而惡寒不止者。不良。

喉蛾 多良。

## 第五節 咳血

「中醫內科全書」咳嗽有聲。而痰內有血者是也。或咳出純是血痰。

病因

外感風寒。鬱結成熱。爲之嗆咳。咳甚肺絡受傷。或以陰虛火動。上逆而咳

血。「張氏醫通」……此雖肺體自燥。亦在火逆。咳傷血膜。而血隨痰出也

。「沈氏尊生」……火乘金位。肺絡受傷。故從咳嗽出也。「血證論」……

實咳。由於外感風寒。……此外。又有內受瘟暑溼熱者。亦能攻發而爲咳血

。……虛咳。肺爲嬌藏。無論外感內傷。但一傷其津液。則陰虛火動。肺中

被刑。金失清肅下降之令。其氣上逆。嗽痰咳血。……

症狀

咳嗽見血。或乾咳。或時兼痰中帶血。氣促。惟所咳出之血。不若吐血之多

也。「張氏醫通」……因咳嗽而見血。或乾咳。或痰中見紅絲血點一兩口。



氣急喘促。「血證論」實咳由於外感者。先見頭痛。惡寒發熱。……由於內傷者。身熱口渴。小便不利。胃腹煩滿。……

治法 肺俞三分 膈俞三分 尺澤三分 太淵二分 魚際二分

治理

肺俞爲清肺熱而止咳。膈俞爲統治一切血症之要穴。尺澤爲止血之有功。太淵魚際爲清熱生津而潤肺。若因外感而咳血者。則加大杼風門爲解表驅風。若因內傷而咳血者。則加三陰交爲養陰培本。

禁忌

豫後

酸，鹹，醋，醬，麵等。及飲食過飽。「中醫內科全書」戒煙酒。除房事。此證雖由肺體自燥。亦以火逆咳傷所致。故熱壅於肺。或脈微弱平緩者。易治。若久嗽損肺。痰中帶血而成勞者。難治。

死候

「張氏醫通」血從心肺腎三經而來者。皆因氣多血少。故漸見脈洪而數。身熱咳嗽。失血雖少。多致不起。「又」……弦數急實。氣促聲嘶。咽痛者。不治。

## 第六節 咳嗽

「金匱翼」經言五藏六府。皆能令欬。蓋有自外而入者。風寒暑溼燥火是也。有自內而發者。七情飢飽勞傷是也。風寒諸氣。先自皮毛而入。皮毛者肺之合。皮毛受邪。

內從其所合而咳者。自外而入者也。七情飢飽。內有所傷。則邪上逆。爲肺氣出入之道。故五藏之邪。上觸于肺亦咳。此自內而發者也。然諸氣所感。有不爲嗽者。病邪特甚。徑傷藏府。不留于皮毛。七情所傷。亦有不爲嗽者。病邪尙淺。止留本藏。未卽上攻。所以傷寒以嗽爲輕。而雜病以嗽爲重也。茲將本病分風嗽。寒嗽。熱嗽。溼嗽。鬱嗽。勞嗽。食積嗽。氣嗽。痰嗽。乾嗽。血嗽。酒嗽。久嗽。火嗽。夜嗽。天行嗽之別。

#### 病因

##### 風嗽

本證多由風邪乘肺所致。「沈氏尊生」風嗽。風乘肺也。

##### 寒嗽

本證多由外感寒邪所致。「沈氏尊生」寒嗽者。寒邪乘肺而嗽也。

##### 熱嗽

本證多由暑熱所致。「金匱翼」熱嗽有久暴之異。暴者。時熱傷肺也。……久者風寒不解。久而化火。肺受火邪。氣從火化。有升無降。……

##### 溼嗽

「活法機要」溼嗽者。……此多乘熱入水。或冒雨露。或浴後不解溼衣。致有此患。……

##### 鬱嗽

本證一因腎水枯涸。邪火上炎。一因肺先有熱。復客寒邪。「沈氏尊生」鬱嗽。卽火嗽也。……乃腎水枯涸。邪火獨炎所致。

##### 勞嗽

本證多由肺臟損傷所致。「六科準繩」勞嗽有因久嗽成勞。有因病勞

乃嗽者。……

食積嗽 「金匱翼」食積咳嗽者。穀肉過多。停凝不化。轉爲敗濁。隨呼吸之氣上溢入肺。肺者清虛之府。不能容物。則有咳而出之耳。

氣嗽 本證多由七情鬱結。或勞傷脾肺。「沈氏尊生」氣嗽。七氣積傷成咳也。

痰嗽 「沈氏尊生」痰嗽。……緣溼痰在胃。上干于肺也。

乾嗽 「醫學入門」乾咳者。肺中無津液也。

血嗽 「沈氏尊生」……或因上焦有熱。……或因打撲損傷。肺氣作咳。

酒嗽 「沈氏尊生」酒嗽。傷酒而成也。蓋酒大熱有毒。或冷熱兼飲。日久漸傷胃脘。其氣結聚不流。致成溼痰作嗽。

久嗽 「沈氏尊生」久嗽。諸般嗽久也。「丹溪心法」久嗽乃積痰久留肺脘。粘滯如膠。氣不升降。或挾溼與酒而作。

火嗽 「沈氏尊生」火嗽。火熱嗽也。……蓋以肺腎二經。乃人身之化源。二經有虧。則化源絕。故痰火益盛。而嗽發不止也。

夜嗽 「沈氏尊生」夜嗽。陰虛嗽也。多屬腎氣虧損。火炎水涸。或津液壅

## 症狀

而爲痰。或夜間屬陰分。陰氣相感故嗽也。

天行嗽 「沈氏尊生」天行嗽。感冒時行之氣作咳也。

風嗽 「醫鑑」傷風咳者。……憎寒壯熱。自汗惡風。口乾煩躁。鼻流清涕。欲語未竟而咳。「醫學入門」風乘肺咳。則鼻塞聲重。口乾喉癢。語未竟而咳。

寒嗽 「醫學入門」寒傷肺者。咳則胸緊聲啞。「醫鑑」寒嗽者。憎寒發熱。無汗惡寒。煩躁不渴。遇寒而咳。

熱嗽 「金匱翼」熱嗽有久暴之異。暴者。……氣促。口渴。胸膈不利。咽喉腫痛。久者。……其候咳唾痰濁。煩熱口渴。或吐膿血。甚者身熱不已。則成肺勞。「子和」熱乘肺者。急喘而嗽。面赤潮熱。手足寒。乳子每多有之。「活法機要」熱嗽喉乾痛。鼻出熱氣。其痰嗽而難出。色黃且濃。或帶血縷。或出血腥臭。或堅如蟬肉。不若風寒之嗽。痰清而白。……

溼嗽 「醫學入門」溼乘肺者。咳則身重。骨節煩疼。洒淅。「醫鑑」溼傷嗽者。……骨節煩疼。四肢重者。或有汗。小便不利。

鬱嗽 一見脈數面赤。肺脹喘急。失眠痰少。乾咳無痰者。一見喘咳暴作。

惡寒發熱。口乾咽痛。失音不出。「沈氏尊生」鬱嗽。……必兼面赤。或肺脹喘急。睡不安。痰少。甚者乾欬而無痰。

勞嗽 聲怯面槁。先急後緩。或早甚。或暮甚。痰清氣少而喘乏。「六科準繩」勞嗽。……其證寒熱往來。或獨熱無寒。咽乾噤痛。精神疲極。所嗽之痰。或濃或淡。或時有血。腥臭異常。語聲不出者。……

食積嗽 「沈氏尊生」食積嗽。……必兼胸滿噫酸。發熱。或稠痰壅滯喘滿。……總之凡有食積者。必面青黑白不常。面上如蟹爪路。一黃一白者。此又可望色而知也。

氣嗽 「沈氏尊生」氣嗽。……上氣喘急。痰涎凝結。或如敗絮。或如梅核。滯塞咽喉。吐不出。咽不下。……甚而多吐膿血。漸成肺痿。然氣嗽一證。婦人多有之。

痰嗽 「沈氏尊生」痰嗽。嗽動便有痰聲。痰出嗽止也。……胸膈滿。痰涎多。或寒熱交作。面浮如盤。……

乾嗽 「醫學綱目」乾咳嗽者。無痰有聲是也。此證本於氣澀。澀微者。連咳十數聲。方有痰出。澀甚者。雖咳十數聲。亦無痰出。是爲乾咳嗽也。



血嗽 「醫學入門」瘀血咳嗽者。喉間有腥氣。或吐唾瘀血。……  
酒嗽 痰多唾血。喘急脅痛。不能安臥。

久嗽 「沈氏尊生」久嗽。……以致氣不升降。或上氣喘急。……

火嗽 「丹溪心法」火嗽。有聲痰少面赤者是。或煩渴引飲。

夜嗽 「沈氏尊生」夜嗽。……咳聲不絕。至曉方緩。或兼口苦。胸痞。脅

痛 多吐涎沫。不進飲食。……

天行嗽 「沈氏尊生」天行嗽。……痰盛寒熱。或鼻塞聲重。……

治法 風嗽 百會二分 風府三分 肺俞三分 太淵二分 列缺一分 「玉龍歌」寒痰咳嗽更

兼風。列缺二穴最可攻。先把太淵一穴瀉。多加艾火即收功。「又」腭理不

密咳嗽頻。鼻流清涕氣昏沉。須知噴嚏風門穴。欬嗽宜加艾火深。「千金」

嗽灸兩乳下黑白際各百壯。又以蒲當乳頭周圍身。令前後正平。當脊骨解

中灸十壯。又以繩量口中。折繩從脊灸繩兩頭邊。各八十壯。又灸神道二十

壯。「又」上氣咳嗽短氣。氣滿食不下。灸肺募五十壯。「又」上氣咳逆短

氣。風勞百病。灸肩井二百壯。「又」上氣短氣。咳逆胸背痛。灸風門熱府

百壯。「又」上氣咳逆。胸滿短氣牽背痛。灸巨闕期門各五十壯。「又」上

氣胸滿。咳逆短氣。灸雲門五十壯。「又」上氣咳逆胸痺背痛。灸胸臆百壯。「又」上氣咳逆短氣。灸臆中五十壯。「又」上氣氣閉。咳逆咽冷。聲破喉猜。灸天突五十壯。按以下各種咳嗽。可酌取本條玉龍歌與千金之治法。寒嗽 肺俞三壯 風門五壯 合谷三壯 列缺三壯 太淵三壯 「醫學綱目」咳嗽寒痰取列缺穴。「通玄指要賦」咳嗽寒痰。列缺堪治。「席弘賦」冷嗽先宜補合谷。却須鍼瀉三陰交。「雜病穴法歌」冷嗽只宜補合谷。三陰交瀉卽時住。「玉龍賦」風門主傷胃寒邪之嗽。

熱嗽 肺俞三分 風門三分 魚際二分 經渠一分

溼嗽 肺俞三壯 風門五壯 足三里三壯

鬱嗽 肺俞三分 腎俞三分 足三里五分

勞嗽 肺俞三壯 膏肓三壯 百勞五壯 足三里三壯 「醫學綱目」體熱勞嗽瀉魄戶

。「標幽賦」體熱勞嗽。而瀉魄戶。「寶材」治一人。病咳嗽。盜汗發熱。困倦減食。四肢逆冷。六脈弦緊。乃腎氣虛也。先灸關元五百壯。予保命延壽丹二十丸。鍾乳粉二錢。間口服金液丹百丸。一月安全。

食積嗽 肺俞三分 大腸俞三分 中脘七分 三陰交三分

氣嗽 肺俞三分 氣海五分 足三里五分 三陰交三分 「玉龍賦」乳根俞府。療嗽氣痰哮喘。

痰嗽 肺俞三分 豐隆三分 太谿三分 「玉龍歌」咳嗽須鍼肺俞穴。痰多宜向豐隆尋。「勝玉歌」若是痰涎並咳嗽。治却須當灸肺俞。

乾嗽 肺俞三分 天突三分 足三里五分 「百症賦」咳嗽連聲。肺俞須迎天突穴。

血嗽 肺俞三分 膏肓三分 足三里五分

酒嗽 肺俞三分 中脘七分 豐隆三分

久嗽 肺俞三壯 膏肓三壯 足三里三壯

火嗽 治與鬱嗽同。

夜嗽 肺俞三壯 膏肓三壯 三陰交三壯

天行嗽 肺俞三分 列缺一分 合谷三分 經渠一分

### 治理

統名咳嗽。原因甚多。而其所取各穴。大同小異。則貴在臨症之應鍼應灸。宜補宜瀉之別耳。風者疎之。寒者溫之。熱者清之。溼者躁之。鬱火者開之。勞久者補之。食積者攻之。氣者和之降之。痰者化之滌之。血者斂之。酒

者清之和之。夜者亦以補之。天行者泄之導之。取肺俞爲治咳嗽之專穴。如驅風者加風府。久嗽成勞者加腎俞膏肓。積滯者加大腸俞及中脘。痰多者加豐隆。喉癢者加天突。佐足三里列缺三陰交等諸穴。乃隨症酌加。其餘各症。舉一反三。自可觸類旁通。學者苟能心領神會。則舉凡各種咳嗽。不難得心應手矣。

禁忌

「中醫內科全書」忌食鮮，鹹，油膩，生冷等物。

豫後

「中醫內科全書」久嗽成爲肺結核之症。其豫後往往不良。

死候

「張氏醫通」衰病喘嗽。左側不能臥者爲肝傷。若精力未衰可治。右邊不能臥者。爲肺損。無問新久。皆不可治。久嗽脈弱者生。實大者死。咳而脫形身熱。脈小堅急。以疾爲逆。不出十五日死。咳脫形。身熱脈疾。不過五日死。咳洩血。形肉脫。脈搏者死。咳嘔腹脹。且食泄。其脈絕。不及一時而死。咳嗽形羸。脈形堅大者死。沉緊及伏匿者死。

第七節

哮喘

哮喘與喘爲類似。但哮喘喉中有呀呷之音。不若喘之開口出氣多也。喘則氣促急呼吸不利。翕翕痰聲。張口擡肩。搖身擷肚也。「醫宗金鑑」呼吸氣出急促者。謂之喘急。

若更喉中有聲響者。謂之哮喘。茲分熱哮。冷哮之別。喘分風寒喘。火喘。痰喘。水喘。氣喘。胃虛喘。腎虛喘之別。

病因

熱哮 痰火鬱於內。風寒束於外。乃痰塞氣道。「靈樞經」中熱而哮也。

冷哮 痰飲留滯中宮不去。每遇外感風寒失其表散。深入肺俞。或因坐臥溼地。或因酸鹹過度。皆足以生此疾。

風寒喘 「諸集方」風寒喘。因尋常感冒。風寒內鬱。肺脹逆而爲喘。

火喘 胸有實火。或因痰熱。或因衝脈之虛火。或因火逆上氣。「東垣」火喘是皆衝脈之火。行於胸中而作也。「戴復菴」火炎上喘者。……大概胃中有實火。……

痰喘 肺爲痰壅而喘。由於氣管積痰。呼吸不暢。以致喘息不順。「金匱翼」痰喘者。肺虛如器而不容物。痰熱實之。則氣不得宣。呼吸壅滯則喘也。

水喘 「金匱翼」水喘因水氣乘肺者。……

氣喘 「醫學入門」氣喘。七情所傷。……

胃虛喘 「醫學入門」胃虛喘者。因胃虛極。則氣上逆。……「六科準繩」胃喘則身熱而煩。經云。胃爲氣逆。「又」犯賊風虛邪者陽受之。陽受之。



則入六府。入六府則身熱不得臥。上爲喘呼是也。

腎虛喘 「六科準繩」腎虛則嘔咳。經云。少陰所謂嘔咳上氣喘者。陰氣在下。陽氣在上。諸陽氣浮。無所依從。故嘔咳上氣喘也。「又」真元耗損。喘生於腎氣之上奔。

### 症狀

熱哮 氣喘身熱。喉中搏擊有聲。不能安臥  
冷哮 咳逆氣促。喉中有聲。肢冷形寒。

風寒喘 「金匱翼」喘因寒邪入肺者。經曰。邪在肺則皮膚痛。寒熱。上氣喘咳動肩背。因背受寒邪。伏於肺中。關竅不通。呼吸不利。……

火喘 痰湧如泉。或膈上稠痰。其喘得食則止。食後喘復大作。「金匱翼」火喘。……上焦熱甚。煩渴。多汗。

痰喘 喘時有痰聲。心跳發汗。苦悶異常。「戴復菴」痰喘者。凡喘便有痰聲。

水喘 「內經」不得臥。臥則喘者。是水氣之客也。「醫學入門」水喘。水氣漉漉有聲。……

氣喘 「醫學入門」氣喘者。驚憂氣。惕惕悶悶。引息鼻張。呼吸急促而無

痰聲也。

胃虛喘 「戴復菴」胃氣虛者。抬肩擗項。喘而不休。

腎虛喘 「金匱翼」喘因腎虛。氣吸不下者。或因氣自小腹下起而上逆者。

但經微勞。或飢時即發。……

### 治法

熱哮 風府三分 天突三分 俞府三分 乳根三分 列缺一分 豐隆三分 「玉龍歌」哮喘之症最難當。夜間不睡氣遑遑。天突妙穴宜尋得。膻中着艾便安康。「肘後歌」哮喘發來寢不得。豐隆刺入三分深。按以下冷哮及各種喘症。亦能酌取本條玉龍歌與肘後歌之治法。

冷哮 天突三壯 列缺三壯 乳根五壯 中脘七壯 足三里三壯

風寒喘 肺俞三壯 風門五壯 氣海七壯 足三里三壯 「玉龍賦」天突膻中醫喘嗽。

火喘 肺俞三分 經渠一分 公孫三分 足三里五分 內庭三分

痰喘 肺俞三分 中脘七分 豐隆三分 「玉龍歌」吼喘之症嗽痰多。若用金鍼疾

自和。俞府乳根一樣刺。氣喘風痰漸漸磨。「靈光賦」天突宛中治喘痰。

水喘 肺俞三壯 水分五壯 氣海七壯 足三里三壯

氣喘 肺俞三壯 靈台三壯 膻中五壯 足三里三壯 「玉龍歌」氣喘升口亦可施。「父」忽然氣喘攻胸膈。三里瀉多須用心。「父」氣喘急急不得眠。何當日夜苦憂煎。若得璇璣鍼瀉動。更取氣海自然安。「雜病穴法歌」喘急列缺足三里。

胃虛喘 胃俞三壯 氣海七壯 關元三壯 足三里三壯 「席弘賦」虛喘須尋三里中。按以下腎虛喘。亦可酌取本條席弘賦之治法。

腎虛喘 腎俞三壯 氣海七壯 關元三壯 豐隆三壯

### 治理

哮喘 不論熱哮與冷哮。其所取諸穴。大同小異。風府列缺爲疎散風邪。天突爲平氣而治喉中之有聲。俞府乳根爲療哮之本。中脘足三里豐隆乃有痰則逐痰。無痰則平胃逆而降氣。熱者清之宜鍼。冷者溫之宜灸。

喘病 喘之種類甚繁。取肺俞膻中靈台足三里等穴。爲平氣定喘治本之要穴。若兼風寒者佐風門以驅風。痰火者佐豐隆以化痰。水氣者佐水分以運水。氣分者佐氣海以降氣。胃虛者佐胃俞以健胃。腎虛者佐腎俞以益腎。標本兼治。其效益彰。

### 禁忌

「中醫內科全書」宜避風寒節厚味。不可過食酸鹹之物。

豫後  
死候

熱哮冷哮俱良。惟喘之屬於實而見面淡鼻冷者不良。

哮病 「中醫內科全書」凡哮病見胸凸背駝者。此爲肺絡敗。不治。

喘病 「直指方」汗出髮潤。喘爲肺絕。身汗如油。喘爲命絕。直視譫語喘滿者。不治。「沈氏尊生」凡喘。煩躁無脈。身冷神昏者死。髮汗如油。汗出如珠不流。擡肩擗肚。喘而不休。及膈前高起。手足厥冷。脈散及數者皆死。

#### 第八節 肺痿

肺痿者。肺臟枯痿而不振也。「日醫丹波氏」肺痿非此別一病。卽後世所謂勞嗽耳。病因 「金匱」問曰。熱在上焦者。因咳爲肺痿。肺痿之病。從何得之。師曰。或

從汗出。或從嘔吐。或從消渴。小便利數。或從便難。又被快藥下利。重亡津液。故得之。「許仁則論」肺氣嗽者。不限老少。宿多上熱。後因飲食將息傷熱。則常嗽不斷。積年累歲 肺氣衰。便成氣嗽。此嗽不早療。遂成肺痿。「喻嘉言」肺痿者。其漸積「非一日。其寒熱不止一端。總由胃中津液不輸於肺。肺失所養。轉枯轉燥。然後成之。於是肺火日熾。肺熱日深。肺中小管日窒。咳聲以漸不揚。胸中脂膜日乾。咳痰艱於上出。行動數武。氣

卽喘焉。衝擊連聲。痰始一應。「李東垣」夫肺者。五臟之華蓋也。處於胸中。主於氣。候於皮毛。勞傷血氣。腠理虛而乘之。內感於肺也。則汗出惡風。咳嗽短氣。鼻塞項強。胸脅脹滿。久久不瘥。已成肺痿也。「沈氏尊生」肺痿久嗽氣虛。而熱在上焦病也。

症狀

「外臺蘇遊傳屍論」其初得。半臥半起。號爲殭碟。氣急欬者。名曰肺痿。「巢氏病源」其病欬唾而嘔逆涎沫。小便數是也。「沈氏尊生」其症之發。必寒熱往來。自汗。氣急。煩悶。多唾。成帶紅綠膿血。「許仁則論」肺氣嗽。經久將成肺痿。其狀不限四時冷熱。晝夜嗽常不斷。唾白如雪。細沫稠粘。喘息氣上。乍寒乍熱。發作有時。唇口喉舌乾焦。亦有時唾血者。漸覺瘦悴。小便赤。顏色青白。毛聳。此亦成蒸。「陳氏婦人良方却勞散證治」勞嗽寒熱盜汗。唾中有紅線。名曰肺痿。

治法

肺俞三分 膏肓三分 中府三分 少商一分 魚際二分 尺澤三分 太淵二分 足三里五分

治理

肺俞膏肓爲治欬勞嗽之要穴。中府少商魚際尺澤俱有清肺泄熱生津之功。太淵爲潤肺。足三里爲降氣定喘也。

禁忌

快藥下利。重亡津液。起居無節。醉飽入房。妄施峻法。更不可因其不渴。



而用燥熱之劑。致蹈虛之禍。

豫後

凡肺痿以煩嗽欲飲水者易愈。張口短氣者難愈。「仁存孫氏方」詳觀肺癰肺痿二證。實難治。要之。肺癰間有可愈者。亦須肺未穿。故可救。但肺痿罕有安者。蓋其肺枯竭乾燥。何由而得潤。所以難愈。

死候

若欬久肺癰。喉啞聲嘶欬血。及六脈沈瀹而急。細數無神。脈口皮膚枯乾。氣口息粗者。均不治。

#### 第九節 肺癰

「中醫內科全書」肺癰乃賅括肺壞疽。肺膿瘍。腐敗性枝氣管炎。枝氣管擴張諸病。肺膿瘍因肺炎而起者。以流行性感胃性肺炎爲多。肺壞疽有因食管潰瘍進而入於肺者。亦有因脊柱之流柱膿瘍肝臟膿瘍產褥熱而起者。氣管枝擴張多因麻疹百日欬肋膜炎後。繼發肺炎而成。其膿性之痰停蓄不去。常於其中起腐敗性分解。終乃成腐敗性氣管枝炎。夫肺炎欬嗽之原因。則由於風寒。是以古人謂肺主皮毛。風寒由皮毛而客於肺。停留肺中。蘊發爲熱。薰蒸肺竅。遂成肺癰。

病因 體質素弱。風寒外襲。經久不發。其邪留而爲熱。或以溼熱痰涎相阻而成。「巢氏病源」肺癰者。由風寒傷於肺。其氣結聚所成也。肺主氣。候皮毛。

。勞傷血氣。腠理則開。而受風寒。其氣虛者。寒乘虛傷肺。寒專於血。蘊結成癰。熱又加之。積熱不散。血敗爲膿。肺處胸間。初肺傷於寒則微嗽。一「張氏醫通」肺癰者。蓋由感受風寒。未經發越。停留肺中。蘊發爲熱。或挾溼熱痰涎垢膩。蒸淫肺竅。皆能致此。

### 症狀

咳嗽多吐黏臭之痰。胸中隱痛。鼻息不聞香臭。項強不能轉側。欬則遺尿。汗喘急。呼吸不利。飲食減少。脈敗盛而芤。惡風毛聳。或兩脚痛。或舌下生如細豆一粒。一金匱「……其人則咳。口乾喘滿。咽乾不渴。多唾涎沫。時時振寒。熱之所過。血爲之凝滯。蓄結癰膿。吐如米粥。始萌可救。膿成則死。」一「巢氏病源」肺癰之狀。其人咳。胸內滿。隱隱痛而戰寒。……咽乾。口內辟辟燥。不渴。時時出濁唾腥臭。久久止膿如粳米粥者難治也。

### 治法

人杼三分 肺俞三分 合谷二分 少商一分 太淵二分 經渠一分 足三里五分 豐隆一分

### 治理

大杼合谷爲解表。而驅風寒。少商經渠爲泄肺之有熱。太淵爲潤肺養津。足三里爲降氣平喘。豐隆爲化痰滌濁。肺俞爲治本。

### 禁忌

凡肺癰愈後。終身戒食鴨蛋。白鯊。紅蘿蔔。石首魚。甲魚。犯之則復發難治。

豫後

凡聲音清朗。膿痰稀澤。或間有鮮血。飲食知味。胸脅不疼。或欬則微痛。痛在右畔肺之長葉。坐臥得寧。形色如常。便溺自調者可治。若潰後大熱不止。時時惡寒。胸中隱痛。痛在左畔肺之短葉。此肺氣淺薄。潰後最難平復。更兼喘汗面赤。坐臥不安。飲食無味。膿痰腥穢不已者難治。又肺癰潰後。膿痰漸稀。氣息漸減。而忽然臭痰復甚者。此餘毒未盡。內氣復發。但雖屢發而勢漸輕者可愈。若屢發而痰穢轉甚。脈形轉疾者難愈。一得效方一始萌易治。膿成難治。診其脈。數而實。已成。微而濇。漸愈。面色白。嘔膿而止者。自愈。有膿而嘔食。面色赤。吐膿如糯米粥者不治。男子以氣爲主。得之十救二三。婦人以血爲主。得之十全七八。歷試屢驗。

肺癰已破。入風者死。一張氏醫通一若喘鳴不休。唇反。咯吐膿血。色如敗濁。滯臭異常。正氣大敗。而不知痛。坐不得臥。飲食難進。爪甲紫而帶灣。手掌如枯樹皮。面豔顙紅。聲啞鼻煽者。不治。

#### 第十節 勞病

勞者。損傷太過之病也。損而不復曰勞。然有久暫之別。如素問所舉。則爲暫時勞動過甚之病。金匱所舉。則爲積久虛損之病。世所稱之勞病。均指積久者而言。茲分虛

勞。乾血勞。傳尸勞之別。

病因

虛勞 外傷酒色。內傷七情。飲食勞倦。嗜慾無節。『何氏虛勞心傳』虛勞

之症。無外邪相干。皆由內傷臟腑所致。如酒傷肺。溼熱蒸蒸。則肺陰消燬

。色傷腎。精室空虛。則相火無制。思慮傷神。神傷血耗。則心火易炎。勞

倦傷脾。最能生熱。熱則內伐真陰。怒氣傷肝。鬱怒則肝火內熾而灼血。大

怒則肝火上衝而吐血。此五者。皆能勞其精血。……

乾血勞 勞動過度。積熱傷陰。血液枯涸。以及婦女起居失宜。心勞不節。

衝任虛損。經水久閉。血枯血熱。積久不行。其筋骨之間。多有枯血凝結。

以致新血難生。積熱難退。

傳尸勞 精氣內傷。或臨尸哭泣。以致勞蟲傳染。侵入五臟而成。

症狀

虛勞 皮毛枯槁。血脈不榮。食少肉削。腹脹肢弱。欬嗽盜汗。怔忡氣促。

脾虛泄瀉。『何氏虛勞心傳』在腎則爲腰脊腿脛痠軟。或攸隱而痛。爲骨蒸

內熱盜汗。或至夜發熱。爲遍身骨疼。或疼痛如折。爲夢遺滑泄。爲耳中鳴

。足心熱。在心則爲驚悸怔忡。爲掌中乾熱。爲虛煩無寐。爲魘夢不寧。爲

口苦舌乾。爲口舌糜爛。在肺則爲欬嗽多痰。或乾欬少痰。爲胸滿氣逆。或

喘或促。爲兩顴紅若脂。爲鼻中氣如火。爲咳血衄血。甚則吐白沫。一邊不能睡。咽痛喉爛。聲嘶音啞。在肝則爲寒熱如瘡。爲頸項癢癢。爲脅肋作脹作疼。爲兩目或澀或痛。爲頭昏眼花。爲多怒。爲吐血。在脾則爲飲食少思。惡心嘔吐。爲脹滿腹痛。食不消化。爲腸鳴泄瀉。肌肉消瘦。皆五臟虛勞之本症。……

乾血勞 身體羸瘦。腹滿不能飲食。肌膚甲錯。面目黯黑。

傳尸勞 男子則先傳於腎。兩脛痠疼。腰背拘急。行立脚弱。飲食減少。兩耳颼颼如風聲。夜臥遺泄。陰汗痿弱。次傳於心。夜臥心驚。恐悸心懸。氣虛吸吸。夢見先亡。有時盜汗。飲食無味。口内生瘡。心氣煩熱。肢倦欲眠。朝輕夕重。兩頰口唇。赤如敷脂。手足心熱。次傳於肺。欬嗽上氣。喘臥益甚。鼻口乾燥。有時忽覺有朽腐氣。時欲嘔吐。肌膚枯燥。時或疼痛。有似蟲行。乾皮細起。狀如麩片。次傳於肝。兩目乾澀。視不能遠。赤痛睛黃。頻眉合眼。面無血色。睡臥不著。次傳於脾。兩脅虛脹。食物不化。水穀生蟲。腹痛瀉利。下赤黑汁。腹脹雷鳴。脣口焦乾。或生瘡腫。毛髮乾燥。撐肩喘息。上氣不舒。女子則先傳心而肺而肝而脾而腎。均五臟傳訖。復遞



傳六腑而死。

### 治法

虛勞 肺俞三分 心俞三分 肝俞三分 脾俞三分 腎俞三分 大椎五分 膏肓三分 氣海五分 足三里五分 「甲乙經」虛損盜汗。取百勞。肺俞。汗不止。取曲差。「又」盜汗取陰郄。五里。間使。中極。氣海。「寶材」治一人。身長五尺。因酒色傷。漸覺肌肉消瘦。令灸關元三百壯。服保元丹一斤。自後大便滑。小便長。飲食漸加。肌肉漸生。半年如故。更有葉餘慶。字元善。平江人。自云嘗瘵疾。其居對橋而行。病不能度。有僧爲之灸膏肓穴。得百壯。後二日。即能行數里。登降皆不倦。自是康健。其取穴法。但並手垂足。正身直立。勿令俯仰。取第七椎下兩旁。同身寸各三寸。灸時以輭物枕頭覆面臥。垂手附身。或臨時置身。取安便而已。葉轉爲人灸。亦用此法。「醫學入門」骨蒸瘵瘵。灸膏肓。三里。「又」勞瘵骨蒸。或版齒乾燥。大椎。鳩尾。各灸二七壯。「又」膏肓。肺俞。四花。大椎等穴。若灸之早。百發百中。「玉龍歌」膏肓二穴治病勞。此穴原來難度量。斯穴禁鍼多着艾。二十一壯亦無妨。「勝玉歌」經年或變勞怯者。痞滿臍旁章門決。「通玄指要賦」三里却。勞之羸瘦。「行鍼指要歌」或鍼勞。須向膏肓及百勞。「千金」治喉

痺氣逆咳嗽。口中唾涎。灸肺俞七壯。亦可隨年壯至百壯。按以下之勞病。亦可參閱本條前賢各書之治法。

乾血勞 膏肓三分 中極七分 三陰交三分 太衝三分

傳尸勞 膏肓三分 肺俞三分 心俞三分 肝俞三分 脾俞三分 腎俞三分 足三里五分

「醫學入門」骨蒸傳尸勞瘵。宜早灸崔氏四花穴。晚則無及。「又」癆蟲居肺間。蝕肺系。故咯血聲嘶。此所謂膏之上。肓之下。鍼之不到。藥之不及。宜早灸膏肓俞。肺俞。四花穴爲佳。「得效方」治癆瘵。癸亥夜三更。六神皆聚之時。解去上體衣服。於腰上兩旁微陷處。謂之腰眼。直立平身。以墨筆點定。始上床合面而臥。每灼小艾炷灸七壯。蟲或吐出。或瀉出卽安。名曰遇仙灸。「百症賦」癆瘵傳尸。取魄戶膏肓之路。「玉龍歌」傳尸癆病最難醫。湧泉出血免災危。「玉龍賦」湧泉關元豐隆。爲治屍勞之例。

### 治理

虛勞 肺俞心俞肝俞脾俞腎俞。此五臟之腧穴。爲治虛勞之本。大椎膏肓爲止咳而益虛。氣海爲固精。振下焦之元陽。足三里爲調脾胃而降逆。

乾血勞 膏肓爲勞症之要穴。中極爲攻瘀通經調血兼治之法。三陰交太衝爲行瘀及清血涼血養血生血兼備之方。

傳尸勞 五臟腧穴爲治勞之本。膏肓足三里爲久嗽補虛益損。並調氣降逆兼治之法。

禁忌

虛勞 煙，酒，薑，椒，芥，蒜，生冷，滑腸堅硬之物。以及色，怒，憂，勞，俱宜禁戒。

乾血勞 煙，色，生冷。以及憂，鬱，思，慮。

傳尸勞 戒酒色。絕思慮。節飲食。

豫後

虛勞 凡虛勞受補者易治。不受補者難治。

乾血勞 其病不傳變爲風消與息賁者良。

傳尸勞 六十日以內者可治。八十日內者稍難。過此以往。難有生全之望。

死候

虛勞 起於斲喪而肝腎過傷者。多致亡血失精而死。起於鬱結而內火灼津者。多致血結乾咳發癰而死。起於藥誤而脾胃受傷者。多致飲食減少喘嗽泄瀉而死。若見五敗九死十絕之候。及上有痰火喘嗽不能臥。而下焦大便溏稀者。或泄瀉日久。糞門生瘻瘡者。均屬不治。「何氏虛勞心傳」虛勞不能服參耆不受補者死。勞嗽啞者死。一邊不能睡者死。久瀉及大肉去者死。嗽不止而白血出者死。勞嗽久而咽痛無聲。此爲下傳上。不嗽不疼。久而溺濁脫精

。此爲上傳下皆死。吐血若咳逆上氣。脈數有熱。不得臥者死。

乾血勞 「陰陽別論」 陽之病發心脾。有不得隱曲。女子不月。其傳爲風消。其傳爲息賁者。死不治。

傳尸勞 沈默不知所苦。或腹中有塊。或腦後兩邊有小結相連數個。或聚或散。或咯膿血。羸瘦下利者。均不治而死。

#### 第十一節 脅痛

素問以肝脈貫膈布脅肋。故脅痛之病。無不責之肝症。「中醫內科全書」本病有氣鬱脅痛。汚血脅痛。痰飲脅痛。食積脅痛。風寒脅痛之別。

病因 氣鬱脅痛 「沈氏尊生」氣鬱。由大怒氣逆。或謀慮不決。皆令人肝火動甚。以致肱脅肋痛。……

汚血脅痛 惡血停留肝絡。「金匱翼」汚血脅痛者。凡跌撲損傷。汚血必歸脅下故也。

痰飲脅痛 「沈氏尊生」痰飲脅痛者。由痰飲流注於厥陰之經。以致肱脅肋痛。……

食積脅痛 「沈氏尊生」食積脅痛者。由停食脅下所致也。

風寒脅痛 「沈氏尊生」風寒脅痛由外感風寒之邪。留著脅下。以致肋脇痛。……

### 症狀

氣鬱脅痛 胸脅引痛。不得俯仰。「金匱翼」肝鬱脅痛者。……兩脅骨疼痛。筋脈拘急。腰脚重滯者是也。

汚血脅痛 引脅作痛。按之益甚。「金匱翼」汚血脅痛者。……其症晝輕夜重。或午後發。……其人喘逆。

痰飲脅痛 「沈氏尊生」痰飲。……以致肋脇痛。痛則咳嗽氣急。……

食積脅痛 寒熱噁心惡食。右旁有一條扛起。上引脅痛。「醫學入門」食積脅下。如扛梗起一條作痛。

### 治法

風寒脅痛 便堅胸滿欲吐。「正傳」風寒脅痛。其症往來寒熱。心煩喜嘔。氣鬱脅痛 肝俞三分 章門三分 氣海五分行間三分「醫學綱目」脅痛取懸鍾。

竅陰。外關。三里。支溝。章門。中封。陽陵泉。行間。期門。陰陵泉。「

又」脅并胸痛不可忍。取期門。章門。行間。邱墟。湧泉。支溝。膽俞。「又」胸脅脹痛。取公孫。三里。太衝。三陰交。「張景岳」治一姻家。年力正

壯素飲酒。常失饑飽。偶飯後脅肋大痛。自服行氣化滯等藥。復用吐法。盡



出飲食。吐後逆氣上升。脅痛雖止。而上壅胸脹。脹痛更甚。且加嘔吐。用行氣破滯等。嘔痛止。而左乳胸脅之下聚結一塊。脹實拒按。每戌亥子丑之時。脹不可當。因嘔吐止。乃峻下之。又不應。而脹愈甚。後灸章門十四壯。以逐結滯。不三日脹乃漸平。食乃漸進。「百症賦」從知脅肋疼痛。氣戶華蓋有靈。「玉龍歌」若是脅疼並閉結。支溝奇妙效無常。「雜病穴法歌」脅痛只須陽陵泉。「通玄指要賦」脅下肋邊者。刺陽陵而卽止。「標幽賦」脅疼肋痛鍼飛虎。「肘後歌」脅肋腿疼後谿妙。「又」傷寒痞結脅積痛。宜用期門見深功。按以下各種脅痛。統宜酌取本條前人遺著與各歌賦之治法。

汚血脅痛 肝俞三分 章門三分 膈俞三分 太衝三分 氣戶三分

痰飲脅痛 肝俞三壯 章門三壯 中脘三壯 豐隆三壯

食積脅痛 肝俞三壯 章門三壯 中脘三壯 大腸俞三壯 豐隆三壯

風寒脅痛 肝俞三分 章門三分 風府三分 列缺一分 合谷三分

## 治理

章門當脅肋部位。爲治脅肋病之要穴。取肝俞爲治其本。氣鬱者。加氣海行間爲化氣散鬱。汚血者。加膈俞太衝爲行血破瘀。痰飲者。加中脘豐隆爲化痰。食積者。加中脘大腸俞豐隆爲攻積消食。風寒者。加風府列缺合谷爲疏

散風邪。

禁忌 凡七情鬱結。飲食勞動之傷。皆須禁除。豫後 多良。

## 第五章 消化器病

### 第一節 口病

口爲司言食之竅。言語由此外出。以發表意見。食物由此內進。乃營養身體。其爲病也。茲分口瘡。口臭。口糜。口角流涎之別。

病因 口瘡 「內經」歲金不及。炎火乃行。復則寒雨暴至。陰厥乃格。陽反上行。民病口瘡是也。「六科準繩」……心屬君火。是五臟六府之火主。故諸經之熱。皆應於心。心脈布舌上。若心火炎上。熏蒸於口。則爲口舌生瘡。脾脈布舌下。若脾熱生痰。熱涎相搏。從相火上炎。亦生口瘡也。「金匱翼」口舌生瘡。其候有二。一者心胃有熱。氣衝上焦。熏發口瘡。一者胃虛食少。腎水之氣。逆而承之。則爲寒中。脾胃虛衰之火。被迫上炎。作爲口瘡也。

口臭 「巢氏病源」口臭由五臟六腑不調。氣上胸膈。然氣臊腐不同。蘊積

胸膈之間。而生於熱。衝發於口。故令臭也。「直指」口臭一證。乃熱氣蘊積胸膈之間。挾熱衝發於口也。

口糜 「內經」少陽之復。大熱將至。火氣內發。上爲口糜。「醫宗金鑑」此症由陽旺陰虛。膀胱溼水熱於小腸。膈腸不便。上爲口糜。「醫宗金鑑」此症由陽旺陰虛。膀胱溼水泛溢。脾經溼與熱瘀鬱。久則化爲熱。熱氣薰蒸胃口。……

口角流涎 脾冷或脾熱所致。「內經」人之涎下者。何氣致然。曰。飲食者皆入於胃。胃中有熱則蟲動。蟲動則胃緩。胃緩則廉泉開。故涎下。

## 症狀

口瘡 口臭生瘡。屬於熱者。口臭作渴。發熱飲冷是也。屬於寒者。飲食少思。大便不實。或手足逆冷。肚腹作痛是也。

口臭 臭如酸胖。若膩不渴。飲食噎滯。此爲寒症。臭如糞穢。口渴引飲。胃納甚旺。此爲熱症。

口糜 「醫宗金鑑」……滿口糜爛。色紅作痛。甚則連及咽喉。不能飲食。口角流涎 口角流涎不止。浸溼紅赤。

## 治法

口瘡 合谷三分 少府一分 心俞三分 脾俞三分 足三里五分 太白三分 「雜病穴法歌」口舌生瘡舌下竅。三稜刺血非粗鹵。「肘後歌」狐惑傷寒滿口瘡。須下

黃連犀角湯。盡在臟腑食肌肉。須要神鍼刺地倉。

口臭 中脘七分 內關五分 少府一分 內庭三分 行間三分 大都三分 然谷三分 一玉龍歌「口臭之疾最可憎。勞心只爲苦多情。大陵穴內人中瀉。心得清涼氣自平。」勝玉歌「心熱口臭大陵驅。」

口糜 脾俞三分 膀胱俞二分 陰陵泉二分 大都三分

口角流涎 胃俞三分 天樞五分 內庭三分 厲兌一分 一維病穴法歌「口噤嚙斜流涎多。地倉頓車仍可舉。」靈光賦「地倉能止口流涎。」

口瘡 合谷爲面目之要穴。少府心俞脾俞爲瀉心脾之有熱。足三里太白爲調脾胃之虛實。

### 治理

口臭 中脘內關爲開胸膈之蘊熱。少府內庭行間大都然谷爲清各經之熱而下行。口臭乃除。

口糜 大都陰陵泉爲清脾經之溼熱。脾俞膀胱俞爲治本。

口角流涎 天樞內庭瀉爲清脾胃之熱。胃俞爲治本。

口瘡 一十金一月患口瘡及齒。禁酒，麵，酒，醬，酸酢，鹹膩，乾菜。瘡後。仍須慎之。若不戒口，瘡再山發。發即難瘳。……

### 禁忌

豫後 口臭。口糜。口角流涎。俱良。惟口瘡一症。「中醫內科全書」……若夫陰虛已極。滿口糜爛。服大劑滋陰之藥。仍不減者。此爲難治。又凡小兒大便泄瀉。顛門下陷。兼見口糜者。其危險則同在不可知之數矣。

## 第二節 舌病

舌在口腔之中。赤色筋肉。縱長橫狹。前尖後大。表面凹凸不平。其突高處多成細點。內應心臟。外司味覺。其爲病也。茲分舌衄。舌強。舌腫。舌瘡。舌痺之別。

病因 舌衄 此證由心臟蘊熱。或脾腎二經虛火上炎。「巢氏病源」心主血脈而候於舌。若心臟有熱。則舌上血如湧泉。

舌強 本證多因肺經有熱。「素問至真要大論」厥陰司天。風雨所勝。民病舌本強。「靈樞經脈篇」脾足太陰之脈。是動。則病舌本強。

舌腫 本證多因七情鬱結。心經火盛血壅。「巢氏病源」心候舌。脾之絡脈出舌下。心脾俱熱。氣發於口。故舌腫也。

舌瘡 本證由心火熾盛。「巢氏病源」心候於舌。若心臟有熱。則舌上生瘡也。

舌痺 本證由心緒不寧。憂思暴怒。氣結痰火而成。



## 症狀

舌衄 舌上壅熱。出血如泉。或舌脹硬而大血不止。如有鍼孔者。

舌強 舌強難言。聲不易出也。

舌腫 舌脹滿口。堅硬疼痛。甚至閉塞咽喉。立時氣絕。

舌瘡 舌上生瘡。甚有延及口脣者。

舌痺 舌上麻木不仁。味覺難別。

## 治法

舌衄 心俞三分 少府一分 「雜病穴法歌」舌裂出血尋內關。大衝陰交走上部

。『千金』治小兒舌病。灸行間隨年壯。灸兩足外踝上三壯。按以下各種之舌病。統可參閱本條千金之治法。

舌強 啞門二分 少商一分 魚際二分 「資生經」舌急取風府。「百症賦」啞門關衝。舌緩不語而要緊。

舌腫 心俞三分 脾俞三分 金津出血 玉液出血 少府一分 大都三分 「千金」刺舌下兩邊大脈血出。「醫學綱目」舌瘡難言。取廉泉。金津玉液。各以三稜鍼出血。又取天突。少商。然谷。風府。「萬病回春」凡舌瘡脹甚。宜先刺舌尖。或舌上。或邊旁出血泄毒。以救其急。惟舌下廉泉穴。亦常禁鍼。慎之。「張戴人」一老人舌根腫起。漸至滿口且熱。甚凶。血實者宜決之。以鉞

鍼日砭入九次。出血約二三盞。漸覺腫消痛減。夫舌者心之外候。心主血。故血出愈。「百症賦」廉泉中衝。舌下腫疼堪取。

舌瘡 心俞三分 少府一分 少衝出血 金津出血 玉液出血 「雜病穴法歌」口舌生瘡舌下竅。三稜刺血非粗鹵。

舌痺 金津出血 玉液出血 十宣出血 海泉出血 豐隆三分

治理 舌衄 心俞少府爲清心熱。若因脾腎之虛火上炎者。則加大都湧泉爲清熱養陰。

舌強 瘰門爲直達舌部而發音。少商魚際爲清肺經之有熱。若因厥陰而發者。則加肝俞行間爲清肝熱。若因太陰而發者。則加脾俞大都爲泄脾熱。

舌腫 心俞脾俞以清熱。金津玉液爲洩熱消腫而生津。少府大都爲清心脾之有熱。而使下行。

舌瘡 心俞少府少衝爲清心熱。金津玉液爲清熱生津。

舌痺 金津玉液十宣海泉出血。均爲清熱。豐隆爲平氣。而降痰火。

俱良。惟傷寒病之舌腫者難治。

### 第三節 傷食

飲食太過。腸胃受傷之病。古謂之宿食。卽金匱巢源諸書可徵也。

病因

「內經」飲食自倍。腸胃乃傷。「巢氏病源」宿食不消。由藏氣虛弱。寒氣在於脾胃之間。故使穀不化也。宿穀久入。脾氣既弱。故不能磨之。則經宿而不消也。「萬病回春」傷食者。只因多食飲食。脾虛不能消化。……

症狀

「戴元禮」傷食之證。胸膈痞塞。吐逆噯酸。噫敗卵臭。畏食。頭痛發熱惡寒。病似傷寒。但身不痛耳。「萬病回春」傷食。……停於胸腹。飢良噁心。惡食不食。噯氣作酸。下泄臭屁。或腹痛吐瀉。重則發熱頭痛。

治法

脾俞三分 胃俞三分 內關五分 中脘七分 足三里五分 三陰交三分 公孫三分 「百症賦」胃冷食而難化。破門胃俞堪責。一又一中脘主乎積滯。一席弘賦「胃中有積刺璇璣。三里功多人不知。一天星祕訣」若是胃中停宿食。後尋三里起璇璣。「玉龍賦」欲調飽滿之氣逆。三里可勝。

治理

脾俞胃俞爲傷食病治本之法。內關爲寬胸中之苦悶。中脘爲攻積。而助運化。足三里三陰交公孫爲健脾調胃而降逆。

禁忌

生冷雜物。及一切不易消化之品。

豫後 慎飲食者良。

#### 第四節 胃脘痛

當脘部作痛者。卽是病也。

病因 「六科準繩」胃脘痛有不一之因。蓋胃之真溼土也。位居中焦。稟沖和之氣。多氣多血。是水穀之海。爲三陽之總司。五臟六腑十二經脈。皆受氣於此。是以足之六經。自下而上。凡壯則氣行而已。胃脘弱則著而成病。其沖和之氣。變至偏寒偏熱。因之水穀不消。停留水飲食積。真氣相搏爲痛。……「金匱翼」……憂思忿怒之氣素蓄於中。發則上沖旁擊。時復下注。若三焦無所阻滯。任其遊行。則不能作痛。雖痛亦微。若有溼痰死血。阻滯其氣。而不得條達。兩相搏擊。則痛甚矣。「沈氏尊生」胃痛。邪干胃脘病也。胃稟沖和之氣。多氣多血。壯者邪不能干。虛者著而爲病。偏寒偏熱。水停食積。皆與真氣相搏而痛。……

#### 症狀

「六科準繩」……故胃病者。或滿或脹。或食不下。或嘔吐。或吞酸。或土使難。或瀉利。面色浮而黃者。皆是胃之本病也。其有六淫五邪相乘於胃。大率與心痛之形狀相類。但其間必與胃本病參雜而之也。

### 治法

胃俞三壯 上脘五壯 中脘七壯 內關三壯 足三里三壯 公孫三壯 「標幽賦」脾冷胃疼。瀉公孫而立愈。「肘後歌」中脘回還胃氣通。「李東垣」胃病飲食不下。取三里。吐宿汁吞酸。取章門。日月。

### 治理

胃俞爲治本。上中二脘爲攻積。和中調氣。內關爲開胸膈之鬱結。足三里公孫爲降胃氣之上逆。兼理腸胃之積垢。

### 禁忌

生冷水菓。以及粘膩難化之食物。

### 豫後

良。

### 第五節 嘈雜

胸中似飢似辣。莫可名狀。「中醫內科全書」嘈雜。本衆聲齊作。喧鬧之意。病名嘈雜者。蓋謂其發作時。飢餓欲食。擾擾不寧也。

### 病因

「生生子」內經曰。胃爲水穀之海。無物不受。若夫溼麵魚腥水果生冷。以及烹飪粘滑難化等物。恣食無節。脾氣受傷。失其健運之常。清痰稠飲。由此而生。嘈雜由此而作也。「六科準繩」嘈雜由肺受火傷。不能平木。木挾相火乘肺。則脾冲和之氣索矣。穀之精微不行。濁液攢聚爲痰爲飲。……肝木搖動中土。擾擾不寧。而爲嘈雜。



症狀

「生生子」夫嘈雜之爲症。似飢不飢。似痛不痛。而有懊惱不自寧之態是也。『六科準繩』嘈雜。……如飢狀。每求食以自救。苟得少食。則嘈雜亦少止。止而復作。……

治法

肺俞三壯 胃俞三壯 脾俞三壯 內關三壯 中脘七壯 豐隆三壯 三陰交三壯 行間三壯 內關爲開胸中之苦悶。中脘爲和中。豐隆爲消痰平氣。三陰交爲治痞滿脹塞。行間爲降肝氣之上逆。肺俞胃俞脾俞爲治本。

治理

禁忌

忌食酸性之物。以及助痰之品。

豫後

多良。若醫治失當。久則變爲反胃。泄瀉。痞滿。眩暈等證。則較爲難治。

## 第六節

### 噎膈

「金匱翼」膈也。飲食入咽。不得輒下。噎塞膈中。如有阻隔之者。故名噎膈。

病因

「內經」氣爲上膈者。食飲入而還出。蟲爲下膈者。食辟時乃出。「又」飲食不下。膈塞不通。邪在胃脘。「巢氏病源」夫陰陽不和。則三焦隔絕。三焦隔絕。則津液不利。故令氣塞不調理也。是以成噎。此由憂恚所致。憂恚則氣結。氣結則不宣流使噎。噎者。塞不通也。「金匱翼」噎膈之病。有虛有實。實者或痰或血。附着胃脘。與氣相搏。翳膜外裹。或復吐出。膈氣暫

寬。旋復如初。虛者津枯不澤。氣少不充。胃脘乾癯。食澀不下。「李士材」……大抵氣血虧損。復因憂思悲恚。則脾胃受傷。血液漸耗。鬱氣生痰。痰則塞而不通。氣則上而不下。如礙道路。飲食難進。噎塞所由成也。「沈氏尊生」噎塞原於脾家氣血兩虛。而多半由血液枯乾。蓋人臟腑之津液流行。灌溉百脈。皆賴脾胃運行。稍不運行。卽津液壅滯。而陰血不榮。故患噎塞。推其原。或起憂鬱。至氣結胸中而生痰。痰久成塊。膠於上焦。道路窄狹。飲可下。食難入。……此皆病之所由來也。

### 症狀

「紅爐點雪」……其膈在上。近咽之下。水飲可入。食物難入。間或可入。必屈曲而下。名曰噎。其膈在下。平胃爲近。食雖可入。難盡入胃。良久復出。名曰膈。

### 治法

膈中五壯 膈俞三壯 中脘七壯 氣海七壯 內關三壯 足三里三壯 公孫三壯 「千金」噎噦膈中氣閉塞。灸腋聚毛下。附脅宛宛中五十壯。「席弘賦」噎不住時氣海灸。定瀉一時立便瘥。「勝玉歌」噎氣吞酸食不投。膈中七壯除膈熱。「雜病穴法歌」嘔噎陰交不可饒。「靈樞經」飲食不下。膈噎不通。邪在胃脘。刺法在上脘。則抑而下之。在下脘。則散而去之。「醫學綱目」五噎。五

膈。取天突。膈中。心俞。上脘。中脘。下脘。脾俞。胃俞。巨闕。中魁。大陵。三里。「楊繼洲」治虞紹東翁患膈氣之疾。形體羸瘦。藥餌難治。診得六脈沉澹。須取膈中。以調和其膈。再取氣海。以保養其源。而元氣充實。脈息自盛矣。後擇時鍼上穴。行六陰之數。下穴行九陽之數。各灸七壯。遂全愈。

### 治理

膈中爲散上焦之鬱結。中脘爲調理中焦之氣化。氣海爲主下焦之氣上逆。內關爲宣鬱。足三里公孫爲健脾益胃兼備之法。膈俞爲治本。若以痰滯阻塞者。則加豐隆爲化痰以理氣。

### 禁忌

節飲食。戒房事。

### 豫後

有良。有不良。

### 死候

「薛立齋」年高無血。不治。噎而沫大出。糞如羊矢。不治。胸腹嘈痛如刀割者。死期迫矣。

### 第七節

#### 反胃

食入復吐出也。故金匱稱曰胃反。蓋其狀如翻轉耳。「千金」朝食暮吐。暮食朝吐。宿穀不化。名胃反。

## 病因

「巢氏病源」榮衛俱虛。其血氣不足。停水積飲在胃脘則藏冷。藏冷則脾不磨。脾不磨則宿穀不化。其氣逆而成胃反也。「聖惠方論」夫反胃者。爲食物嘔吐。胃不受食。言胃口翻也。則有因飲酒過傷所致。則有因憂悵快畜怒。腸結胃翻所致。則有宿滯痼癖。積聚冷痰。久不全除。致成茲疾。……「張氏醫通」反胃係真火式微。胃寒脾弱。不能消穀。……雖曰脾胃虛寒。然致病之由。必有積滯於內。

## 症狀

「巢氏病源」……則朝食暮吐。暮食朝吐。心下牢大如杯。往往寒熱。甚者食已卽吐。「張氏醫通」……朝食暮吐。暮食朝吐。或一兩時而吐。或積至一日一夜。腹中脹悶不可忍而復吐。

## 治法

脾俞三壯 胃俞三壯 中脘七壯 內關三壯 足三里三壯 三陰交三壯 「萬病回春」反胃灸肩井三壯卽愈。乃神灸也。「又」膏肓俞灸百壯。臍中三里各灸七壯。「千金」灸兩乳下各一寸。以瘥爲度。「又」臍上一寸灸二十壯。「又」灸內踝下三指稍斜向前三壯。「資生經」王叔權曰。有人久患反胃。飲食至晚卽吐出。見其氣繞臍而轉。予爲點水分。氣海。并夾臍邊兩穴。他醫久灸水分。氣海。卽愈。「通玄指要賦」勞宮退胃翻心痛亦何疑。「玉龍賦」中魁

理翻胃而卽愈。「行鍼指要歌」或鍼吐。中脘氣海膻中補。反胃吐食一般醫  
治理。中脘爲溫中暖腑。逐胃腸之寒。內關爲治痞脹翻吐。足三里三陰交爲調和

脾胃。脾俞胃俞爲根本之療法。

禁忌

「張氏醫通」反胃初愈。切不可與粥飯。每日與獨參湯。少加炒陳米。不時  
煎服。旬日後方可小試稀糜。往往卽飯者。多致復病而危。

豫後

有良。有不良。

死候

「張氏醫通」凡反胃而致大吐白沫如鷄子清者。是肺胃俱虛。矢如羊糞。則  
大腸血槁。卽大補氣血。終亦必亡而已。

#### 第八節 呃逆

胸中呃呃作聲而無物也。「六科準繩」呃逆卽內經所謂噦也。或曰。成無已許學士固  
以噦爲呃逆。然東垣海藏又以噦爲乾嘔。陳無擇又以噦名咳逆。諸論不同。今予獨取  
成許二家之說。何也。曰。噦義具在內經。顧諸家不察耳。按靈樞雜病篇末云。噦。  
以草刺鼻嚏。嚏而已。無息而疾迎引之。立已。大驚之。亦可已。詳此經文三法。正  
乃治呃逆之法。按呃逆用紙刺鼻便嚏。嚏則呃逆立止。或閉口鼻使之無息。亦立已。  
或作冤盜賊大驚駭之立已。此予所取成許二家之論噦爲呃逆。爲得經旨也。若以噦爲



乾嘔。設使乾嘔之人。或使之噤。或使之無息。或使大驚。其乾嘔能立止已乎。噦非乾嘔也明矣。若以噦名咳逆。按內經生氣通天論曰。秋傷於溼。上逆而咳。陰陽應象論曰。秋傷於溼。冬生咳嗽。以此論之。則咳逆爲咳嗽無疑。以春夏冬三時比例自見。一孫真人千金論「欬逆者。嗽也。本自明白。後人不知。何以欬逆誤呃逆。失之遠矣。」景岳全書「呃逆一證。古無是名。在內經本謂之噦。因其呃呃連聲。故今以呃逆名之。於義亦妥。自孫真人云。徧尋方論無此名。遂以欬逆爲噦。因致後世訛傳。乃以欬逆乾嘔噦氣之類。互相殺亂。自唐迄今矣。

病因 「內經」穀入於胃。胃氣上注於肺。今有故寒氣與新穀氣。俱還入於胃。新故相亂。真邪相攻。氣併相逆。復出於胃而爲噦。「巢氏病源」脾胃俱虛。受於風邪。故令新穀入胃。不能傳化。故穀之氣。與新穀相干。胃氣則逆。胃氣逆則脾脹。氣逆因遇冷折之則噦也。「劉景厚」呃逆有虛有實。有火有痰。有水氣。不可專作寒論。蓋傷寒發汗吐下後。與瀉利日久。及大病後。婦人產後有此證。皆屬脾胃大虛。若因痰水停積心下。或因暴怒氣逆痰厥。或傷寒熱病失下。則皆屬熱也。

症狀 「醫學入門」呃逆當分有餘不足。不足者。……其證胃弱面青。肢冷便軟。

有餘者。……其證面紅體熱。便閉。「三因方」凡吐利後多作噦。……或八九聲相連。收氣不回。至於驚人者。「又」噦而心下堅痞。眩悸者。膈間有痰水所爲。「沈氏尊生」熱呃。……必口乾舌燥。面赤便秘。氣呃。……丹田之氣。逆而上行。故呃。……胃寒。手足冷。嘔吐。無熱證。……爲胃寒之候。

### 治法

脾俞三壯 胃俞三壯 中脘七壯 足三里三壯 公孫三壯 如屬火屬實者。宜改灸爲鍼之。「千金」治噦灸承漿七壯。「又」灸臍下四指七壯。「又」噦噦膈中氣

### 治理

閉塞。灸腋聚毛下。附脅宛宛中五十壯。「又」噦噦嘔逆。灸右關百壯。脾俞胃俞爲補脾胃。而助消化。中脘爲和中 足三里爲降逆。公孫爲溫中。而振脾陽。若以痰水停積者。加陰陵泉爲溫脾。理中焦之寒。豐隆爲化痰。若以暴怒氣逆者。加行間爲平肝而降逆。

### 豫後

有良。有不良。

### 死候

「醫學綱目」噦聲頻密相連者爲實。可治。若半時噦一聲者爲虛。難治。多死。死在旦夕。

## 第九節 噦氣

噫氣者。乃胃氣因阻鬱而上升有聲。亦即氣壅而忽通之義。回春所謂婦人噯氣胸緊。連十餘聲不盡。噯出氣。心頭略寬。不噯即緊是也。「說文」飽食息也。

病因

「內經」足太陰之脈胸。是動則病腹脹善噯。「又」寒氣客於胃。厥逆從上下散。復出於胃。故爲噯。「又」太陰病。所謂上走心爲噯者。陰盛而上走於陽明。陽明終屬心。故上走而爲噯也。「沈氏尊生」噯氣一證。總由胃弱不和。三焦失職。經云。寒氣客胃者。必先有火鬱於胃中。又爲客寒所遏。清無所歸。而不得升。濁無所納。而不得降。又或挾痰。或挾食。或挾氣。故隨胸中之氣而上逆也。而致噯之原。更有由脾肺鬱者。有由胃陽虛者。皆當詳察。

症狀

「本事方」心下蓄積痞悶。或作痛。多噯敗卵氣。「脈經」寒在上焦。胸中心滿而噯。「醫學入門」噯氣。轉出食氣也。「又」氣實噯也。食罷噯轉腐氣。甚則物亦噯。……氣虛噯者。濁氣填胸也。不因食常噯者。虛也。

治法

內關<sup>三壯</sup>中脘<sup>七壯</sup>足三里<sup>三壯</sup>三陰交<sup>三壯</sup>內庭<sup>三壯</sup>「千金」噯噦膈中氣閉塞。灸腋聚毛下。附脅宛宛中五十壯。「又」噯噦嘔逆 灸石關百壯。

治理

內關中脘爲解上中二焦之氣結。足三里三陰交內庭爲調和脾胃。挾痰者。加

豐隆以蠲痰。挾食者。加支溝天樞爲通便導積。挾氣者。加膻中氣海爲化鬱而降氣。若因脾肺鬱結者。加尺澤陰陵泉爲瀉脾肺。若因胃陽虛衰者。加上巨虛爲益胃而振陽。

禁忌 不易消化之物品。

豫後 多良。

### 第十節 吞酸吐酸

本證因消化不良。胃酸過多。或憂鬱過度。往往爲其誘因。其病見於婦人者爲夥也。

病因 「丹溪心法」溼熱在胃口上。飲食入胃。被溼熱鬱遏。其食不得傳化。故作酸也。故穀肉在器。久則易爲酸也。「赤水玄珠」內經曰。諸嘔吐酸。皆屬於熱。「又」少陽之勝。嘔酸。夫酸者。肝木之味也。內火勝。制金不能平木。木自甚。故爲酸也。如飲食熱則易於酸矣。是以肝熱則口酸。或言爲寒者。但謂傷生冷硫物而善噫醋吞酸。

症狀 「回春」吞酸者。酸水刺心也。吐酸者。吐出酸水也。「丹溪心法」。吐酸是吐出酸水如醋。

治法 肝俞三分 脾俞三分 胃俞三分 上脘七分 中脘七分 足三里五分行間三分 足臨泣二

分「千金」吐嘔宿汁。吞酸。灸膽募百壯。

治理

上中二脘爲清脾胃之溼熱。足三里爲祛溼。降陽明之氣逆。行間足臨泣爲清肝膽之熱而下行。肝俞脾俞胃俞爲治本。

禁忌

「正傳」吞酸宜節厚味。必蔬食自養。則病易安。

豫後

良。

### 第十一節 嘔吐

「日人山田氏」嘔吐二字。其有自然使然之分。自然者謂之嘔。使然者謂之吐。後世醫家。每以物出無聲者謂吐。聲物並出者謂嘔。或謂嘔者有聲而無物。吐者有物而無聲。今既有物翻出而吐。豈有無聲者乎。茲分胃熱嘔吐。胃寒嘔吐。痰積嘔吐。食積嘔吐。

病因

胃熱嘔吐 「內經」諸嘔吐逆衝上。皆屬於火。

胃寒嘔吐 「巢氏病源」嘔吐者。皆由脾胃虛弱。受於風邪所爲也。若風邪在胃則嘔。鬲間有停飲。胃內有久寒。則嘔而吐。

痰積嘔吐 寒痰逆悶於胸。遇冷卽發嘔也。

食積嘔吐 食物過度。不能消化。以致停滯胃中。哇酸腹滿而發嘔吐也。



## 症狀

胃熱嘔吐 「直指方」……熱而嘔吐。則喜冷惡熱。煩燥中乾。……

胃寒嘔吐 「直指方」寒而嘔吐。則喜熱惡寒。四肢淒清。……

痰積嘔吐 「直指方」……痰水症者。吐沫怔忡。先渴後嘔。……

食積嘔吐 「直指方」……宿食症者。胸腹脹滿。醋悶吞酸。……

## 治法

胃熱嘔吐 脾俞三分 胃俞三分 中脘七分 內關五分 足三里五分 內庭三分 「百症

賦」煩心嘔吐。幽門開徹玉堂明。「行鍼指要歌」或鍼吐。中脘氣海膻中補

。「千金」乾嘔不止。粥食湯藥皆吐。灸間使三十壯。「又」病人乾嘔。灸

心主尺澤佳。又法灸乳下一寸。三十壯。「又」吐逆嘔不得食。灸心俞百壯

。「又」嘔吐逆不得下食。今日食。明日吐者。灸膈俞百壯。「又」吐變不

得下食。灸胸膈百壯。「又」吐逆不得食。灸巨闕五十壯。吐逆食不止。灸

胃脘百壯。「又」吐逆飲食却出。灸脾募百壯。按以下各種嘔吐。均可酌取

本條百症賦。行鍼指要歌。千金之治法。

胃寒嘔吐 取穴同上。惟須改鍼爲灸。「李東垣」吐食不化。取上脘。中脘

。下脘。

痰積嘔吐 同上。加豐隆灸之。「行鍼指要歌」或鍼痰。先鍼中脘三里間。

食積嘔吐 同上。加公孫灸之。「雜病穴法歌」內傷食積鍼三里。璇璣相應塊亦消。

治理

嘔吐既分胃熱與胃寒。然其治療上之區別。則以屬熱者鍼之。屬寒者灸之。所取經穴則一也。中脘爲清胃中之熱。內關爲寬胸。足三里內庭爲降逆平氣。脾俞胃俞爲治本。更有痰積食積之分。痰積者佐豐隆以滌痰。食積者佐公孫內庭以消食。

禁忌

「傷寒論」嘔家有癰膿者。不可治嘔。膿盡自愈。

豫後

良者多。不良者少。

死候

「入門」凡嘔吐大痛。吐出之物。如青菜汁者死。

第十二節 吐血

血由咳嗽而出者。曰咳血。不咳嗽。一咯而出者。曰咯血。由脅腹上逆而出。漉漉有聲者。曰嘔血。俗統言吐血是也。茲分傷食吐血。蓄熱吐血。陽虛吐血。傷酒吐血。病因傷食吐血 「千金方」傷胃吐血者。因飲食大飽之後。胃中冷不能消化。便煩悶。強嘔吐。使所食之物。與氣共上衝蹙。因傷裂胃。蓄熱吐血 「千金方」蓄熱吐血者。熱蓄血中。因而妄行。

陽虛吐血 「千金方」亦有氣虛挾寒。陰陽不相爲守。榮氣虛散。血亦錯行。所謂陽虛陰必走是耳。

傷酒吐血 「金匱翼」傷胃吐血者。酒食通飽。胃間不安。或強吐之。氣脈賁亂。損傷心胃。血隨嘔出也。

症狀 傷食吐血 「千金方」傷胃吐血者。……其證吐血色鮮。正赤。腹亦絞痛。自汗出。

蓄熱吐血 「金匱翼」蓄熱吐血者。其症口鼻皆出。勢如湧泉。膈上熱。胸中滿痛。……精神不倦。或血是紫黑塊者。

陽虛吐血 「金匱翼」陽虛失血者。……外症必有虛冷之狀。其血色必黯黑而不鮮。

傷酒吐血 酒後悶嘔強吐。胃絡受損。血隨嘔吐而出。

治法 傷食吐血 中脘七分 氣海五分 尺澤三分 足三里五分 內庭三分 「醫學綱目」吐血。取風府。大椎。膻中。上脘。中脘。氣海。關元。三里。「得效方」吐血。取大陵。「李東垣」嘔血取上脘。大陵。郄門。神門。「雜病穴法歌」吐血尺澤功無比。「千金」吐血振寒噤乾。大淵主之。「又」嘔血。大陵及

郄門主之。「又」嘔血上氣。神門主之。「又」內傷唾血不足。外無膏澤。刺地五會。「又」虛勞吐血灸胃管三百壯。亦主勞嘔逆吐血。少食多飽。多唾百病。「又」吐血唾血。灸胸堂百壯。「又」吐血酸削。灸肝俞百壯。「又」吐血腹痛雷鳴。灸天樞百壯。「又」吐血唾血。上氣咳逆。灸肺俞隨年壯。「又」吐血嘔逆。灸大陵五十壯。按其他吐血。亦宜參閱本條前人之治法。

蓄熱吐血 上腕七分 尺澤三分 魚際二分 曲泉五分 行間三分

陽虛吐血 中腕七壯 臍俞三壯 太淵三壯 氣海七壯 三陰交三壯

傷酒吐血 中腕七分 尺澤三分 胃俞三分 心俞三分 足三里五分

傷食吐血 中腕爲和中。尺澤爲止血。氣海爲平氣。足三里內庭爲降逆。

蓄熱吐血 上腕爲和中。尺澤魚際爲止血。行間爲行瘀。曲泉爲清血養陰。

陽虛吐血 中腕爲和中。氣海爲補虛。三陰交爲調達三陰經之營衛。太淵爲止血。臍俞爲養血生血。

傷酒吐血 中腕爲化溼。而和中焦。尺澤爲止血。胃俞心俞爲治本。足三里爲平氣降逆。

治理

禁忌

「中醫內科全書」須避房事。並忌食葱蒜煎炒等物。

豫後 不良者多。

死候 「金匱」夫吐血。咳逆上氣。其脈數而有熱。不得臥者死。

### 第十三節 泄瀉

泄瀉。腸病也。大便溏薄而勢緩者爲泄。大便清稀如水而直下者爲瀉。茲分飧泄。腎泄。寒瀉。熱瀉。溼瀉。食瀉。

病因

飧泄 「內經」春傷於風。夏生飧泄。「又」清氣在下則生飧泄。「又」腸中寒則腸鳴飧泄。「金匱翼」飧泄。完穀不化也。脾胃氣衰。不能熟腐水穀。而食物完出。經所謂脾病者。虛則腹滿腸鳴。飧泄食不化是也。又氣在下。則生飧泄者。謂陽氣虛則下陷也。又風氣入脾。亦令飧泄。夫風者木氣也。而行于土中。風性善行。傳化疾速。則熟腐不及。經所謂久風入中。爲腸風飧泄者是也。又脾所生病。爲胸滿嘔逆飧泄者。亦木氣制土所致也。又虛邪舍於腸胃。多寒則腸鳴飧泄。食不化者。土性喜溫而惡寒。多寒則變化無權也。故飧泄之病。約有三端。一曰虛。二曰風。三曰冷。而皆以虛爲本也。亦曰虛泄。

腎泄 「內經」腎泄者。五更溏泄也。腎雖水藏。而中有元陽。爲脾土之母



。「又」腎者主蛰。封藏之本。而開竅於二陰。腎陽既虛。既不能溫養于脾。又不能禁固于下。故遇子後陽生之時。其氣不振。陰寒反勝。則腸鳴奔響作脹。瀉去一二行乃安。積月不愈。或至累年。

寒瀉 「時病論」寒瀉者。因寒致瀉也。致病之原。由寒氣內襲於脾。脾胃受寒則陽虛。虛則不司運用。清陽之氣。不主上升。反下陷而爲便瀉。

熱瀉 「金匱翼」熱瀉者。夏月熱氣。乍乘太陰。與溼相合。一時傾瀉如水之注。亦名暴瀉。內經所謂暴注下迫。皆屬於熱是也。

溼瀉 「金匱翼」溼瀉一名濡泄。由脾胃有溼。則水穀不化。清濁不分。久雨潮溢。或連氣溼土司令之時。多有此疾。內經所謂溼勝則濡泄。左傳所謂雨淫腹疾是也。又水寒之氣。入客腸間。亦令人濡瀉。「內經」太陽之勝。寒客下焦。傳爲濡泄是也。

食瀉 「六科準繩」食瀉因飲食過多。脾胃之氣。不足以運化而瀉。

飧泄 「時病論」飧泄者。……腸鳴腹痛。完穀不化。

腎泄 「直指方」腎泄者。腹痛無定處。似痢。骨弱色鰵。脚下時冷。……「戴復菴」腎瀉者。……令人水瀉不止。其瀉每在五更。天將明時。必洞泄

## 症狀

二三次。以腎旺于亥子五更之時。特故甚也。

寒瀉 「時病論」寒瀉者。……所下澄澈清冷。儼如鴨糞。腹中綿痛。小便清白。

熱瀉 「戴復菴」熱瀉。糞色赤黃。彈響作疼。糞門焦痛。糞出穀道猶如湯熱。煩渴。小便不利。

溼瀉 「時病論」溼瀉者。……瀉水而不腹痛。胸前痞滿。口不作渴。小便黃赤。或腹微痛。大便秘澀。

食瀉 「醫學入門」食瀉者。瀉而腹痛甚。瀉後痛減。臭如抱懷鷄子。酸氣作噫。

### 治法

飧泄 上腕五壯 中腕七壯 天樞五壯 脾俞三壯 胃俞三壯 大腸俞三壯 足三里三壯  
「醫學綱目」飧泄取陰陵泉。然谷。巨虛上廉。太衝。「古今醫鑑」泄瀉三五年不愈。灸百會五七壯即愈。「得效方」泄瀉如水。手足冷。脈欲絕。臍腹痛。漸漸短氣。灸氣海百壯。「雜病穴法歌」泄瀉肚腹諸般疾。三里內庭功無比。「玉龍賦」天樞理感患脾泄之危。「勝玉歌」腸鳴大便時泄瀉。臍旁二寸灸天樞。

腎泄 腎俞三壯 脾俞三壯 中脘七壯 天樞五壯 公孫三壯 太谿三壯

寒瀉 治法與飧泄相同。從略。

熱瀉 中脘七分 天樞五分 大都三分 內庭三分 陰陵泉三分 「張潔古」大渴飲水。多爲滑瀉。水入卽泄。泄而復飲。此無藥治。當灸大椎三五壯。

溼瀉 中脘七壯 脾俞三壯 胃俞三壯 關元三壯 內關三壯 三陰交三壯 水分五壯

食瀉 上脘七分 中脘七分 脾俞三分 胃俞三分。內關五分 足三里五分 隱白一分

### 治理

飧泄 上中二脘爲溫中暖腑。天樞爲治腸胃之寒。脾俞胃俞爲助消化而健運。大腸俞足三里爲補脾胃之氣血。祛胃腹中之寒邪。

腎泄 腎俞爲壯腎陽而生氣。脾俞公孫爲溫脾而健運。中脘天樞爲調節腸胃而止泄。太谿爲益腎。

寒瀉 參閱飧泄條。

熱瀉 中脘爲和中。天樞爲化脾胃之溼。止泄除痛。大都內庭爲泄脾胃之邪熱。而解煩渴。陰陵泉爲清熱。通利小便。

溼瀉 中脘脾俞胃俞爲化溼溫中。關元爲振陽氣。內關爲利溼而寬胸。三陰交爲化溼行溼。溫中下焦之寒冷。水分爲滲溼。而利小便。

食瀉 上中二脘爲攻積而和中。脾胃二俞爲健脾補胃。而助消化。內關爲寬胸。足三里隱白爲補脾益胃。治傷食之腹痛。

禁忌 「中醫內科全書」忌食生冷油膩等物。

豫後 「中醫內科全書」除重症傳染性外。豫後良好。少則數日。多至二星期可愈。惟小兒老人及衰弱者。每易虛脫。臨症時須注意。

死候 「內經」脈細。皮寒。氣少。泄利前後。飲食不入。是謂五虛。死。

#### 第十四節 下痢

糞出不堅也。金匱有嘔吐噦下利病脈證篇。兼包括泄瀉與痢疾而言。後人沿用。專指痢疾。又將利改爲痢字。茲分風痢。寒痢。溼痢。熱痢。噤口痢。水穀痢。休息痢。赤白痢。五色痢。

病因 風痢 「時病論」風痢。……由春令之伏氣。至夏而發。

寒痢 「時病論」寒痢發於夏秋之交。受寒較受暑爲多。因炎熱貪涼。過食生冷。冷則凝滯。脾陽不能運化。清氣不升。脾氣下陷。……

溼痢 「王損庵」痢不外溼熱二字。所受不外陽明經。陽明多氣多血之府。溼陰邪也。溼勝於熱。則傷陽明氣分。爲白痢。

熱痢 「時病論」熱痢多起於夏秋之交。熱鬱溼蒸。人感其氣。內干脾胃。脾不健運。胃不消導。熱挾淫食。醞釀中州。而成滯下。……「王損庵」痢不外溼熱二字。所受不外陽明經。陽明爲多氣多血之府。……熱陽邪也。熱勝於溼。則傷明血分。而爲赤痢。……

噤口痢 「時病論」噤口痢。……緣由脾家溼熱。壅塞胃口。或誤服利藥。犯其胃氣。或止瀉太早。留邪於中。脾胃虛寒。溼邪干犯。或氣機閉塞。熱邪阻隔。或穢積在下。惡氣熏蒸。或肝木所勝。乘其脾胃。或宿食不消。水飲停蓄。皆能使噤口也。……

水穀痢 「時病論」水穀痢。……因脾胃虛寒。虛則不能健運。寒則不能消化。……亦有風木剋土。土虛不運者。……有因勞役過度。脾陽困頓者。……有因下焦無火。不能熟腐者。……

休息痢 「時病論」休息痢。……多因止瀉太早。積熱未盡。或不能節飲食。戒嗜好。亦有過服寒涼。肝脾內傷。元氣下陷。及腎虛不固。……「六科準繩」休息痢多因兜住太早。積不盡除。或因痢愈而不善調理。以致時止時作。



赤白痢 「王損庵」痢不外溼熱二字。所受不外陽明經。陽明爲多氣多血之府。……溼熱俱盛。則爲赤白俱見。「醫學實在易」痢疾。伏邪之爲病也。夏月受非常之小寒。或貪涼而多食瓜果。胃性喜寒。初不覺其病。久則鬱而爲熱。從小腸以傳大腸。大腸喜熱。又不覺其病。至於秋後。或因燥氣。或感涼氣。或因飲食失節。引動伏邪。以致暴瀉。旋而裏急後重。膿血赤血。小腹疼痛。……

五色痢 「時病論」五色痢。……因止瀉太早。或滯熱下之未盡。蘊於腸胃。傷臟氣也。

## 症狀

風痢 「時病論」風痢先泄後痢。……腹痛微痛而後重。似腸風而下清腥。……

寒痢 「時病論」寒痢。……腹痛後重。痢下白色。稀而清腥。

溼痢 「時病論」溼痢有寒熱之分。寒溼痢。腹絛痛而後墜。胸痞悶而不渴。不思穀食。小便清白。或微黃。痢下色白。或如豆汁。……熱溼痢。裏急後重。思飲不多。思食乏味。小便熱澀。痢下赤色。或淡紅焦黃。

熱痢 「時病論」熱痢。……其證裏急後重。煩渴引飲。喜冷畏熱。小便熱

赤。痢下赤色。或如魚腦。稠粘而穢。……

噤口痢 「時病論」噤口痢者。下利不食。或嘔不能食。……

水穀痢 「時病論」水穀痢。糟粕膿血雜下。腹中微痛。登圜頻頻。飲食少

餐。四肢困倦。……

休息痢 「時病論」下痢屢發屢止。久而不愈。面色痿黃。……休息痢也。

赤白痢 「臨證醫典」患者大腸直腸皆腫。……腹部搗痛。而裏急後重。其

所下或白或紅。或紅白並下。

五色痢 「時病論」五色痢。五色膿血相雜而下。……

## 治法

風痢 大杼<sup>三分</sup>合谷<sup>三分</sup>天樞<sup>五分</sup>關元<sup>五分</sup>足三里<sup>五分</sup> 「百症賦」中脘主乎

積痢。 「雜病穴法歌」痢疾合谷三里宜。甚者必須兼中脘。 「靈光賦」百會

龜尾治痢疾。 「李東垣」下痢腹痛。便膿血。取丹田。復溜。小腸俞。天樞

。腹哀。 「又」裏急後重。取合谷。外關。 「醫學綱目」痢不止。取合谷。

三里。陰陵泉。中脘。關元。天樞。神闕。中極。 「又」諸瀉痢皆可灸大都

五壯。商邱。陰陵泉。各三壯。 「千金」泄痢食不消。不作肌膚。灸脾俞隨

年壯。 「又」泄痢久下失氣勞冷。下腰百壯。穴在八魁正中央脊骨上。灸多

尤佳。「又」泄痢不禁。小腹絞痛。灸丹田百壯。「又」久泄痢。百治不瘥。灸足陽明下一寸高骨上陷中。去大指岐三寸隨年壯。按以下各種下痢。擇其相類者。亦可酌取本條前人之治法。

寒痢 天樞五壯 氣海七壯 中膺俞三壯 大都三壯

溼痢 天樞五壯 氣海七壯 中膺俞三壯 足三里三壯 其病若以熱勝於溼者。則宜改灸爲鍼之。

熱痢 合谷三分 中脘七分 天樞五分 大都三分 內庭三分

噤口痢 脾俞三分 胃俞三分 大腸俞三分 中脘七分 天樞五分 關元五分 復溜三分 太谿三分 「千金」泄痢不嗜食。雖食不消。灸長谷五十壯。穴在俠臍相去五寸。又名循際。

水穀痢 脾俞三壯 胃俞三壯 中脘七壯 中膺俞三壯

休息痢 肝俞三壯 脾俞三壯 腎俞三壯 關元三壯 「寶材」治一人休息痢。已半年。元氣將脫。六脈將絕。十分危篤。爲灸命門三百壯。關元三百壯。六脈已平。痢已止。兩脅刺痛。再服草神丹霹靂湯方愈。一月後。大便二日一次矣。

赤白痢 中脘七分 天樞五分 氣海五分 大腸俞三分 小腸俞三分 長強三分 公孫三分 千金泄痢赤白。灸足太陰五十壯。「又」赤白下痢 窮骨以灸數多爲佳。

五色痢 大腸俞三分 氣海五分 天樞五分 足三里五分 「千金」泄注五痢。便膿血。下重腹痛。灸小腸俞百壯。

治理  
風痢 大杼合谷爲解表。而驅風寒。天樞關元爲掃蕩腸中之積垢。足三里爲治肚腹之疼痛。

寒痢 天樞氣海爲驅逐腸中之積滯。溫下焦之寒冷及振陽氣。中膺俞爲止痢。大都爲振脾陽。溫中下焦之寒。

溼痢 天樞氣海爲清腸中之溼熱而止痢。中膺俞爲治本。足三里爲祛溼。而清邪熱。

熱痢 合谷爲清熱。而除煩渴。中脘天樞爲攻積。泄腸胃之邪熱。大都內庭爲健脾益胃。

噤口痢 大腸俞爲通利腸中之積滯。中脘天樞爲化脾胃之溼邪。關元爲調達下焦之氣化。復溜太谿爲利溼化溼。脾俞胃俞爲醒脾快胃。

水穀痢 脾胃二俞爲補脾胃之虛寒而助運化。中脘爲溫中。中膺俞爲止痢。若因下焦虛寒者。則加中極以暖之。

休息痢 肝脾腎三俞爲補虛而治本。關元爲固元氣之下陷。然谷爲溫下元而助腎火。若因積熱未盡。則加大腸俞天樞爲攻積而清熱。

赤白痢 中脘天樞爲攻積滯而化溼熱。氣海爲理下焦之氣化。大小腸俞爲通利腸中之積垢。長強爲治裏急後重而止痢。公孫爲化脾胃之溼熱。

五色痢 大腸俞爲分利腸中之積熱。氣海爲宣下焦之氣化。天樞足三里爲清腸胃之熱。

## 禁忌

「周慎齋」下痢六七日。經盡常有結糞。若至十三日再經。經糞不出者。胃氣告匱也。慎不可攻。攻之則死。「李東垣」大便祕塞。或裏急後重。數至圉而不能便。或少有白膿。或少有血。慎勿利之。利之反鬱結不通。「千金方」凡痢病通忌生冷，酢，滑，猪，羊，鷄，魚，油，乳，酪，酥，乾脯，醬，粉，鹹。所食諸食。皆大熟爛爲佳。亦不得傷飽。此將息之大經也。若將息失所。聖醫不能效。「繆仲淳」痢疾不能食者。攻之則死。有良。有不良。

豫後



### 死候

「內經」腎脈小搏沉爲腸澼下血。血溫身熱者。死。「又」其脈小沉澹。爲腸澼。其身熱者。死。熱見七日。死。「又」腎移熱於脾。傳爲虛腸澼。死。不可治。「仲景」下痢手足厥冷。無脈者。灸之不溫。若脈不還。反微喘者。死。「又」下痢後。脈絕。手足厥冷。晬時而還。手足溫者。生。脈不還者。死。「又」下痢舌黃燥而不渴。胸中實。下不止者。死。「時病論」厥逆冷汗者。死。變成腫脹者。死。發斑躁擾者。死。呃逆不能止者。死。身熱不能除者。死。噤口不食。藥不能開者。死。驟然能食。爲除中者。死。

### 第十五節

#### 黃疸

疸與瘰同。溼熱病之遍體肌膚發黃者。茲分黃疸。酒疸。穀疸。黃汗。女勞疸。虛黃之別。

### 病因

黃疸 「巢氏病源」黃疸之病。此由酒食過度。府藏不利。水穀相并。積於脾胃。復爲風溼所搏。瘀結不散。熱氣鬱蒸。「海藏」凡病當汗而不汗則生黃。當利小便而不利亦生黃。蓋脾主肌肉四肢。寒溼與內熱相合故也。「金匱翼」黃疸。……此爲脾胃積熱。而復受風溼。瘀結不散。溼熱蒸鬱。或傷

寒無汗。瘀熱在裏所致。「醫學入門」凡時行感冒。及伏暑未解。宿食未消。皆能發黃。

酒疸 「巢氏病源」夫虛勞之人。若飲酒多。進穀少者。則胃內生熱。因大醉當風入水。則身目發黃。「金匱翼」酒疸。……由大醉當風入水所致。蓋酒溼之毒。爲風水所遏。不得宣發。則蒸鬱爲黃。

穀疸 「赤水玄珠」穀疸。……此脾胃有熱。因大飢過食。有傷胃氣所致也。

黃汗 「巢氏病源」黃汗之爲病。……此由脾胃有熱。汗出而入水中浴。若水入汗孔中。得成黃汗也。「赤水玄珠」黃汗者。……此由脾胃有熱。汗出爲風所閉。熱結于中。其汗黃也。

女勞疸 「赤水玄珠」女勞疸。大勞淫慾。大熱交接。衽席未幾。遽就浴室所致也。

虛黃 「六科準繩」此證由於內傷勞役。飢飽失時。中氣大傷。脾不化血所致。「張氏醫通」虛黃。由失血後崩後。一切病後。脾胃肺元氣大傷。以致面色痿黃。……「戴復菴」虛黃因諸失血後得之。蓋血爲榮。面色紅潤者。

血榮之也。血去則面見黃色。譬之竹木。春夏葉綠。過秋葉黃。潤與燥之別也。……

### 症狀

黃疸 「內經」身痛而色微黃。齒垢黃。爪甲上黃。黃瘰也。「又」目黃。溺黃赤。安臥者。曰黃瘰。「直指方」已食如飢。但欲安臥。小便如黃藥汁者。曰黃疸。

酒疸 「金匱」心中懊懣而熱。不能食。時欲吐。名曰酒疸。「又」夫病酒黃疸。必小便不利。其候心中熱。足下熱。是其證也。「赤水玄珠」酒疸。身目俱黃。心中懊懣痛。足脛痛。小便赤。面發赤斑。

穀疸 「金匱」穀疸之爲病。寒熱不食。食即頭眩。心胸不安。久久發黃。「赤水玄珠」穀疸食畢即頭眩。心中怫鬱不安。遍身發黃。

黃汗 「金匱」身腫而冷。狀如周痺。胸中窒。不能食。反聚痛。暮躁不得眠。此爲黃汗。「又」黃汗之爲病。身體腫。發熱汗出而渴。狀如風水。汗沾衣。色正黃如藥水。

女勞疸 「金匱」額上黑。微汗出。手足中熱。薄暮即發。膀胱急。小便自利。名曰女勞疸。「赤水玄珠」女勞疸。……以致發熱惡寒。小腹滿急。身

目俱黃也。

虛黃 「沈氏尊生」虛黃者。口淡怔忡。寒熱洩白。耳鳴脚軟。怠惰無力。……

### 治法

黃疸 合谷三分 脾俞三分 胃俞三分 膽俞三分 至陽五分 中脘七分 陰陵泉三分 「百證賦」治疸消黃。諸後谿勞宮而看。「勝玉歌」黃疸至陽便能離。「通玄指要賦」胸結身黃。取湧泉而即可。「又」固知腕骨祛黃。「玉龍賦」至陽却疸。「又」脾虛黃疸。腕骨中脘何疑。「鍼灸大成八脈治症篇」黃疸遍身皮膚面目小便俱黃。先取公孫。次取脾俞。隱白。百勞。至陽。三里。腕骨。「千金」黃疸灸第七椎七壯。按以下各種疸病。宜酌取本條前人之治法。酒疸 合谷三分 列缺一分 大杼三分 內關五分 中脘七分 膀胱俞三分 足三里五分 公孫三分 「鍼灸大成八脈治症篇」酒疸。先取公孫。次取膽俞。至陽。委中。腕骨。

穀疸 脾俞三分 胃俞三分 內關五分 中脘七分 內庭三分  
黃汗 大杼三分 脾俞三分 胃俞三分 至陽五分 中脘七分 陰陵泉三分 大都三分 內庭三分

女勞疸 腎俞三壯 至陽三壯 關元三壯 太谿三壯 「鍼灸大成八脈治症篇」女勞疸身目俱黃。發熱惡寒。小便不利。先取公孫。次取關元。腎俞。至陽。然谷。

虛黃 膏肓三壯 脾俞三壯 至陽三壯 中脘七壯 三陰交三壯

黃疸 合谷爲發汗清熱。脾胃膽三俞爲瀉臟腑之熱。至陽爲清熱而退黃。中脘爲和中散瘀。化脾胃之溼熱。陰陵泉爲滲溼。而利小便。

酒疸 合谷列缺大杼爲解表。而驅風寒。內關爲善掃胸中之苦悶。中脘爲和中而止吐。膀胱俞爲通利小便。足三里公孫爲調和脾胃。

穀疸 脾胃二俞爲瀉臟熱而治本。內關爲除胸煩。中脘爲運化食滯。內庭爲泄胃實而清熱。

黃汗 大杼爲解表驅風。脾胃二俞爲主臟熱。至陽爲清熱退黃。中脘爲和中寬胸。陰陵泉爲利小便。大都內庭爲泄脾胃之熱。

女勞疸 腎俞爲益精補腎。至陽爲清熱退黃。關元爲治小腹之滿急。太谿爲清熱養陰。

虛黃 膏肓爲補虛益精。脾俞爲補脾胃。而助消化。至陽爲清熱消黃。中脘



預後 爲爲和中焦。促進食慾。三陰交爲補三陰之虛損。而生氣血。凡疸病脈滑便堅。年壯氣實者易治。老人虛人脈虛濇便利者難治。「金匱黃

疸病脈證篇」疸而渴者。其疸難治。疸而不渴者。其疸可治。

死候 「脈經」凡黃家。候其寸口脈。近掌無脈。口鼻冷黑色。並不可治。「東醫

寶鑑」形體如烟熏。直視搖頭爲心絕。環口鰲黑。柔汗發黃脾絕。皆不治。

「醫學入門」黃疸以十八日爲期。十日以外。入腹喘滿。煩渴面黑者。死。

## 第十六節 臟脹

臟脹原屬兩病。其腹皮絀急如鼓者曰臌。分水臌。氣臌。其渾身或局部皮肉膨脹者曰脹。分實脹。虛脹。

病因 水臌 本證多由水腫之甚而不愈轉變者。乃因飲冷過度。脾不運輸。腎不利。水鬱於內而不洩。化爲毒質。溢於皮膚。肢體腫脹而大矣。「沈氏尊生」水蠱一證。因水毒之氣。結聚於內。……其原多因他病。久而變成。氣臌 七情鬱結。氣道壅塞不通。以致上不得降。下不得升。留滯中焦。腹部因之臌脹而不利也。

實脹 本證多由生冷食物。留滯胃腸。失其健運。以致溼濁相阻。「內經」

濁氣在上。則生臌脹。

虛脹 本證多由飲食不節。起居不時。日常攝養。失其平態所致。

### 症狀

水臌 「巢氏病源」此由水毒氣結聚於內。令腹漸大。動搖有聲。常欲飲水。皮膚粗黑。如似腫狀。名水蠱也。「回春」惡寒。手足厥冷。瀉水。是水蠱。

氣臌 腹大四肢消瘦。皮色不變。按之即起。氣悶促急。

實脹 先脹於內。後脹於外。小便赤澀。大便秘結。氣色紅亮。聲音高爽。

虛脹 先脹於外。後脹於內。小便清白。大便溏泄。氣色枯白。語言低怯。

### 治法

水臌 水溝三分 脾俞三分 腎俞三分 三陰交三分 復溜三分 「標幽賦」刺偏歷利小便。醫大人水蠱。更能酌取第九章第一節腫病條之水腫治法。

氣臌 中脘七壯 內關三壯 臑中五壯 氣海七壯 足三里三壯 「馬丹陽天星十二訣

—三里氣蠱及諸般。

實脹 脾俞三分 胃俞三分 中脘七分 關元五分 豐隆三分 內庭三分 「玉龍歌」小

腹脹滿氣攻心。內庭二穴要先鍼。「千金」臌脹脅腹滿。灸膈俞百壯。「又

」胸滿心腹積聚痞痛。灸肝俞百壯。「又」脹滿水腫。灸脾俞隨年壯。「又

## 治理

「腹中氣脹引脊痛。多飲食。身羸瘦。先取脾俞。後取季脅。」又「臟腑積聚。脹滿羸瘦。不能飲食。灸三焦俞隨年壯。」又「脹滿雷鳴。灸大腸俞百壯。」又「脹滿氣聚寒冷。灸胃脘百壯。」又「腹滿脹。繞臍結痛。堅不能食。灸水分百壯。」又「脹滿瘕聚滯下痛冷。灸氣海十壯。」又「脹滿氣如水腫狀。小腹堅如石。灸膀胱募百壯。」又「脹滿腎冷。瘕積泄利。灸天樞百壯。按以下虛脹。亦能酌取本條玉龍歌及千金之治法。

虛脹 脾俞三壯 胃俞三壯 天樞五壯 氣海七壯 足三里三壯 公孫三壯

水臌 水溝爲宣泄水液。脾俞爲助脾之運輸。腎俞爲促其分利小便。三陰交復溜爲行溼消腫。

氣臌 中脘爲調和中宮。內關爲寬胸。膻中爲氣疾之要穴。氣海爲升氣降氣而調節上下。足三里爲降逆。

實脹 脾胃二俞爲化脾胃之溼邪。使之健運。中脘爲瀉腑導濁。關元爲鼓舞膀胱之氣化。通利小便。豐隆內庭爲瀉痰濁。通利大便。

虛脹 脾胃二俞爲加強消化機能。增進食慾。天樞爲逐腸中之寒邪。而止瀉泄。氣海爲補虛。而益陽氣。足三里爲益氣而健胃。公孫爲補中。而運脾陽。

禁忌

水臌 「醫學入門」凡水腫。極忌甘藥助溼作滿。「本草」病嗽及水。最宜忌鹽。

氣臌 忌鹽醬一百二十天。

虛脹 凡脹之屬於虛者。不可猛力攻之。

豫後

水臌 「中醫內科全書」本病須早治。若體力已衰者。豫後多不良。

氣臌 善於靜養安悅者良。

死候

脹病 凡脹初起未久。或脹或消。腹皮稍輒。不洩不喘者。則隨治隨愈。

水臌 「直指」蠱脹而肚上有青筋。或腹滿而大便滑泄。或久瘡而變作虛浮。與夫肝傷而脣黑。心傷而缺盆平。脾傷而臍突。腎傷而足心平。肺傷而背平。皆不治之證。「又」卒脣腫而蒼黑者。死。掌腫無紋者。死。臍腫凸出者。死。陰囊陰莖俱腫者。死。脈絕口張。足脹者。死。足跗腫脹如斗者。死。

脹病 凡脹病臍心突起。利後脹急。久病羸乏。喘急不安。甚至腹現青筋。爪甲青腫。頭面蒼黑。嘔吐頭重。上喘下泄。或便血者。皆不治。

第十七節

癥瘕

「沈氏尊生」癥者徵也。以腹中堅硬。按之應手。其病形有可徵驗也。瘕者假也。假血成形。腹中雖硬。其實聚散無常也。茲分食癥。血癥。食瘕。血瘕之別。

病因 食癥 「沈氏尊生」……其有臟腑虛弱。好食生冷粘滯之物。脾胃不能剋化。遂其腸氣相搏。結積成塊。日漸長大。堅固不移。此謂之食癥。

血癥 「沈氏尊生」其有臟腑虛弱。寒熱失節。或風冷內停。飲食不化。周身運行之血氣適與相值。結而生塊。或因跌撲。或因閃挫。氣凝而血亦隨結。經絡壅瘀。……「薛立齋」氣主噓之。血主濡之。脾統血。肝藏血。故鬱結傷脾。素怒傷肝者。多患血癥。

食瘕 食物過度。脾胃虛弱。以致消化失職。而成斯症。

血瘕 飲食不節。寒暖失常。脾胃之氣化先虛。又復多所勞傷。外而感受風寒。正邪相搏。乃正氣虛而邪氣實。游行之血液。相聚而結也。

### 症狀

食癥。腹中結塊。牢固不移。按之應手。面黃少納。肌瘦神倦。

血癥 「沈氏尊生」……血且不散成塊。心腹怯脅間苦痛。漸至羸瘦。妨於飲食。此謂之血癥。

食瘕 少腹部有塊攻衝。游走無定。或散或聚。或痛或脹。或噯氣而嘔吐。



血瘕 「沈氏尊生」血瘕留著腸胃之外。及少腹間。其若橫骨下。有積氣。牢如石。因而少腹結痛。陰中若有冷氣。亦或背脊疼。腰疼不可俯仰。

治法

食瘕 脾俞三壯 胃俞三壯 中脘七壯 氣海七壯 足三里三壯 公孫三壯 「醫學綱目」瘕瘕積塊。先於塊上鍼之。甚者又於塊首一鍼。塊尾一鍼。立應。鍼訖。灸之。又灸三里。「得效方」瘕瘕。灸足踝後宛宛中。灸隨年壯。又灸氣海百壯。中脘二百壯。「張子和」治一童子。入門狀如鞠躬而行。張曰。此瘕氣也。令解衣揣之。二道如臂。其家求療。先刺其左。如刺重紙。剝然有聲。而令按摩之。立軟。其右亦然。觀者嗟異。或問之曰。石關穴也。「千金」久冷及婦人瘕瘕。腸鳴泄利。繞臍絞痛。灸天樞百壯。按以下瘕瘕病。俱宜參閱本條前人之治法。

血瘕 膈俞三壯 肝俞三壯 脾俞三壯 中脘七壯 章門三壯 行間三壯

食瘕 脾俞三壯 胃俞三壯 中脘七壯 內關三壯 氣海七壯 足三里三壯 大都三壯

血瘕 大杼三壯 脾俞三壯 胃俞三壯 膈俞三壯 中脘七壯 中極三壯 血海三壯 行間

三壯

治理

食瘕 脾胃二俞爲助運化。增進食慾。中脘爲攻擊。氣海足三里爲調氣降逆

公孫爲消食散結。

血癥 肝脾二俞爲治本。膈俞爲血病之要穴。中脘爲和中攻堅。章門爲治脅肋部之痞脹成塊。行間爲破血行瘀。

食癥 脾胃二俞爲助消化。中脘爲和中導濁。內關爲寬胸止嘔。氣海爲調達少腹之氣化。足三里大都爲益脾胃而降逆。

血癥 大杼爲解散風寒。脾胃二俞爲補脾胃之虛弱。膈俞血海爲統治一切之血症。中脘爲和中攻堅。中極行間爲行瘀。而破血結。

豫後

癥病 大便溏薄。四肢浮腫。飲食少進。不任攻或補者。不良。

瘕病 能禁止鬱怒。和氣怡悅。飲食調攝者良。

死候

「沈氏尊生」仲景曰。積聚癥瘕不轉動者難治。必死。

#### 第十八節 五積

積之在五臟者。名曰心積。肝積。脾積。肺積。腎積。

病因 心積 心經氣血結滯。礙難流暢所致。「難經」腎病傳心。心當傳肺。肺以秋適之。二者不受邪。心欲復還腎。腎不肯受。故留結爲積。故知伏梁以秋庚辛日得之。

肝積 肝臟逆氣與瘀血相併而成。「難經」肺病傳於肝。肝當傳脾。脾季夏適王。王者不受邪。肝復欲還肺。肺不肯受。故留結爲積。故知肥氣以季夏戊己日得之。

脾積 脾臟衰弱。運化失職。寒邪痰飲積聚而成。「難經」肝病傳脾。脾當傳腎。腎以冬適王。王者不受邪。脾復欲還肝。肝不肯受。故留結爲積。故知痞氣以冬壬癸日得之。

肺積 肺氣鬱結。礙於通利。痰濁因之不化。結聚而成。「難經」心病傳肺。肺當傳肝。肝以春適王。王者不受邪。肺復欲還心。心不肯受。故留結爲積。故知息賁以春甲乙日得之。

腎積 腎氣虛衰。寒邪乘虛而入。或由色慾過度。交媾不節。復感風寒而成。「難經」脾病傳腎。腎當傳心。心夏適王。王者不受邪。腎欲復還脾。脾不肯受。故留結爲積。故知奔豚以夏丙丁日得之。

## 症狀

心積 臍旁或臍上。塊大如臂。伏而不動。久則令人煩心。夜臥不安。甚則身體及脛股俱腫。難於動作而痛。「難經」心之積。名曰伏梁。起臍上。大如臂。上至心下。久不愈。令人病煩。……「巢氏病源」……起於臍上。大

如臂。診得心積脈沈而扎。時上下無常處。病腹中熱而咽乾。心煩掌中熱。甚卽唾血。身癢癢。夏瘥冬劇。……

肝積 左脅下塊如覆杯。有足似龜。久則咳嘔氣逆。「難經」肝之積名曰肥氣。在左脅下如覆杯。有頭足。久不愈。令人發咳逆瘖瘡。連歲不已。

脾積 當脘脹痛。納則更甚。塊覆如盤。飲食不爲肌膚。面黃少潤。「難經」脾之積名曰痞氣。在胃脘。覆大如盤。久不愈。令人四肢不收。發黃疸。飲食不爲肌膚。

肺積 寒熱喘咳。背痛嘔逆。呼吸不利。右脅覆塊大如杯狀。「難經」肺之積。名曰息賁。在右脅下。覆大如杯。久不已。令人灑淅寒熱。喘咳發肺壅。「靈樞筋篇」成息賁脅急吐血。「又」支轉筋前及胸痛。息賁。「本藏篇」脅悞爲息賁。

腎積 少腹有塊。如豚之時上時下。甚則噎咳氣逆。痛引心胸。「難經」腎之積。名曰奔豚。發於少腹上至心下。若豚奔走之狀。上下無時。久不愈。令人喘逆。骨萎少氣。

## 治法

心積 少衝三壯 中脘七壯 下脘五壯 內關三壯 三陰交三壯 行間三壯 足三里三壯

「甲乙經」伏梁。取上脘。三里。「千金」積聚堅滿。灸章門百壯。「又」心下堅。積聚冷脹。灸上脘百壯。「又」積聚堅大如盤。冷脹。灸中脘百壯。按以下各種積病。亦宜參閱本條千金之治法。

肝積 肝俞三壯 章門三壯 上脘五壯 氣海七壯 行間三壯

脾積 脾俞三壯 痞根七壯 中脘七壯 豐隆三壯 大都三壯 內庭三壯

肺積 肺俞三壯 太淵三壯 上脘五壯 章門三壯 豐隆三壯 氣海七壯 足三里三壯 「

甲乙經」息賁。取巨闕。期門。

腎積 腎俞三壯 中脘七壯 氣海七壯 足三里三壯 湧泉五壯 「甲乙經」奔豚。取

玉泉（即中極穴）。章門。「得效方」奔豚上氣。心痛欲絕。急以溫湯浸手足。數數易之。仍灸氣海。關元。期門。章門。各百壯。中極五十壯。

### 治理

心積 少衝爲活血散結而行氣。中下二脘爲直入病灶。疏通凝滯。內關爲寬胸解煩。三陰交行間爲行瘀破結。足三里爲調氣降逆。

肝積 肝俞爲疏肝氣之橫逆。而解鬱結。章門爲直入病灶。而攻積塊。上脘爲調中焦之氣化。氣海爲理氣。行間爲破瘀行血。

脾積 脾俞爲益脾氣。而助運化。痞根爲治積聚痞脹之要穴。中脘爲攻堅。



和中理胃。豐隆爲消痰濁之凝結。大都內庭爲行脾胃之積氣。

肺積 肺俞太淵爲宣肺氣之鬱結。上脘爲和中理胃。章門爲攻堅而散結。豐隆爲化痰濁。氣海足三里爲調氣降逆。

腎積 腎俞爲補腎益精。中脘爲和中。氣海爲理氣。足三里爲降逆而止奔。湧泉爲補腎陽。而益精氣。並引逆下行。

豫後 心積 不良。其餘良者爲多。

死候 心積 「巢氏病源」唾膿血者死。「又」其脈牢強急者生。虛弱急者死。「素問腹中論」……裏大膿血。居腸胃之外。不可治。治之每切按之致死。

## 第十九節 肝氣

「中醫內科全書」肝臟爲人體最大之腺體。有調節血液循環之能力。其體陰。靜而有守。故善於謀慮。其用陽。動而有爲。故善於沸怒。內經稱爲將軍之官。不亦宜乎。

病因 「中醫內科全書」鬱而不舒爲肝氣。……肝氣大抵由於血液不足。致經絡虛氣脹。婦女及勞心過度者多患之。

症狀 「中醫內科全書」胸膈痛悶而迫胃嘔吐。或腹中攻擾而迫腸泄瀉。此爲肝氣之證也。

治法

肝俞三壯 內關三壯 章門三壯 中脘七壯 足三里三壯 行間三壯

治理

肝俞行間爲疏肝氣之鬱結。內關爲寬胸。而治嘔吐。章門爲止肝氣之橫逆。中脘爲和中。足三里爲調節胃腸。

禁忌

「內經」肝病禁當風。

豫後

多良。

死候

「靈樞」足厥陰氣絕。則筋絕。厥陰者。肝脈也。肝者。筋之合也。筋者。聚於陰器。而絡於舌本也。故脈不榮。則筋急。筋急則引舌與卵。故唇青舌卷卵縮。則筋先死。庚日篤。辛日死。「又」厥陰終者。中熱噤乾。善尿。心煩。甚則古卷卵上縮而終矣。「脈經」肝絕八日死。何以知之。面青但欲伏眠。目視而不見人。出汗如水不止。

## 第二十節 肝風

參閱上節肝氣條。

病因

「中醫內科全書」肝之性急善怒。能達則順。不能達則鬱。鬱則火動而諸病生。肝風爲肝邪上逆。有風動之象。肝陽乃肝風之輕者也。

症狀

「中醫內科全書」肝風肝陽。其證皆頭部昏眩或痛。耳目不清。甚則心煩作

噁。心跳心蕩。但肝陽乃肝風之輕者。有上升之象也。

治法

肝俞三分 風池三分 頭維三分 太陽三分 內關五分 神門三分 行間三分 「行鍼指要歌」或鍼風。先向風府百會中。

治理

肝俞爲疏洩肝邪。風池頭維太陽爲治頭部之眩暈或疼痛。並治耳目不清。內關爲寬胸止噁。神門爲寧心。而除驚悸。行間爲散肝鬱而息風。

禁忌

參閱上節肝氣條。

豫後

多良。

死候

參閱上節肝氣條。

## 第二十一節 便秘

大便秘結不通也。茲分虛秘。實秘。風秘。冷秘。氣秘。熱秘之別。

病因

虛秘 「金匱翼」虛秘者有二。一以陰虛。一以陽虛也。凡下焦陽虛。則陽氣不行。陽氣不行。則不能傳送。而陰凝於下。下焦陰虛。則精血枯燥。精

血枯燥。則津液不到。而腸藏乾槁。……「聖濟總錄纂要論」……或因病後

重亡津液。或老弱血氣不足。是謂虛秘。……

實秘 「金匱翼」……實秘者。胃實而秘。東垣所謂胃氣實者秘物。胃氣虛

者。祕氣是也。……

風祕 「金匱翼」……風祕者。風勝則乾也。由風搏肺藏。傳於大腸。津液燥澀。傳化則難。或其人素有風病者。亦多有祕。或腸胃積熱。久而風從內生。亦能成祕也。……「聖濟總錄纂要論」……若風氣壅滯。腸胃乾澀。是謂風祕。……

冷祕 「金匱翼」……冷祕者。寒冷之氣。橫於腸胃。陰凝固結。陽氣不行。津液不通。而氣閉塞。……「聖濟總錄纂要論」……下焦虛冷。窘迫後重。是謂冷祕。……

氣祕 「金匱翼」……氣祕者。氣內滯而物不行也。

熱祕 「金匱翼」……熱祕者。熱搏津液。腸胃燥結。傷寒熱邪傳裏。及腸胃素有積熱者。多有此疾。……「聖濟總錄纂要論」……胃蘊客熱。口糜體黃。是謂熱祕。……

## 症狀

虛祕 其人少氣不足。小便清白。大便不實而難出。時有屁陷。  
實祕 「沈氏尊生」……實祕者。善飲食。小便赤。  
風祕 喘咳氣逆。形寒肢冷。大便難而胸腹痞滿。

冷祕 「沈氏尊生」有出冷祕者。面色白而黑。……小便清白。時欲得熱。

……

氣祕 「金匱翼」……氣祕者。……其人多噫。心腹痞悶。脅肋脹。

熱祕 「金匱翼」熱祕者。……其症面赤身熱。腹中脹悶。時欲喜冷。或口生瘡。……

### 治法

虛祕 大腸俞三分 支溝三分 豐隆三分 此指陰虛而言之。若陽虛者。宜改鍼而灸之。「雜病穴法歌」大便虛祕補支溝。瀉足三里效可擬。「玉龍賦」照海支溝通大便秘。「席弘賦」大便閉澀大敦饒。「行鍼指要歌」或鍼結。鍼著大腸泄水穴。「千金」大便難。灸第七椎兩傍各一寸。七壯。又灸承筋各三壯。「又」大便不通。灸俠玉泉相去各二寸。名曰腸遺。隨年壯。又灸大敦四壯。「又」大便秘塞。氣急心堅滿。灸石門百壯。「又」後祕不通。灸足大都隨年壯。按以下各種便秘。宜統參閱本條各歌賦及千金之治法。

實祕 支溝三分 中脘七分 天樞五分 足三里五分 大敦一分 內庭三分

風祕 風門三分 支溝三分 大腸俞三分 氣海五分 豐隆三分 照海三分 足三里五分

冷祕 支溝三分 胃俞三壯 大腸俞三壯 中脘七壯 關元三壯 三陰交三壯



氣祕 支溝三分 長強三分 中脘七分 氣海五分 內庭三分 大敦一分 「雜病穴法歌」熱祕氣祕先長強。大敦陽陵堪調護。

熱祕 支溝三分 胃俞三分 大腸俞三分 天樞五分 中脘七分 豐隆三分 大敦一分 內庭三分 並須參閱上條雜病穴法歌之治法。

虛祕 大腸俞爲治大腸之積滯。支溝豐隆爲通利便祕。若以陰虛者。更宜加氣海爲補虛而壯水。則涇渭自通。太谿湧泉爲益腎滋陰。使之暢利。若以陽虛者。則加神闕爲益下焦之陽氣。陰凝自化。足三里爲推動傳送之力。

實祕 支溝大敦爲通便潤腸。中脘爲瀉腑導濁。天樞爲通腸逐穢。足三里內庭爲瀉胃中之實邪。

風祕 支溝豐隆照海爲治大便秘結。大腸俞氣海爲宣氣化而潤腸。足三里爲泄腸胃之積熱。使逆氣下降。風門爲疏風而治本。

冷祕 支溝爲滋潤大便。胃俞大腸俞爲振胃腸之陽氣。而逐寒冷。中脘爲溫中暖腑。關元爲振下焦之陽氣。三陰交爲理肚腹之寒。

氣祕 支溝爲統治便祕之要穴。長強爲直達肛門。使之暢通。中脘氣海爲調節中下焦之氣化。內庭爲疏通腸胃之氣滯。大敦爲利大便。而降肝逆。

熱祕 支溝大敦爲通便潤腸。胃俞大腸俞天樞爲清胃腸之熱邪。中脘爲清胃熱。解腹中之煩悶。豐隆內庭爲清胃腑之實熱。

預後

「中醫內科全書」若未呈腸管潰瘍腹膜炎腸閉等症。其預後則良。

## 第二十二節 便血

血由大便而出也。

病因

「內經」陰絡傷則血內溢。血內溢則後血。「醫學入門」便血。……皆因七情六淫。飲食不節。起居不時。或坐臥溼地。或醉飽行房。或生冷停寒。或酒麵積熱。以致榮血失道。滲入大腸。而爲便血。「張氏醫通」血之在身。有陰有陽。陽者順氣而行。循流脈中。調和五藏。洒陳六府。如是者謂之營血也。陰者居於絡脈。專守藏府。滋養神氣。濡潤筋骨。若是藏感內外之邪傷。則循經之陽血。至其傷處。爲邪氣所阻。漏泄經外。或居絡之陰血。因著留之邪。擗裂而出。則皆滲入腸胃而泄矣。世俗每見下血。率以腸風名之。不知風乃六淫之一耳。或有風從腸胃經絡而入客者。或外淫風木之邪。內乘於腸胃者。則可謂之腸風。若其他不因風邪。而腸胃受火熱二淫。與寒熱燥溼。怫鬱其氣。及飲食不節。用力過度。傷其陰絡之血者。亦謂之腸風可。

乎。「金匱翼」結陰使血者。以風冷之邪。結于陰分而然。蓋邪在五臟。留而不去。是之謂結陰。邪內結不得行。則病歸血分。故爲使血。經曰。結陰者。便血一升。再結二升。三結三升。正此之謂也。「滑伯仁」所謂腸風臟毒者。腸風則足陽明積熱。久而爲風。風以動之也。臟毒則足太陰積熱。久而生溼。從而下流也。風則陽受之。溼則陰受之。「沈氏尊生」臟毒將由大腸血熱。或不素善食辛燥煎燂之物而成病也。

### 症狀

「血證論」臟毒者。肛門腫硬。疼痛流血。與痔漏相似。……腸風者。肛門不腫痛。而但下血耳。臟毒下血多濁。腸風下血多清。「六科準繩」下血腹中不痛。謂之溼毒。下血血色不鮮。或紫黑。或如豆下。下血腹中痛。謂之熱毒。下血血色鮮。「張氏醫通」腸風所下之血。清而色鮮。四射如濺。

### 治法

大腸俞三分長強三分承山七分若因腸風下血者。則加血海三陰交爲清血熱。足三里內庭爲泄陽明之熱邪。若因臟毒下血者。則加陰陵泉爲利太陰之溼邪。若以他因而致下血者。則據其病原而施治之。「百症賦」刺長強與承山。善主腸風新下血。「勝玉歌」痔疾腸風長強欺。「資生經」下血不止。量臍心與脊骨平。於脊骨上灸二壯卽愈。一千金「大便下血。灸第二十椎。隨年

壯。

治理

大腸俞爲驅逐腸中之積熱。有風則風不致動。有溼則溼不致生。長強爲止血。消肛門之腫炎。承山爲泄溼熱。兼治便血。

禁忌

「中醫內科全書」忌食煎炒等物。

豫後

「中醫內科全書」若因腸結核腸癌腫等而使血。其豫後多不良。便血過多。足以立斃。

死候

「內經」腹脹便血。脈大時絕者。死。

第二十三節

腸癰

腸癰者。乃腸內生癰也。茲分大腸癰。小腸癰。

病因

大腸癰 醉酒入房。淫慾無度。精力內損。兼之生冷雜進。以致氣血乖違。溼動痰生。腸胃痞塞。運化不通。凝滯而成。

小腸癰 男子醉飽入房。精損過度。或因暴奔走急。腸胃輸送失利。血濁因之不散。兼又生冷並進。腸胃痞塞。氣血凝滯。婦女則產後體弱。久臥不起。或臨蓐艱難。用力過度。或瘀血內阻而成。

症狀

大腸癰 初起發熱。惡風自汗。身皮甲錯。腹痛拒按。右足屈不能伸。精神

衰頹。飲食乏味。自汗盜汗。面色萎黃。四肢懈怠。不得安臥。「靈樞」天樞隱隱痛者。大腸疽。其上肉微起者。大腸癰。

小腸癰 小腹重強。按之則痛。小便如淋。汗出惡寒。皮膚甲錯。腹脹腫大。轉側有水聲。甚或繞臍有瘡。膿由臍出。或從大便而下。左足不能伸。「靈樞」關元隱隱痛者。小腸疽。其上肉微起者。小腸癰。

治法 大腸癰 腎俞三壯 大腸俞三壯 天樞五壯 三陰交三壯 豐隆三壯 內庭三壯 行間三壯  
「千金」腸癰屈兩肘。正灸肘頭銳骨各百壯。下膿血卽瘥。按以下小腸癰亦可酌取本條千金之治法。

治理 小腸癰 腎俞三壯 膈俞三壯 小腸俞三壯 關元三壯 足三里三壯 太衝三壯  
大腸癰 腎俞爲補腎益精。大腸俞爲治本。天樞爲直入病灶而散結。三陰交爲化溼。豐隆爲消痰。內庭爲疏腸胃之氣。行間爲行瘀。

小腸癰 腎俞爲固精益腎。膈俞爲散血濁之內阻。小腸俞爲治本。關元爲直入病灶而散結。足三里爲調節胃腸之輸送。太衝爲行瘀。

禁忌 凡大小腸癰。切不可驚。驚則腸斷。

豫後 「中醫內科全書」本病往往併發腹膜炎腸穿孔自家中毒等危症。尤宜注意。



## 死候

慢性症經過極緩。豫後亦不良。惟原因爲宿便者。大抵良好。

「千金方」凡腸癰。其狀兩耳輪文理甲錯。初患腹中苦痛。或繞臍有瘡。如粟皮。熱便膿血出。似赤白下。不治。必死。「張氏醫通」若膿從臍中出者。爲盤腸癰。多不治。

## 第二十四節 蟲病

此言蟲病。乃九蟲中之一種虬蟲。其爲人體最大之寄生蟲。色紅。亦有白者。狀類蚯蚓而無環節。呈圓柱形。惟兩端甚尖。分雌雄。雌者長尺許。雄者較短耳。

## 病因

「內經」飲食者。皆入於胃。胃中有熱則蟲動。蟲動則胃緩。胃緩則涎出。「幼幼集成」大蟲病者。虬蟲也。蓋由小兒脾胃虛弱。多食甘肥生冷。留而爲積。積化爲蟲。「巢氏病源」虬蟲者。……或因藏府虛弱而動。或因食甘肥而動。

## 症狀

「巢氏病源」虬蟲者。……動則腹中痛。發作腫聚。行來上下。痛有休止。亦攻心痛。口喜吐涎及清水。「曾世榮」虬蟲動痛。口吐清水涎沫。或吐出蟲。痛不堪忍。「日人山田氏」蟲痛啼哭。俛仰坐臥不安。自按心腹。時時大叫。面色青黃。脣色兼白。目無精光。口吐涎沫也。「醫學入門」凡蟲證

眼眶鼻下青黑。面色萎黃。臉上有幾條血絲。如蟹爪分明。「又」面上白斑。唇紅能食。心嘈顏色不常。臉上有蟹爪路者。便有蟲也。

治法

脾俞三分 胃俞三分 大腸俞三分 中脘七分 內庭三分 大都三分

治理

脾胃 俞爲促進消化。祛胃中之積熱。大腸俞爲驅逐腸中之積滯。中脘爲攻中焦之積熱。而除蟲痛。內庭大都爲補脾胃之虛弱。若以臟腑虛弱而致者。或以多食甘肥而動者。則須改鍼爲灸之。

禁忌

「醫學入門」凡蟲病忌用甘草。蓋蟲聞甘則起。

豫後

戒除甘味生冷者良。

第二十五節

痔病

本證在肛門內外四旁。忽生紅瘰。先癢後痛。多因素有溼熱。過食煎燂厚味。或因醉飽入房。筋脈橫解。精氣脫泄。熱毒乘虛流注。或因淫極強固其精。以致木乘火熱而反侮金。或因擔負重物。竭力遠行。氣血縱橫 經絡交錯。或因陰虛火熾。或婦人臨產用力過甚。血逆肛門。均能致之。查痔病之名稱約數十種。茲惟採痔瘡。痔漏。病因 痔瘡 素多溼熱之人。過食煎燂厚味。爲飲食熱毒積滯腸中。或縱慾過度。精氣脫泄。熱毒乘虛流注。氣隨下陷。又或勞力重負。氣血橫逆。以及婦人

臨蓐太過。肛門受傷。俱足致此病。

痔漏 病由痔瘡既潰之後。復服苦寒藥物。脾元日損。因此肌肉難生。或用刀鍼藥線。鉛丸利剪。使良肉受損。或施用藥繩。插拔入出。致將瘡肉周圍之新肉。磨擦成管。則漏成矣。

## 症狀

痔瘡 病初肛門周圍生有紅瘰。或癢或痛。漸至成瘡。有生肛門之內者。有生於肛門之外者。其形不同。其糞由痔中出者爲內痔。痛苦難忍。糞由肛門偏而出者爲外痔。痛苦較少。

痔漏 始由肛門淡紅微腫。或生小核。久則上槁而白。內則黑爛。淫蟲惡臭。污穢不堪。血水時流。終年不愈。真陰內耗。往往變爲勞瘵。

## 治法

痔瘡 二白三分 腎俞三分 大腸俞三分 脾俞三分 長強三分 承山七分 太谿三分 「靈樞經」痔取足太陽（承山）。取督脈（長強）。「甲乙經」痔痛取承筋。飛揚。委中。承扶。攢竹。會陰。商丘。「醫學入門」治諸痔及腸風。取脊十四椎下。各開一寸。灸之。久痔尤效。「千金」久冷五痔。灸脊中百壯。「父」五痔便血失屎。灸回氣百壯。穴在脊窮骨上。

痔漏 二白三分 脾俞三分 腎俞三分 長強三分 承山七分 公孫三分 「肘後歌」五

痔原因熱血作。承山須下病無蹤。「玉龍賦」二白醫痔漏。「又」長強承山。灸痔最妙。

### 治理

痔瘡 二白爲治痔瘡之要穴。承山爲化脾胃之溼熱。長強爲直達肛門而止痛。腎俞爲固精而補腎。脾俞爲化溼。大腸俞爲逐腸中之積垢。太谿爲利溼。痔漏 二白承山爲主痔漏。脾俞爲補脾胃之元氣。而生新肌。腎俞爲益腎陰。長強爲直入肛門。消炎除臭。公孫爲補中。而運脾陽。

### 禁忌

凡痔病。宜戒房事。忌河豚海腥辛辣椒酒。以及發物等。

豫後 若久患痔而卽咳嗽者。取效甚難。久病咳嗽而後生痔者。亦多致不愈。

## 第六章

### 循環器病

#### 第一節

##### 怔忡

怔忡爲恐懼之貌。亦卽西醫之名曰恐怖症。其實則爲神經衰弱之一種。六科準繩謂悸卽怔忡。其說未必確當。蓋悸乃心臟之自覺證。茲分氣虛怔忡。血虛怔忡之別。

### 病因

氣虛怔忡 陽氣內微。心氣不寧。五臟不足。心下空虛使然。

血虛怔忡 陰血內虛。虛火妄動使然。

### 症狀

氣虛怔忡 「戴復菴」怔忡者。心中跳動不安。惕惕然如人將捕者是也。「

綱目「怔忡。惕惕然心動而不寧。無時而作者是也。

血虛怔忡 血少心跳。夢中如墮巖崖。忽身跳動。

## 治法

氣虛怔忡 神門三壯 中脘七壯 氣海七壯 足三里三壯 「玉龍賦」心悸虛煩刺三里。「又」通里療心驚而即瘥。「百症賦」驚悸怔忡。取陽交解谿勿誤。

血虛怔忡 膈俞三壯 肝俞三壯 通里三壯 關元三壯 三陰交三壯

## 治理

氣虛怔忡 神門爲安神。而除心跳。中脘爲填中焦之空虛。氣海爲益下焦之陽氣。足三里爲益氣生血。

血虛怔忡 膈俞肝俞爲補氣血。兼養血生血。通里爲寧志而安神。關元三陰交爲生氣血而益虛。

## 禁忌

多勞多慾。多思多慮。

豫後 能養氣養心。滋培根本者良。

## 第七章

### 血液及脾病

#### 第一節 瘀血

瘀血者。別稱蓄血。血液凝結不行。言其如溝渠之不通。污穢填塞也。茲分內傷蓄血。痰滯蓄血。傷損蓄血。婦女蓄血之別。



### 病因

內傷蓄血 「六科準繩」夫人飲食起居。一失其宜。皆能使血瘀滯不行。故百病由汚血者多。

痰滯蓄血 先有鬱痰。後有血滯。痰血相搏。或失血氣滯。日久生痰而成。傷損蓄血 「張氏醫通」登高墜下。重物撞打。箭簇刀傷。胸腹積血不散。

……

婦女蓄血 「巢氏候論」此或月經否澀不通。或產後餘穢未盡。因而乘風取涼。爲風冷所乘。血得冷則結成瘀也。

### 症狀

內傷蓄血 胸脅苦滿。小腹拘急而痛。

痰滯蓄血 胸中脹悶。身體寒熱。患處按之痛而不移。或吐血。或衄血。甚則大便焦黑。

傷損蓄血 損傷處積血不散。按之奇痛。甚則引及胸脅。

婦女蓄血 寒熱往來。腹痛拒按。皮膚甲錯。面色萎黃。身體消瘦。

### 治法

內傷蓄血 膈俞<sup>三壯</sup> 內關<sup>三壯</sup> 中脘<sup>七壯</sup> 章門<sup>三壯</sup> 關元<sup>三壯</sup> 足三里<sup>三壯</sup> 三陰交<sup>三壯</sup>

痰滯蓄血 膈俞<sup>三壯</sup> 中脘<sup>七壯</sup> 豐隆<sup>三壯</sup> 足三里<sup>三壯</sup> 太衝<sup>三壯</sup>

傷損蓄血 章門三壯 足三里三壯 行間三壯 更宜於傷損處鍼灸之。

婦女蓄血 氣海七壯 中極三壯 地機三壯 三陰交三壯

治理 內傷蓄血 膈俞爲統治血症之要穴。內關爲寬胸解悶。中脘爲調節中宮。章

門爲治脅肋之苦滿。關元爲散少腹之血結。足三里三陰交爲和脾胃而破瘀。痰滯蓄血 膈俞爲統治血症。中脘豐隆足三里爲化痰。掃除胸中之脹悶。太衝爲行瘀養血。

傷損蓄血 章門爲治胸脅之引痛。足三里行間爲破瘀血。

婦女蓄血 氣海中極爲治惡露之不行與血結成塊。地機三陰交爲通經行瘀而生血。

豫後 神氣安靜者良。

死候 若見大便下黑如漆。神志昏憤。或厥冷呃逆者。俱不能治。

## 第二節 血虛

本證多由房勞不節。思慮過度。致傷心腎。其在男子則吐血瀉血。婦人則產後崩漏所致。西醫稱曰貧血是耳。

病因 「內經」氣之所并爲血虛。「沈氏尊生」血虛者。心肝二氣虛也。得之吐血

瀉血。女人產後或崩漏。或諸血失道妄行。「醫學入門」房勞思慮傷心腎。則陰血虛。

症狀 「中醫內科全書」目花頭暈。朝涼暮熱。皮膚甲錯。面白無色。甚則成乾血勞。

治法 膈俞三壯 肝俞三壯 腎俞三壯 足三里三壯 三陰交三壯 太衝三壯 「百症賦」少商曲澤。血虛口渴同施。

治理 膈俞爲養血生血。腎俞爲益精。而補腎陰。足三里爲益氣生血。三陰交爲補三陰之虛損。太衝爲養肝而補血。

禁忌 「內經」鍼走血。血病無多食鍼。「又」久視傷血。凡血少血虛人。鍼刺出血過多。皆爲禁忌。

### 第三節 脾病

「中醫內科全書」脾屬無管線之一。爲造血之臟器。感受傳染病。或其他疾病時。每易腫大。本病可分脾虛脾實二種。

病因 脾虛 「靈樞」有所擊扑。若醉飽入房。汗出當風。則傷脾。「沈氏尊生」本經爲病。不外溼淫熱鬱兩端。溼出水氣。病則壅。壅則傷氣。氣虛而

不運。……

脾實 「難經」飲食勞倦則傷脾。「沈氏尊生」……熱由火氣。病則不濡。不濡則傷血。血枯而燥。必胃氣厚。

### 症狀

脾虛 「素問」……虛者腹滿。腹鳴飧泄不化。「靈樞」脾臟營。營舍意。脾氣虛則四肢不用。五藏不安。

脾實 「素問」脾病者。身重。善饑。肉痿。足不收。行善痙。脚下痛。

……「千金」病者。苦足寒脛熱。腹滿煩擾不得臥。名曰脾實熱也。「靈樞」……實則腹脹。大小便不利。

### 治法

脾虛 脾俞三壯 中脘七壯 天樞五壯 足三里三壯 公孫三壯 「百症賦」脾虛穀以不消。脾俞膀胱俞覓。「玉龍賦」天樞理感患脾泄之危。

脾實 中脘七分 膈俞三分 關元五分 豐隆三分 陰陵泉三分 「玉龍賦」脾家之症最可憐。有寒有熱兩相煎。間使二穴鍼瀉動。熱瀉寒補病俱痊。

### 治理

脾虛 脾俞中脘爲補脾胃。而助消化。天樞爲逐寒止泄。足三里爲補脾胃。而益氣血。公孫爲溫中化溼。而運脾陽。若因醉飽入房而傷精。則加腎俞湧泉爲補腎而益精。若因感風寒外襲。則加大杼以疏風。若因溼淫。則加三陰

交爲利溼。若因熱鬱。則加大都爲清熱。

脾實。中脘爲瀉腑導濁。膈俞爲養血生血。關元爲鼓舞膀胱之氣化。豐隆爲化濁。而通大便。陰陵泉爲瀉脾實兼利小溲。

禁忌 「內經」脾病禁溫食飽食。溼地濡衣。

死候 「靈樞」是太陰氣絕。則脈不榮肌肉。唇舌者。肌肉之本也。脈不榮。則肌

肉軟。肌肉軟。則舌痿人中滿。人中滿則唇反。唇反者。肉先死。甲日篤。乙日死。「又」太陰終者。腹脹閉。不得息。善噫。善嘔。嘔則逆。逆則面赤。不逆則上下通。上下通則面黑皮毛焦而終矣。「仲景」環口黧黑。柔汗發黃者。此乃脾絕。

#### 第四節 痰飲

「中醫內科全書」痰飲。爲二病之總稱也。凡稠濁者爲痰。清稀者爲飲。痰病有九。爲風痰。寒痰。溼痰。熱痰。鬱痰。氣痰。食痰。酒痰。驚痰之別。飲病分痰飲。懸飲。溢飲。支飲四種。

病因 風痰 「中醫內科全書」風痰之因。乃痰溼在於肝經所致。

寒痰 「巢氏病源」冷痰者。言胃氣虛弱。不能宣行水穀。故使痰水結聚於



胸膈之間。……

溼痰 「中醫內科全書」溼痰之因。爲痰溼在於脾經所致。

熱痰 「巢氏病源」熱痰者。謂水漿結積所生也。言陰陽否膈。上焦生熱。熱氣與痰水相搏。聚而不散。……

鬱痰 「中醫內科全書」鬱痰之因。乃七情鬱結。痰滯于胸膈之間。

氣痰 「中醫內科全書」氣痰之因。由痰溼貯於肺經所致。

食痰 「中醫內科全書」食痰之因。由於飲食不消。積久而生痰也。

酒痰 「中醫內科全書」酒痰之因。由於飲酒不消。或因酒後。多飲茶水所致。

驚痰 「中醫內科全書」驚痰之因。多由於體虛。以致驚氣乘虛而入。結爲痰塊。

痰飲 「巢氏病源」痰飲由氣脈閉塞。津液不通。水飲氣停於胸府。結而成痰。……

懸飲 「巢氏病源」懸飲。謂飲水過多。留注脅下。……

溢飲 「巢氏病源」溢飲。謂因人渴而暴飲水。水氣溢于腸胃之外。在於皮

膚之間。故言溢飲。……

支飲 「巢氏病源」支飲。謂飲水過多。停積於胸膈之間。支乘於心。故云支飲。

### 症狀

風痰 「丹溪心法」風痰多癱瘓奇症。頭風眩暈。暗風煩亂。或搐搦瞶動。……

寒痰 「丹溪心法」寒痰。……骨痺。四肢不舉。氣刺痛。無煩熱。凝結清冷。……「巢氏病源」冷痰者。……時令人吞酸氣逆。四肢變青。不能飲食也。

溼痰 「東醫寶鑑」溼痰身重而軟。倦怠困弱。……

熱痰 「丹溪心法」熱痰即火痰也。多煩熱燥結。頭面烘熱。或爲眼瞶喉閉。癰狂嘈雜。懊懣怔忡。……「巢氏病源」熱痰。……故令身體虛熱。逆害飲食。頭面嗡嗡而熱。……

鬱痰 「丹溪心法」鬱痰。……稠粘難咯。多毛焦。面色白如枯骨。咽乾口燥。咳促喘促。……

氣痰 「醫學入門」氣痰。……痰滯咽喉。形如敗絮。或如梅核。咯不出。

嚥不下。胸膈痞悶。

食痰 「醫宗金鑑」食痰。……飲食不消。或挾瘀血。遂成窠巢。爲之癖塊痞滿。……

酒痰 「正傳」酒痰。……飲食不美。嘔吐酸水。……

驚痰 「東醫寶鑑」驚痰。……痰結成塊。在胸腹。發則跳動。痛不可忍。或成癩癧。婦人多有之。……

痰飲 「金匱」其人素盛今瘦。水走腸間。漉漉有聲。謂之痰飲。……「巢氏病源」痰飲者。……胸脅脹滿。水穀不消。結在腹內兩肋。水入腸胃。動作有聲。體重多睡。短氣好眠。胸背痛。甚則上氣咳逆。倚息短氣不能臥。其形如腫也。……

懸飲 「金匱」……飲後水留在脅下。咳唾引痛。謂之懸飲。……「巢氏病源」……令脅間懸痛。咳唾引脅下痛。故云懸飲。……

溢飲 「靈樞」尺膚蠱如枯魚之鱗者。水溢飲也。「金匱」……飲水流行。歸於四肢。當汗而不汗出。身體疼重。謂之溢飲。……「巢氏病源」溢飲。……令人身體疼重。而多汗。是其候也。「醫學入門」……溢飲者。四肢身

體重痛。

支飲 「金匱」……咳逆倚息。短氣不得臥。其形如腫。謂之支飲。「巢氏病源」支飲。……其病令人嗽逆喘息。身體如腫之狀。

### 治法

風痰 百會二分 風府三分 肝俞三分 中脘七分 豐隆三分 行間三分

寒痰 胃俞三壯 上脘五壯 中脘七壯 足三里三壯 內庭三壯

溼痰 脾俞三壯 中脘七壯 豐隆三壯 三陰交三壯

熱痰 十宣出血 合谷三分 魚際二分 中脘七分 豐隆三分

鬱痰 內關五分 中脘七分 氣海五分 足三里五分

氣痰 中府五壯 天突三壯 太淵三壯 合谷三壯 臍中五壯 豐隆三壯

食痰 中脘七壯 章門三壯 大腸俞三壯 豐隆三壯

酒痰 中脘七壯 內關三壯 三陰交三壯 豐隆三壯

驚痰 腎俞三分 神門三分 中脘七分 豐隆三分

痰飲 胃俞三壯 中脘七壯 天樞五壯 腎俞三壯 章門三壯 氣海七壯 足三里三壯

醫學綱目「胸中痰飲。吐逆不食。取巨闕。足三里。」又「諸痰飲病。取豐隆。中脘。」千金「治結積留飲僻癢。胸滿飲食不消。灸通谷五十壯。按以

下各飲。亦宜參閱本條醫學綱目及千金之治法。

懸飲 肝俞三壯 期門五壯 章門三壯 中脘七壯 行間三壯

溢飲 腎俞三壯 水分五壯 中脘七壯 三陰交三壯 「甲乙經」溢飲取中脘。

支飲 肺俞三壯 中脘七壯 腎俞三壯 膀胱俞三壯 足三里三壯

風痰 百會風府爲驅風。而治眩暈。中脘爲化濁。豐隆爲滌痰。肝俞行間爲

平肝息風。

寒痰 胃俞爲健脾胃。上中二脘爲溫中焦而化痰 足三里內庭爲降逆。並溫

胃腹中之寒冷。運行水穀。

溼痰 脾俞中脘爲促進運化。三陰交爲化溼。而振脾陽。豐隆爲逐痰。

熱痰 十宣爲泄身熱。合谷爲清頭面及諸竅之熱。魚際爲清肺熱。中脘爲驅

逐上中二焦之煩熱。豐隆爲清胃熱。化痰通便。

鬱痰 內關爲寬胸。而解鬱結。中脘爲和中而消痰。氣海足三里爲平氣。

氣痰 中府爲理氣寬胸。天突爲治上氣之壅塞。太淵合谷爲宣泄肺氣。膻中

爲化氣解鬱。豐隆爲滌痰降逆。

食痰 中脘爲瀉腑導濁。章門爲攻痞結。大腸俞爲治積聚。豐隆爲消痰。如



兼瘀血者。則加行間爲行瘀破堅。

酒痰 中脘爲和中調胃。增進食慾。內關爲止嘔逆。三陰交爲滲溼。豐隆爲祛痰濁。

驚痰 腎俞爲益腎補虛。神門爲寧志安神。中脘爲和中消結。豐隆爲滌痰化溼。

痰飲 胃俞中脘天樞爲運行腸胃之水飲。腎俞爲溫補腎陽。通利小便。章門爲治脅肋之痞脹。氣海足三里爲止咳逆。

懸飲 肝俞行間爲運行肝臟之水液。期門章門爲直入病灶而除痛。中脘爲振胃陽。而化痰飲。

溢飲 腎俞水分爲利小便。中脘爲運行水穀。促進脾胃之機能。三陰交爲滲溼。

支飲 肺俞中脘爲振陽氣。而化水液。腎俞膀胱俞爲分利小便。足三里爲平氣降逆。

### 禁忌

一赤水玄珠「……老人不宜速降其火。虛人不可盡出其痰。攻之太甚。則病轉劇。而致危殆。須以固元氣爲本。」丹溪「……凡治痰。用利藥過多。致

脾氣下虛。則痰反易生而多矣。「又」……中焦有痰。胃氣亦賴所養。卒不便虛。若攻之盡則虛矣。痰飲膠結於中。爲飽爲悶。頻咳而痰不應者。此脾失其健運所致。不可用治痰之藥。恐耗氣動虛。痰飲常變生諸證。不可爲其牽掣。祇宜治飲爲先。飲消則諸證自愈。用吐藥太迅。恐傷胃氣。

#### 第五節 發斑

「中醫內科全書」斑者。皮下出血。肌膚發現紅色之斑點也。其證多發於傷寒溫病之經過中。中醫謂因血熱毒盛。西醫僅言病毒入血中。侵入血管之壁。蓋以彼方治病不辨寒熱故耳。

#### 病因

「巢氏病源」傷寒病證在表。或未發汗。或經發汗未解。或吐下後而熱不除。此毒氣盛故也。毒既未散而表已虛。熱毒乘虛出於皮膚。所以發斑瘡。隱軫如錦文。重者喉口身體皆成瘡也。「又」夫人冬月觸冒寒毒者。至春如發病。病初在表。或已發汗吐下而表證未罷。毒氣不散。故發斑瘡。又冬月天時溫暖。人感乖戾之氣。未卽發病。至春又被積寒所折。毒氣不得發泄。至夏遇熱。溫毒始發出於肌膚。斑爛隱軫如錦文也。「醫學入門」傷寒發斑。謂之陽毒。春溫發斑。謂之溫毒。夏熱發斑。謂之熱毒。時行發斑。謂之時

毒。名雖不同。同歸於熱。皆心火入肺。故紅點見於皮毛之間。輕如疹子蚊跡。只在手足。先紅後黃。重如錦紋。發在胸腹。先紅後赤。「沈氏尊生」發斑證或因溫毒。或因熱病。皆由陽邪內蘊。熱毒之氣不得宣洩。……

### 症狀

「沈氏尊生」……必大發熱。無汗面赤。煩渴心悶。然後斑出。大約頭面胸腹間先發。肌膚內。或細如蚊迹。或大如米豆。便隱隱於皮膚之間。一半日便出皮膚之外。甚者浮腫相連。如雲片。如錦紋。其色以紅潤鮮明者爲佳。紫色者熱毒較重。黑色邪毒內陷。便爲九死一生之證。「吳綬」時氣發斑者。乃天疫時行之氣也。人感之則憎寒壯熱。身體拘急。或嘔吐。或喘嗽。或胸中煩悶。或躁熱。起臥不安。或頭痛鼻塞。呻吟不得眠。此皆斑候也。

### 治法

十宣出血 肺俞三分 心俞三分 膈俞三分 內關五分 經渠一分 少府一分 合谷三分 曲澤三分 勞宮三分 血海五分 委中出血

### 治理

十宣委中出血爲放散熱毒。清血中之熱。肺俞心俞爲清心肺之邪熱。膈俞血海爲清血中熱毒。內關爲寬胸。經渠爲解表。少府爲洩心熱。合谷爲清頭面及諸竅之熱。曲澤勞宮爲清心包之熱。而解煩渴。

### 禁忌

「中醫內科全書」斑有二禁。一爲發汗。一爲攻下。汗則斑爛。下則邪陷。

豫後 「余師愚」如斑一出。鬆活浮於皮面。紅如硃點紙。黑如墨塗膚。此毒之鬆

活外見者。雖黑成片。可生。一出雖小如粟。緊束有根。如履透鍼。如矢貫的。此毒之有根鋼結者。縱不紫黑。亦死。

死候 一醫學入門「凡斑疹赤色身煖。自胸腹散四肢者吉。黑色身涼。自四肢入胸

腹者死。「萬病回春」發斑紅赤爲胃熱。若紫不赤爲熱甚。紫黑爲胃爛。故赤斑爲輕。黑斑爲重。大抵鮮紅明郎者吉。紫黑者難治。雜黑斑爛者死。

## 第八章 神經系統病

### 第一節 中風

統名中風。而有真中類中之別。如金匱翼所云是也。然今日南方所見者。俱屬類中。雖間有真中。亦不過少數耳。其類中之爲病也。人事不省。猝然昏仆。口眼歪斜。痰涎湧盛。絕非傷寒論中之太陽病。發熱汗出。惡風脈緩者。名爲中風之桂枝湯證中風。此中風乃指類中而言。蓋名同而證異。學者務宜細心辨別。更有中經絡。中臟腑之不同。至於真中。則於第二章第一節。傷寒門太陽中風條言之矣。

病因 「趙養葵」河間所謂中風癱瘓者。非謂肝木之風實甚而卒中之。亦非外中於

風。良由平日飲食起居動靜失宜。心火暴甚。腎水虛衰。不能制之。則陰虛

陽實、而熱氣怫鬱。心神昏冒。筋骨不用。而卒倒無知也。亦有五志過極。而卒中者。夫五志過極。皆爲熱甚。俗云風者。言未忘其本也。「東垣」……凡人年踰四旬。氣衰之際。或憂思忿怒。傷其氣者。多有此證。壯歲之時。無有也。若肥盛者。亦間有之。形盛氣衰故也。「喻嘉言」河間指火爲訓。是火召風入。火爲本。風爲標矣。東垣指氣爲訓。是氣召風入。氣爲本。風爲標矣。丹溪指痰爲訓。是痰召風入。痰爲本。風爲標矣。然一人之身。每多兼三者而有之。曷不曰陽虛邪害空竅爲本。而風從外入者。必挾身中素有之邪。或火或氣或痰。而爲標也。「王節齋」……至於得病。則必有所感觸。或因六淫七情。遂成此病。此血與痰爲本。而外邪爲標。……「薛立齋」邪在氣。氣爲是動。邪在血。血爲所生病。經云。陽之氣。在天地之疾風名之。此非外來風邪。乃本氣自病也。故諸方多言皆由氣虛體弱。營衛失調。腠理不密。邪氣乘虛而入。然左半體者。肝腎所居之地。肝主筋。腎主骨。肝藏血。腎藏精。精血枯槁。不能滋養。故筋骨偏廢而不用也。「繆仲淳」凡言中風。有真假內外之別。……若大江已南。天地之風旣殊。人之所稟亦異。其地絕無剛猛之風。而多溼熱之氣。質多柔脆。往往多熱多痰。真陰



既虧。內熱彌甚。煎熬津液。凝結爲痰。壅塞氣道。不得通利。熱甚生風。亦致卒然僵仆。……「張介賓」風之爲病。最多誤治者。在不明其表裏耳。著外風者。八方之所中也。內風者。五藏之本病也。八風自外而入。必先有發熱惡寒頭疼身熱等證。顯然可察也。五風由內而病。則絕無外證。而忽病如風。其由內傷可知也。然既非外感。而經曰。諸暴強直。皆屬於風。諸風掉眩。皆屬於肝。何也。蓋肝主風。而藏血。血病則無以養筋。筋病。掉眩強直諸變百出。此皆肝木之化。故云皆屬於風。後世不明此義。不惟類風認爲真中。而且以內奪暴厥等證。俱認爲風。誤亦甚矣。夫外感者。邪襲肌表。故多陽實。內傷者。由於七情。故多陰虛。凡藏氣受傷。脾病者。病在肢體。或多痰飲。腎病者。或在骨髓。或在二陰。心病者。或在血脈。或在神志。肺病者。或在營衛。或在聲音。肝病者。或在筋爪。或在血脈。此五藏之類中風。未有不由陰虛而然者。惟東垣獨得其義。曰。有中風者。卒然昏憤。不省人事。此非外來風邪。乃本氣自病也。人年四十而陰氣自半。起居衰矣。故多犯之。豈非陰虛之病乎。夫人生於陽。而根於陰。根本衰。則人必病。根本敗。則人必危。所謂根本者。真陰也。人知陰虛惟一。而不知陰

虛有二。如陰中之水虛。則病在精血。陰中之火虛。則病在神志。蓋衰則氣去。故神志爲昏亂。非火虛乎。陰虧則形壞。故肢體爲之廢弛。非水虛乎。今以神離形壞之證。乃不求水火之源。而猶以風治。鮮不危矣。「景岳全書」凡類中之多痰者。悉由中虛而然。夫痰卽水也。其本在腎。其標在脾。在腎者。在水不歸源。水泛爲痰也。在脾者。以飲食不化。土不制水也。

### 症狀

「金匱」……絡脈空虛。賊邪不瀉。或左或右。邪氣反緩。正氣卽急。正氣引邪。喎僻不遂。邪在於絡。肌膚不仁。邪在於經。卽重不勝。邪入於府。卽不識人。邪入於藏。舌卽難言。口吐涎。「時病論」類中有八。一因氣虛之體。煩勞過度。清氣不升。忽然昏冒者。爲虛中。一因氣實之人。暴怒氣逆。忽然昏倒。爲氣中。一因七情過極。五志之火內發。卒然昏倒無知。爲火中。一因過飽。感受風寒。或因惱怒。氣鬱食阻。忽然昏倒者。爲食中。一因登塚入廟。冷屋棲遲。邪氣相侵。卒然妄語。頭面青黑。昏不知人事。爲中惡。又有暑中寒中。此八者。皆稱爲類中也。「金匱翼」……而其爲病。則有藏府經絡之異。口眼歪斜。絡病也。其邪淺而易治。手足不遂。身體重痛。經病也。邪差深矣。故多從倒仆後見之。卒中昏厥。言語錯亂。府病

也。其邪爲尤深矣。大抵倒仆之候。經府皆能有之。其倒後神清識人者。在經。神昏不識人者。在府耳。至於唇緩失音。耳聾目瞽。遺尿聲鼾等症。則爲中藏。病之最深者也。

### 治法

中經絡 大椎五分 風府三分 肝俞三分 合谷三分 肩髃七分 曲池五分 風市五分 環跳寸二分 陽陵泉五分 行間三分 「鍼灸祕穴篇」中風四肢麻痺不仁。鍼肘髁。上廉。魚際。風府。膝關。三陰交。「百症賦」半身不遂。陽陵遠達於曲池。「標幽賦」中風環跳而宜刺。「玉龍賦」地倉頰車療口喎。

中臟腑 百會五壯 水溝三壯 頰車三壯 合谷三壯 肝俞三壯 腎俞三壯 氣海七壯 豐隆三壯 行間三壯 「百症賦」瘧門關冲。舌緩不語而要緊。「醫宗金鑑」瘧門風府祇宜刺。中風舌緩不能言。「行鍼指要歌」或鍼風。先向風府百會中。中經絡 大椎爲直入脊髓神經。治諸暴強直。風府爲療諸風掉眩。肝俞行間爲熄肝臟之風。合谷爲解表驅風寒。治口眼之歪斜。肩髃曲池環跳風市陽陵泉爲搜周身及四肢之風邪。其有五臟之兼症者。則加五臟之俞穴以治之。中臟腑 百會爲直入腦部以甦腦。水溝合谷頰車爲開竅。肝俞行間爲熄風。腎俞爲壯水。氣海爲固元氣。豐隆爲引痰濁之下降。

### 治理

禁忌 除煙酒。戒七情。遠色慾。

豫後 「中醫內科全書」卒中後。有幸而蘇者。亦有不遂之半身獲全治者。但其少耳。

死候 「時病論」……如口開則心絕。目合則肝絕。手撒則脾絕。鼾睡則肺絕。遺

溺則腎絕。又有搖頭上竄。汗出如油。脈大無倫。或小如纖。皆不可治。「證治要訣」諸中或未甦。或已甦。或初病。或久病。忽吐出紫紅色者死。

## 第二節 驚風

驚風之爲病。都起於小孩。大別分爲三種。起於急性者。曰急驚風。起於慢性者。曰慢驚風。更有類似驚風者。曰類驚風。

病因 急驚風 內挾實熱。外感風邪。心受熱則積驚。肝生風則發搐。肝風心火。

二藏交爭。血亂氣并。痰涎壅盛。關竅不通。風氣無所發洩。故暴搐也。

慢驚風 「錢仲陽」小兒慢驚。因病後。或吐瀉。或藥餌傷損脾胃。肢體逆冷。口鼻氣微。足逆冷。昏睡露睛。此脾虛生風。無陽之症也。因吐瀉脾肺俱虛。肝木所乘。或急驚。屢用瀉熱。則脾損陽傷。遂成慢驚。

類驚風 小兒腠理不密。經絡空疎。感冒而發熱。更以陰分不足。熱易侵入

症狀 神經。或小兒欲發瘡疹。身先熱而驚跳。發搐搦而致者。

急驚風 牙關緊閉。壯熱涎潮。竄視反張。搐搦顛動。口氣熱。臉赤唇紅。慢驚風 多見神昏氣喘。大熱不退。眼翻驚搐。乍寒乍熱。面色淡白青黃。或瀉痢冷汗。或完穀不化。或四肢冷。喉內痰鳴。角弓反張。日光昏暗。實因元氣無根。陰寒至極。風之所由動也。

類驚風 小兒忽然心神不安。發熱搐搦。時阿欠。煩擾不定。

## 治法

急驚風 少商一分 水溝三分 陶道五分 列缺一分 合谷三分 曲池五分 中脘七分 心俞三分 肝俞三分 湧泉三分 「雜病穴法歌」小兒驚風刺少商。人中湧泉瀉莫深。 「鍼灸大成八脈治症篇」小兒急驚風。手足搐搦。先取列缺。繼鍼印堂。百會。人中。中衝。大敦。太衝。合谷。

慢驚風 大椎五壯 脾俞三壯 胃俞三壯 中脘七壯 天樞五壯 關元三壯 公孫三壯 「得效方」急慢驚風灸印堂。 「鍼灸大成八脈治症篇」小兒慢驚脾風。目直視。手足搐。口吐沫。先鍼列缺。繼鍼大敦。脾俞。百會。上星。人中。 「玉龍歌」孩子慢驚何可治。印堂刺入艾還加。

類驚風 大椎五分 少商出血 合谷三分 神門三分 湧泉三分



治理

急驚風 少商曲池爲解表而清熱。陶道爲治角弓反張。水溝列缺合谷爲開竅。中脘爲化痰濁。而泄腑熱。湧泉爲引熱下行。心俞肝俞爲治本。

慢驚風 大椎爲鎮靜中樞神經。治角弓反張。脾胃二俞爲振脾陽。而助消化。中脘天樞關元爲溫補胃腸之虛寒。助運化而治吐瀉。公孫爲補中。而運脾陽。若見虛脫危象。則宜多灸神闕。以振陽而強心也。

類驚風 大椎爲鎮靜中樞神經。少商合谷爲泄熱。神門爲安神。湧泉爲引熱下行。

禁忌

急驚風 搖搦之時。不可把握。但扶持之。否則風邪逆入經絡。逆使手足拘攣。致成廢疾也。

豫後

急驚風。類驚風。預後多良。惟慢驚風則不良者多。

死候

急驚風 若見目睛翻轉。足擺跳搖。大叫吐逆。藥不得入。搖鼻無嚏者。不治。

慢驚風 小兒驚搖。若見四肢厥冷。吐瀉欬嗽。兩脅動氣。口生白瘡。髮直搖頭。眼青不轉。二便不禁。手足一邊牽引者。均不治。

第三節

痙厥

瘳者。身體強直也。厥者。氣上逆而陰陽失調也。茲分剛瘳。柔瘳。寒厥。熱厥。食厥。氣厥。痰厥。尸厥之別。

病因 剛瘳 外感之邪。卒入人體。體質孱弱者。神經易受刺激。發生瘳攣。而起強直之狀態。

柔瘳 諸病誤治。或汗過多。以致津液虧損。神經失所營養。或誤治而致內熱火盛。則神經亦發瘳攣也。

寒厥 「內經」陽氣衰於下。則爲寒厥。「又」……春夏則陽氣多而陰氣少。秋冬則陰氣盛而陽氣衰。此人者質壯。以秋冬奪於所用。下氣上爭。不能復。精氣隘下。邪氣因從之而上也。氣因於中。陽氣衰。不能滲營其經絡。陽氣日損。陰氣獨在。故手足爲之寒也。

熱厥 「內經」陰乘衰於下。則爲熱厥。「又」熱厥之爲熱也。必起於足下者。何也。陽氣於足五指之表。陰脈者。集於足下而聚於足心。故陽氣勝。則足下熱也。

食厥 由於醉飽過度。或感風寒與着氣惱。以致胸中填塞。胃氣不行。因而厥逆昏迷。尤以小兒爲最多也。「靈樞」夫胃滿則腸虛。腸滿則胃虛。更實

更虛。其氣乃居。

氣厥 此症多由氣量狹窄之人。遇事不適。卽暴怒。或憂塞胸懷。易成氣厥也。

痰厥 素多痰疾。偶因風寒或腦怒感觸。寒痰阻塞氣機。因之厥逆生矣。

尸厥 「內經」神遊失守其位。卽有五尸鬼干人。令人暴亡也。謂之尸厥。「傷寒」少陰脈不至。腎氣微少。精血奔氣促迫。上入胸膈。宗氣反聚。血結心下。陽氣退下。熱歸陰股。與陰相動。令人不仁。此爲尸厥。

症狀  
剛瘧 「金匱」太陽病發熱無汗。反惡寒者。名曰剛瘧。「又」太陽病。無汗而小便反少。氣上衝胸。口噤不得語。欲作剛瘧。

柔瘧 「金匱」太陽病。發熱汗出。而不惡寒者。名曰柔瘧。

寒厥 四肢逆冷。身寒面赤。指甲青暗。腹痛不渴。小便自利。大便溏薄。完穀不化。人事不省。

熱厥 四肢厥逆。身熱面赤。脣燥口乾。小便短濇。大便燥結。不省人事。脈滑數也。

食厥 口不能言。肢不能舉。發熱口渴。面黃噯氣。胃脘脹悶。

氣厥 四肢冰冷。氣促不語。神志清而不能自主。卒然仆倒。口出冷氣。  
痰厥 四肢厥冷。僵仆卒倒。喉間痰聲。口吐涎沫。不省人事。脈沉滑。  
尸厥 卒然悶亂。腹滿不知人。手足厥冷。頭面青黑。牙關緊閉。腹中氣走  
如雷鳴。

### 治法

剛瘳 大椎五分 風門三分 水溝三分 合谷三分 曲池五分 少商一分 陰陵泉三分 湧泉三分  
泉三分 「百症賦」瘳病非顙息而不愈。「肘後歌」剛柔二瘳最乖張。口噤眼  
合面紅粧。熱血流入心肺腑。須要金鍼刺少商。按以下柔瘳。亦可酌取本條  
百症賦與肘後歌之治法。

柔瘳 大椎五分 風府三分 間使三分 曲池五分 承山七分 復溜三分 崑崙三分  
寒厥 脾俞三壯 中脘七壯 神闕三壯 氣海七壯 足三里三壯 大都三壯 「鍼灸大成」  
寒厥門「寒厥刺太淵。液門。」

熱厥 十宣出血 合谷三分 曲池五分 大腸俞三分 膀胱俞三分 湧泉三分 「百症賦」  
「厥寒厥熱湧泉清。」

食厥 胃俞三分 上脘七分 中脘七分 內關五分 氣海五分 內庭三分  
氣厥 膻中五壯 內關三壯 中脘七壯 氣海七壯 陽陵泉七壯

痰厥 風門五壯 合谷三壯 中脘七壯 豐隆三壯  
尸厥 十宣出血 合谷三壯 頰車三壯 水溝三壯 中脘七壯 關元三壯 足三里三壯 湧泉五壯  
「雜病穴法歌」尸厥百會一穴美。更鍼隱白效昭昭。「通玄指要賦」以見越人治屍厥於維會。

### 治理

剛瘳 大椎風門爲刺激脊髓神經。使項背不致強痛與反張。水溝合谷爲開口噤。而醒神昏。曲池爲清熱。而止抽搐。少商爲宣洩體溫。而解外邪。陰陵泉爲利小便。湧泉爲引熱下行。

柔瘳 大椎風府爲治脊項之強直。間使曲池爲清熱。治上肢之瘳攣。承山復溜崑崙爲療下肢之拘急。

寒厥 脾俞爲振脾陽。中脘爲溫中暖腑。神闕氣海爲溫中下二焦之寒冷。足三里大都爲調和脾胃。

熱厥 十宣出血爲放散高熱。合谷爲治頭面諸竅之熱。曲池爲退身熱。大腸俞爲清熱潤腸。膀胱俞爲分利小便。湧泉爲泄熱生津。

食厥 胃俞爲通調胃氣。上中二脘爲和中宮之滿塞。內關爲寬胸。氣海內庭爲降腸胃之氣逆。



氣厥 膻中爲氣病之主穴。內關爲寬胸理氣。中脘爲調胃。氣海爲降逆。陽陵泉爲行氣。

痰厥 風門合谷爲疏洩風寒。而開諸竅。中脘豐隆爲蠲痰降濁。

尸厥 十宣出血爲宣洩之法。合谷頰車水溝爲開竅之需。中脘關元爲排除腹滿而氣走。足三里爲降逆。而溫肢冷。湧泉爲補腎益精而治本。

### 禁忌

瘧病 太陽病。發汗過多。風病不宜下。瘡病不可汗。

熱厥 如煩渴躁妄而手足冷甚。但不過肘。或身冷而反見陰象者。此熱極似寒。若誤用熱藥。立斃。

食厥 誤用中風中氣治者必死。

### 豫後

剛柔二瘳。預後多良。至於各種厥症。祇須醫治調養得宜。其預後亦良。

### 死候

瘳病 若見戴眼反折。瘳縱。汗出如珠。角弓反張。離席一掌許。小兒離席

二指許者死。若太陽風瘳之證。始則發熱腹鳴。喘息脈浮。次則牙緊頭搖。

漸至項背強直。轉側不仁。甚者昏迷失音。目睛直視。滑泄不禁。身腰反張者。死不可治。

尸厥 聽其耳中。如微語聲。脈厥者死。反小者亦死。

#### 第四節 癲癇

「醫學綱目」以其病在頭顱。故曰癲疾。「劉宗厚」按癲病。古方或云風癲。或云驚癲。或云癲癇。由此疾與中風癲狂急慢驚相類。故命名不同也。「中醫內科全書」癲者。性情顛倒。失其是非之明。狂者。妄言妄爲。無所畏懼。癇者。卒然倒仆。手足抽搐。口吐涎沫。咬牙作聲。食頃乃甦。茲分癲、狂、癇三種。

##### 病因

癲病 「內經」人生而病癲疾者。名曰胎病。此得之在母腹中時。其母有所大驚。氣上而不下。精氣并居。故令子發爲癲疾也。「六科準繩」癲病。俗謂之失心風。多因抑鬱不遂。佗僚無聊而成……

狂病 「巢氏病源」狂病者。由風邪入并於陽所爲也。風邪入血。使人陰陽二氣虛實不調。若一實一虛。則令氣血相并。氣并於陽則爲狂。「又」肝藏魂。悲哀動中則傷魂。魂傷則狂妄不精明。……皆由血氣虛。受風邪。致令陰陽氣相并所致。故名風狂。「聖濟總錄纂要」……蓋人之榮衛周身循環。晝夜不窮。一失其平。則有血并於陰。而氣并於陽者。有血并於陽而氣并於陰者。陰陽二氣虛實不調。風邪乘虛而入。并於陽則謂之重陽。……「又」肝藏魂。魂則隨神往來。悲哀動中。有傷於魂。則爲狂妄。是亦血氣俱虛。

風邪乘之。陰陽相并也。

癰病 「張氏醫通」癰症之發。由腎中龍火上升。而肝家雷火相從挾助也。「六科準繩」癰病。……原病或以由熱甚而風燥爲其兼化。涎溢胸膈。燥燄而痰癰。昏冒僵仆也。三因以驚動藏氣不平。鬱而生涎。閉塞諸經。厥而乃成。或在母腹中受驚。或感六氣。或飲食不節。逆於藏氣而成。蓋忤氣得之外。驚恐得之內。飲食屬不內外。

## 症狀

癰病 「內經」癰疾始生。先不樂。頭重痛。視舉目赤。甚則極已。而心煩悸啼呼吸喘先反僵。因而脊痛。「赤水玄珠」夫癰者。或狂或愚。或歌或笑。或悲或泣。如醉如癡。言語有頭無尾。穢潔不知。積年累月不愈。俗名心風。此志願高大而不遂所欲者。多有之。

狂病 「巢氏病源」……發或欲走。或自高賢。自稱聖神也。……不敢正當人。而攣兩脅骨不舉。……「聖濟總錄纂要」風狂之狀。始發則少臥不飢。自高自賢。自辯自貴。……故其病妄笑好樂。妄行不休。甚則棄衣而走。登高而歌。或至數日不食。故曰狂也。

癰病 「赤水玄珠」夫癰時發時止者是也。有連日發者。有一日三五發者。

或因驚。或因怒而動其痰火。發則昏昧不知人事。耳無所聞。目無所見。眩仆倒地。不省高下。甚而痙瘓抽掣。目作上視。或目眼歪斜。或口作六畜之聲。將醒時必吐涎沫。彼癲狂皆無以上證也。

## 治法

癲病 心俞三分 神門三分 間使三分 後谿三分 中脘七分 豐隆三分 或依照十三鬼穴而鍼之。「百症賦」癲疾必取身柱本神之令。「席弘賦」人中治癲功最高。十三鬼穴不須饒。「雜病穴法歌」人中間使祛癲妖。「千金」卒癲灸陰莖上宛宛中三壯。得小便通卽瘥。又灸陰莖頭三壯。又灸足大趾上聚毛中七壯。又灸囊下縫二七壯。又灸兩乳頭三壯。又灸督脈三十壯。穴在鼻直中上入髮際。又灸天牕百會三百壯。又灸耳上髮際各五十壯。

狂病 心俞三分 間使三分 中脘七分 豐隆三分 氣海五分 足三里五分 三陰交三分 或取十三鬼穴。依次鍼之。「百症賦」發狂奔走。上脘同起於神門。「肘後歌」狂言盜汗如見鬼。惺惺間使便下鍼。

癰病 大椎五分 心俞三分 間使三分 後谿三分 鳩尾三分 中脘七分 豐隆三分 行間三分 湧泉三分 「百症賦」風癰常發。神道還須心俞留。「席弘賦」鳩尾能治五般癰。若下湧泉人不死。「勝玉歌」後谿鳩尾及神門。治療五癰立便痊。

## 治理

「雜病穴法歌」勞宮能治五般癇。更刺湧泉疾若挑。

癲病 心俞爲振心陽。而定心志。神門爲安神。間使後谿爲治心經之邪而暢志。中脘豐隆爲化痰滯。

狂病 所取各穴。與癲病大同小異。其理解已詳癲病項中。復加氣海足三里三陰交爲調和氣血。俾陰陽得以相宜也。

癇病 大椎爲直入中樞神經。使之鎮靜。心俞爲清心。瀉五臟之熱。間使後谿爲瀉心經之邪。鳩尾爲癇症之要穴。中脘爲化痰。豐隆爲降濁。行間爲平肝。湧泉爲滋陰壯水。

## 豫後

癲病 脈搏大滑。久白已。脈小堅急。不治。又脈虛則可治。實則死。其疾發如狂者。亦死不治。

狂病 治宜先減其肥甘之食。次下其痰。瀉其火。則病易去。

癇病 脈細緩者。雖久劇可治。虛散及沈實弦急者不治。目瞪如愚亦不治。

## 死後

「得效方」癲癇之病。乍作乍醒者甦。不食迷癡者死。「正傳」凡癲狂癇之病。若神脫而目瞪如愚癡者。不可治。

## 第五節 頭痛



「中醫內科全書」本病分風頭痛。熱厥頭痛。溼熱頭痛。痰厥頭痛。腎虛頭痛。肝厥頭痛。食積頭痛。血虛頭痛。氣虛頭痛。偏頭痛之別。

病因

風頭痛 「金匱翼」風頭痛者。風氣客于諸陽。諸陽之脈。皆上于頭。風氣隨經上人。或偏或正。或入腦中。稽而不行。與正氣相擊則痛。經云。風氣循風府而上。則爲腦風是也。

熱厥頭痛 「金匱翼」熱厥頭痛者。胃熱氣盛。不能下行也。

溼熱頭痛 「金匱翼」溼熱頭痛者。溼與熱合。交鬱互蒸。其氣上行。與清之氣相搏。則作痛也。

痰厥頭痛 「金匱翼」痰厥頭痛者。病從脾而之胃也。夫脾主爲胃行其津液者也。脾病則胃中津液不得宣行。積而爲痰。隨陽明之經。上攻頭腦而作痛也。

腎虛頭痛 「金匱翼」腎虛頭痛者。腎陰不足。虛陽無附而上攻。素問所謂頭痛顙疾。下虛上實。過在足少陰巨陽。許學士謂之腎厥頭痛是也。

肝厥頭痛 「金匱翼」肝厥頭痛者。肝火厥逆。上攻頭腦也。

食積頭痛 「金匱翼」食積頭痛者。食氣上攻。胃氣不清也。

## 症狀

血虛頭痛 「金匱翼」血虛頭痛者。血虛脈空。……

氣虛頭痛 「金匱翼」氣虛頭痛者。清陽氣虛。不能上升也。

偏頭痛 「金匱翼」偏頭痛者。由風邪客于陽經。其經偏虛也。邪氣湊于一邊。痛連額角。久而不已。故謂之偏頭痛。

風頭痛 「張氏醫通」因風而痛者。抽掣惡風。或汗自出。

熱厥頭痛 「金匱翼」熱厥頭痛者。……其證頭中熱痛。雖嚴寒猶喜風寒。微來煖處。或見烟火。則痛復作。「沈氏尊生」因熱痛者。名熱厥頭痛。必煩熱。雖嚴冬亦喜風寒。則痛暫止。溫暖。其痛更甚。……

溼熱頭痛 「赤水玄珠」有心煩頭痛者。病在膈中。乃溼熱頭痛也。

痰厥頭痛 「得效方」痰厥頭痛者。每發時兩頰青黃。眩暈。目不欲開。懶於言語。身體沉重。兀兀欲吐。……「金匱翼」痰厥頭痛者。……其證頭重悶亂。眩暈不休。兀兀欲吐者是也。

腎虛頭痛 「醫學入門」腎虛頭痛者。……巔頂痛不可忍。……

肝厥頭痛 「金匱翼」肝厥頭痛者。……其病必在巔頂。以肝之脈與督脈會于巔故也。……必多眩暈。或厥逆抽掣也。

食積頭痛 「金匱翼」食積頭痛者。……其證必兼痞膈噯酸。噫敗卵臭。或飽食則痛甚。……「沈氏尊生」傷食頭痛。必胸滿惡食。吞酸嚙腐。……

血虛頭痛 「沈氏尊生」血虛頭痛者。善驚。眉尖後近髮際名魚尾。白魚尾上攻頭痛。……

氣虛頭痛 「沈氏尊生」氣虛頭痛者。遇勞更甚。耳鳴。九竅不利。兩太陽穴痛甚。……「金匱翼」氣虛頭痛者。……其證必倦怠氣短。惡風寒。不能食。

偏頭痛 「丹溪心法」偏頭痛者。頭半邊痛是也。

### 治法

風頭痛 風府三分 風池三分 百會二分 頭維三分 列缺一分 「百症賦」顙會連於

玉枕。頭風療以金鍼。「又」強間豐隆之際。頭痛難禁。「席弘賦」列缺頭痛及偏正。重瀉太淵無不應。「玉龍歌」偏正頭風痛難醫。絲竹金鍼亦可施。「勝玉歌」頭風頭痛灸風池。「雜病穴法歌」偏正頭疼左右鍼。列缺太淵不用補。「玉龍賦」神庭理平頭風。「靈光賦」偏正頭疼瀉列缺。「標幽賦」頭風頭痛。刺申脈與金門。按以下各種頭痛。宜酌取本條各歌賦之治法。

熱厥頭痛 頭維三分 曲鬢三分 中脘七分 內庭三分

溼熱頭痛 內關五分 太陽三分 陰陵泉三分 豐隆三分  
痰厥頭痛 太陽三分 頭維三分 內關五分 中脘七分 足三里五分 豐隆三分 「玉龍歌」偏正頭風有兩般。有無痰飲細推看。若然痰飲風池刺。倘無痰飲合谷安。

腎虛頭痛 百會五壯 腎俞三壯 關元三壯 湧泉五壯  
肝厥頭痛 百會二分 風府三分 肝俞三分 行間三分  
食積頭痛 瞳子髎三分 脾俞三分 胃俞三分 支溝三分 內關五分 中脘七分 內庭三分

血虛頭痛 曲鬢三壯 太陽三壯 膈俞三壯 肝俞三壯 關元三壯 足三里三壯  
氣虛頭痛 百會五壯 太陽三壯 列缺三壯 氣海七壯 足三里三壯  
偏頭痛 頭維三分 曲鬢三分 風府三分 列缺一分 「百症賦」懸顙頰厭之中。偏頭痛止。

### 治理

風頭痛 風府風池百會爲疏洩頭部之風邪。頭維列缺爲止痛。  
熱厥頭痛 頭維曲鬢爲驅風。止頭部之痛。中脘內庭爲清胃中之熱。  
溼熱頭痛 內關爲利溼寬胸。太陽爲止頭痛。陰陵泉爲滲溼。而利小便。豐隆

爲清胃熱而化痰。

痰厥頭痛 太陽頭維爲止頭部之痛。內關爲利溼痰之滯胃。中脘爲化脾胃之溼。足三里爲降逆。豐隆爲滌痰。

腎虛頭痛 百會爲治巔頂之頭痛。腎俞爲補腎陰之不足。關元爲治下元之虛損。湧泉爲補腎益精。使虛陽不致上犯。

肝厥頭痛 百會風府爲直入頭巔而止痛。肝俞行間爲清熱。引火下降。

食積頭痛 瞳子膠爲止頭痛。脾胃二俞爲瀉脾胃之實。支溝爲通大便。內關爲寬胸。中脘爲攻積。內庭爲降胃逆。

血虛頭痛 曲鬢太陽爲止頭痛。膈俞爲生血養血。肝俞爲益心肝。而補氣血。關元爲治諸虛而固本。足三里爲益氣生血。

氣虛頭痛 百會爲升提陽氣。太陽列缺爲治頭痛。氣海爲益氣。足三里爲補氣血兼治之法。

偏頭痛。頭維曲鬢風府爲宣洩頭部之風邪而止痛。列缺爲驅外感風邪。善治偏頭之患。

豫後 能靜養節勞者均良。



死候

「內經」真頭痛者。頭痛甚。腦盡痛。手足寒至節。死不治。「綱目」診頭痛目痛。久視無所見者死。卒視無所見者亦死。

第六節 牙痛

本病之種類甚多。茲擇其要者。約分火牙痛。風牙痛。蟲牙痛之別。

病因

火牙痛 本證多由龍火上衝。鬱結內而無從發洩所致。

風牙痛 本證多屬胃有溼熱。上升於齒。每遇風寒或飲冷。則溼熱遇鬱而所致。「丹溪心法」牙齒之痛。因胃中溼熱。上出於牙齦之間。適被風寒或飲冷所鬱。則溼熱不得外達。故作痛也。

症狀

蟲牙痛 本證多由肥甘蘊熱於胃。上衝齒牙。與涎溼相搏蟲生而成也。

火牙痛 陣陣作痛。時發時止。甚至齦腫而痛不可忍。

風牙痛 發時齒牙先行浮腫。而後繼起疼痛。

蟲牙痛 時作疼痛。齒上有蛀孔。日久不愈。則蝕損牙齒而墮落。一齒既朽。其蟲相繼而蝕餘齒。甚至纏綿不已。全部牙齒墮落者有之。

治法

火牙痛 煩車三分 合谷三分 二間一分 內庭三分 湧泉三分 行間三分 「百症賦」耳門絲竹空。住牙疼於頃刻。「又」承漿瀉牙疼而即移。「玉龍歌」牙疼陣

陣苦相煎。穴在二間要得傳。「通玄指要賦」牙齒呂細堪治。「靈光賦」頰車可灸牙齒愈。「靈樞經」齒痛不惡清飲。取足陽明。上齒痛亦如之。齒痛惡清飲。取手陽明。下齒痛亦如之。「內經」手陽明之別。名曰偏歷。主齒寒痛宜取之。「得效方」手陽明有入口偏齒者。名曰角孫。上齒齲取之。「資生經」牙痛屈手大指本節後陷中。灸三壯。初灸覺牙疼。再灸覺牙有聲。三灸痛止。永不復作。左痛灸右。右痛灸左（即陽谿穴）。按以下各種牙痛。均宜酌取本條各歌賦及各書之治法。

風牙痛 頰車三分 列缺一分 合谷三分 足三里五分 「千金」灸外踝上。高骨前交脈三壯。又以線量手中指至掌後橫紋。折爲四分。量橫紋後。當臂中灸一壯愈。灸之當隨左右。

蟲牙痛 頰車三分 合谷三分 中脘七分 足三里五分 內庭三分

火牙痛 頰車爲局部療法。合谷二間爲泄陽明之熱而止痛。內庭爲清胃熱。行間湧泉爲清肝腎之熱。引火下行。

風牙痛 頰車爲刺激局部之療法。列缺爲驅外感之風邪。合谷爲解表逐風寒而止痛。足三里爲化溼熱。使胃氣下降。

### 治理

蟲牙痛 頰車合谷爲止痛。中脘爲清胃中之熱。足三里內庭爲引胃熱下行。多良。惟蟲牙痛者難愈。

### 第七節 健忘

健忘。卽善忘也。謂人之記憶力薄弱耳。

病因 「內經」上氣不足。下氣有餘。腸胃實而心肺虛。虛則營衛留於下。久之不以時上。故善忘也。「又」血并於下。氣并於上。亂而善忘。「傷寒論」陽明證。其人善忘者。必有蓄血。所以然者。本有久瘀血。故令善忘。「張氏醫通」按內經之原健忘者。俱責之心腎不交。心不下交於腎。濁火亂其神明。腎不上交於心。精氣伏而不靈。火居上。則因而爲痰。水居下。則因而生躁。躁擾不寧。是以健忘也。「丹溪」健忘之證。精神短少者多。亦有痰者。「醫鑑」健忘者。……主心脾二經。蓋心之官主思。脾之官亦主思。此由思慮過度。心傷則血耗散。神不守舍。脾傷則胃氣衰憊。而慮愈深。二者皆令人事卒然而忘也。

### 症狀

「戴元禮」健忘者。爲事有始無終。言談不知首尾。此以爲病之名。非比生成之愚頑也。「醫鑑」健忘者。陡然而忘其事。盡心力思量不來也。

治法

肺俞三分 心俞三分 腎俞三分 神門三分 湧泉三分

治理

肺俞心俞爲益心肺之虛而降火。腎俞湧泉爲補腎而壯水。神門爲安神。若以蓄血氣滯者。則加行間爲破瘀。足三里爲行氣。若以思慮傷脾者。則加三陰交爲益脾。

禁忌

忌思慮。戒愁鬱。

豫後

苟能補腎益精者良。

第八節 寤寐

寤者。與悟通。覺也。今以不寐曰寤。寐者。臥也。息也。亦卽寢也。今以多臥曰寐。

病因

不寐 「內經」衛氣不得入於陰。常留於陽。留於陽。則陽氣滿。陽氣滿。則陽蹻盛。不得入於陰。則陰氣虛。故目不瞑。壯者之氣血盛。其肌肉滑。氣道通。營衛之行。不失其常。故晝精而夜瞑。老者之氣血衰。其肌肉枯。氣道澇。五藏之氣相搏。其營氣衰少。而衛氣內伐。故晝不精。夜不瞑。「下經」胃不和。則臥不安也。「沈氏尊生」不寐。心血虛而有熱病也。然主病之經。雖屬專心。其實五臟皆兼及也。蓋由心血不足者。或神不守舍。故

不寐。……有由肝虛而邪氣襲之者。必至魂不守舍。故臥則不寐。怒亦不寐。以肝藏魂。肝主怒也。……有由真陰虧損。孤陽漂浮者。水虧火旺。火主平動。氣不得寧。故亦不寐。

多臥 「素問大惑論」人之多臥者。此人腸胃大而皮膚溼而分肉不解焉。腸胃大則衛氣留久皮膚。溼則分肉不解。其行遲。夫衛氣者。晝日常行於陽。夜行於陰。故陽氣盡則臥。陰氣盡則寤。故腸胃大則衛氣行。留久皮膚。溼分肉不解。則行遲。留於陰也久。其氣不精則欲瞑。故多臥矣。邪氣留於上焦。上焦閉而不通。已食若飲湯。衛氣久留於陰而不行。故卒然多臥焉。

### 症狀

不寐 食積不寐。胃中脹悶疼痛。不得安眠。不思飲食而渴飲。血虛不寐。心血空虛。恍惚多忘。心跳不得臥。驚悸不寐者。其人夢中驚跳怵惕是也。痰壅不寐者。其狀嘔噁氣悶。胸膈不利。睡不得安。

多臥 「刺熱篇」肝熱病者。小便先黃。腹痛多臥。「靈樞海論」髓海不足。則腦轉耳鳴脛痠眩冒。目無所見。懈怠安臥。

### 治法

不寐 心俞三分 胃俞三分 中脘七分 神門三分 豐隆三分 「甲乙經」驚悸不得眠。取陰交。「又」不得臥。取浮郄。



多臥 肝俞三分 脾俞三分 腎俞三分 中脘七分 足三里五分 足臨泣二分 「醫學綱目」沉困睡多。無名指第二節尖屈指取之。「百症賦」倦言嗜臥。往通里大鐘而明。

### 治理

不寐 心俞爲補心血。胃俞中脘爲和中解悶。神門爲安神。而止驚惕。豐隆爲降痰濁而利氣。若因肝虛而邪襲者。則加肝俞行間以補肝而驅邪。若因真陰耗損而水虧火旺者。則加腎俞湧泉以壯水而降火。爲既濟也。

多臥 肝俞爲治本。腎俞爲益精。而填髓海。脾俞中脘爲化溼而祛邪。足三里爲降逆。足臨泣爲瀉膽。

豫後良。

### 第九節 百合病

「中醫內科全書」百合病乃病後神經衰弱之一種。偶食百合而愈。因以之爲名焉。

病因 「千金」百合病者。……皆因傷寒虛勞大病已後。不平復。變成斯病。……

症狀 「金匱」百合病者。百脈一宗。悉致其病也。意欲食。復不能食。常默默。

欲臥不能臥。欲行不能行。飲食或有美時。或有不欲聞食臭時。如寒無寒。如熱無熱。口苦。小便赤。諸藥不能治。得藥則劇吐利。如有神靈者。身形

如和。……

治法 脾俞三分 胃俞三分 中脘七分 膀胱俞三分 中極七分 陰陵泉三分 足三里五分 三陰交三分

治理 脾胃二俞爲健脾胃。促進食慾。中脘足三里爲和中而祛溼。膀胱俞中極陰陵泉三陰交爲利小便。而化溼邪。

禁忌 不可誤行汗下等法。或認爲下元虛弱。而誤用溫補也。

豫後 「金匱」……每溺時頭痛者。六十日乃愈。若溺時頭不痛。漸然者。四十日愈。若溺快然。但頭眩者。二十日愈。

#### 第十節 脚氣

「蘇長史論」晉宋以前。名爲緩風。古來無脚氣名。後以病從脚起。初發因腫滿。故名脚氣也。「赤水玄珠」古無脚氣之說。內經名厥。兩漢間名緩風。宋齊之後。謂之脚氣。茲分溼脚氣。乾脚氣二種。

病因 溼脚氣 「赤水玄珠」內經曰。諸溼腫滿。皆屬脾土。又曰傷於溼者。下先受之。蓋脾主四肢。足居於下。而多受其溼。溼鬱成熱。溼熱相搏。其痛作矣。有從外感而得者。有從內傷而致者。其爲溼熱之患則一而已。北方高燥

。多飲醃醢肉食及醇酒溼熱之物。下流足腔所致。南方卑下。溼氣迷滿山澤。血氣虛弱之人。或遇房室及負重遠行。衝冒雨雪。寒溼乘虛而入。遂成此症。……「醫學綱目」脚氣之疾。實水溼所爲也。其爲病有證無名。脚氣之稱。自蘇敬始。關中河朔無有也。惟南方地下水寒。其清溼之氣中於下。必自足始。故經曰。清溼襲虛。則病起於下是也。「千金翼」外臺總錄所錄。皆謂南方卑溼露霧之地。其民腠理疎。陽氣不能外固。因而履之。則清溼襲虛。病起於下。此因血虛氣弱。受清溼之邪氣。與血并行於膚腠。邪氣盛。正氣少。故血氣滯。滯則痺。虛則弱。故令痺弱也。後人名曰脚氣。乾脚氣 本證起於病後。營養不良。或由暑熱之邪。襲入足三陰經。津液因之爲邪熱所灼。而其病成矣。

## 症狀

溼脚氣 溼脚氣之狀。脚先腫滿。或下注生瘡。浸淫滋水。或上攻心腹。咳嗽喘息。面浮膝腫。見食嘔吐。

乾脚氣 乾脚氣之狀。血脈痞澀。皮膚麻痺。脛細痠疼。食減體瘦。臟腑祕滯。上衝煩悶。

## 治法

溼脚氣 陽陵泉五壯 足三里三壯 懸鐘五壯 三陰交三壯 解谿三壯 崑崙三壯 太谿

三壯「玉龍歌」寒溼脚氣不可熬。先鍼三里及陰交。再將絕骨穴兼刺。腫痛頓時立見消。「又」兩足有水臨泣瀉。「資生經」脚氣一病。最宜鍼。有熱者不可灸。「又」溼熱脚氣。紅腫生瘡。取中封。陽輔。風市。絕骨。「又」脚氣初發。先灸風市。次伏兔。犢鼻。三里。上廉。下廉。絕骨。日日頻灸。以百壯爲率。

乾脚氣 陽陵泉五分 足三里五分 膝關三分 陽輔三分 三陰交三分 解谿三分 照海三分 內庭三分 「靈光賦」陰蹻陽蹻兩踝邊。脚氣四穴先尋取。陰陵陽陵亦主之。陰蹻陽蹻與三里。諸穴一般治脚氣。「鍼灸大成八脈治症篇」乾脚氣。膝頭并內踝及五指疼痛。先取照海。次取膝關。崑崙。絕骨。委中。陽陵泉。三陰交。

### 治理

溼脚氣 陽陵泉足三里懸鐘三陰交爲祛溼行溼而退腫。解谿崑崙大谿爲疏通經絡。若面兼浮腫者。則加合谷以消腫。若兼胸腹脹滿而嘔吐者。則加內關公孫爲解痞而止嘔。若兼喘嗽者。則加內庭以平之。

乾脚氣 本病所取諸穴。悉爲局部通經活絡之法。並具清熱養陰兼備之意。「千金」凡脚氣之病。極須慎房室羊肉牛肉魚蒜葷菜菰菜蔓青瓠子酒麵酥油

### 禁忌

乳糜豬鷄鴨。有方用鯉魚頭。此等並切禁。不得犯之。并忌大怒。惟得食粳梁粟米醬豉葱韭薤椒薑橘皮。又不得食諸生果子酸酢之食。犯者皆不可瘥。一外臺一第一忌噤。噤則心煩。脚氣發。第二禁大語。大語則傷肺。亦發動。又不得露足當風入水。以冷水洗脚。雖夏月常須著綿襪。至冬寒倍令兩脛溫煖。得微汗爲佳。常令按摩。數勞動關節。令氣血通暢。此養生之要。拒風溼之法也。一寶鑑一每朝早飯。任意飽食。午飯少食。晚飯不食。彌佳。夜食則血氣壅滯。而愈增腫痛矣。

### 死候

一千金一凡脚氣覺病候有異。卽須急治之。稍緩則氣上肩息。胸脅逆滿。急者死不旋踵。寬者數日卽死。不可不急治也。但見心下急。氣喘不停。或自汗出。或乍熱。或乍寒。其脈促短而數。嘔吐不止者皆死。一又一脚氣之病。其小腹頑痺不仁者。多不腫。小腹頑後。不過三五日。卽令人嘔吐。名曰脚氣入心。死在朝夕。一醫學入門一脚氣衝心。恍惚氣急。脈乍大乍小者死。一扁鵲一病人足跗上腫。膝大如斗者。十日死。

### 第十一節 目疾

目爲司視之竅。五臟六腑之精也。營衛魂魄之所常營也。神氣之所生也。其爲病也。



約分目赤。目痛。目腫。目淚。目昏。青盲。雀目。翳膜之別。

病因

目赤 本證由血熱上衝。睛受血灌。或因風助火鬱。或因燥邪傷肝。

目痛 本證由於元氣虧損。內熱灼盛。

目腫 本證有內外二因。內因多由於水火之邪。傳入脾臟而生炎燥之候。外因則多起於暴風客邪。風熱外侵。

目淚 「巢氏病源」夫五臟六腑。皆有津液。通於目者爲淚。若臟氣不足。不能收制其液。……

目昏 本證多由於目疾日久不愈。兼之用力過度。光華耗損。或治療失宜。傷其精血。亦有勞瞻哭泣。七情不節。亦有熱氣蒸騰。玄府閉塞。氣血不能升降自如。然總不外血虛氣衰所致也。

青盲 本證由於玄府抑鬱。乃光華不得發越於外。其有因七情而神散者。有因傷精血而膽損者。「巢氏病源」……但在五臟六腑之精氣。皆上注於目。若臟虛有風邪。痰飲乘之。有熱則赤痛。無熱但失內障。是腑臟血氣不榮於睛。故外狀不異。只不見物而已。是之謂青盲。「聖濟總錄纂要」……由肝腎氣虛。精血衰弱。不能上榮。……

雀目 「聖濟總錄纂要」……夫衛氣晝行於陽。夜行於陰。陰血受邪。肝氣不能上榮於目。肝受血而能視。今邪在於肝。陰血澀滯。至暮則甚。故遇夜目睛昏。不能覩物。世謂之雀目。

翳膜 翳膜之種類甚繁。其原因不外由於肝氣旺盛。發於外表者。亦有因勞慾不節。更服冷藥過多。致使陽氣衰微者有之。

## 症狀

目赤 目內有紅絲紅點紅片。色鮮豔如胭脂者。

目痛 眼內痛而不赤。

目腫 內因多見目珠疼痛。甚則閉不能張。血灌睛中而變症莫測。外因則多見眼胞腫脹。輕則如杯。重則如蝦式。多淚而珠不甚痛。

目淚 「巢氏病源」……故目自然淚出。亦不因風而出不止。本無赤痛。

目昏 初起但覺目中昏花。視物不清。如投雲霧中。視物黑花。似成二體。

青盲 「巢氏病源」……青盲者。謂眼本無異。瞳子黑白分明。直不視物耳。 「聖濟總錄纂要」龍木論稱內障有變青盲者。初患之時。昏暗。不養不痛。亦無翳膜。至於失明。與不患者相似。是知青盲之狀。外無異證。瞳子分明而不見物。……

雀目 「聖濟總錄纂要」一晝而明視。暮不覩物。名曰雀目。言其鳥鵲不能見於夜也。「巢氏病源」人有晝而精明。至瞑則不見物。世謂之雀目。言其如鳥雀瞑。便無所見也。

翳膜 初起先覺視物朦朧。眇眇無所見。繼則在瞳上有物如蠅翅。然翳之名目。約有十餘種。而其所呈證狀。亦因之不同。故從略不錄。

### 治法

目赤 精明一分 太陽三分 攢竹一分 肝俞三分 合谷三分 委中出血 行間三分 「玉龍歌」心火炎上兩眼紅。迎香穴內刺爲通。「雜病穴法歌」赤眼迎香出血奇。臨泣太衝合谷侶。

目痛 精明一分 腎俞三分 關元五分 光明五分 湧泉三分 行間三分 「勝玉歌」眼痛須覓清冷淵。「通玄指要賦」眼痛則合谷以推之。「醫學綱目」眼痛取風池。通里。合谷。申脈。照海。大敦。竅陰。至陰。「千金」目中痛不能視。上星主之。先取譙譙。後取天牖風池。「又」目痛不明。顴交主之。「又」眼痛下廉主之。「又」目痛淚出。甚者如脫。前谷主之。「又」眼急痛。不可遠視。灸當瞳子上人髮際一寸。隨年壯。穴名當陽。

目腫 內因 太陽三分 攢竹一分 頭維三分 精明一分 肝俞三分 脾俞三分 足臨泣

二分 行間三分 外因：頭維三分 瞳子髎三分 風池三分 肝俞三分 光明五分 「勝玉歌」目內紅腫苦皺眉。絲竹攢竹亦堪醫。

目淚 太陽三壯 風池三壯 肺俞三壯 肝俞三壯 脾俞三壯 腎俞三壯 「百症賦」淚出刺臨泣頭維之處。「通玄指要賦」眇眇冷淚。臨泣尤準。「醫學綱目」迎風冷淚。眇多黑花。取大骨空小骨空灸之。又取臨泣合谷。

目昏 太陽三壯 瞳子髎三壯 肝俞三壯 足三里三壯 行間三壯 太谿三壯 「百症賦」目眩兮。支正飛揚。「又」目中漠漠。卽尋攢竹三間。「玉龍賦」目昏血溢。肝俞辨其虛實。「通玄指要賦」目昏不見。二間宜取。「醫學綱目」目昏暗灸三里。鍼承泣。又取肝俞。瞳子髎。

青盲 肝俞三壯 腎俞三壯 關元三壯 足三里三壯 湧泉五壯 「得效方」青盲灸巨髎。又取肝俞。命門。商陽。「千金」青盲遠視不明。承光主之。「又」青盲瞶目惡風寒。上關主之。「又」青盲商陽主之。

雀目 睛明一分 肝俞三分 合谷三分 行間三分 足臨泣二分 「百症賦」觀其雀目肝氣。睛明行間而細推。「醫學綱目」雀目取神庭。上星。前頂。百會。睛明。出血卽愈。又取肝俞。照海。

## 治理

翳膜 睛明一分 風池三分 太陽三分 攢竹一分 肝俞三分 光明五分行間三分 「玉龍賦」左右太陽醫目疼。善除血翳。「百症賦」目覺眈眈。急取養老天柱。「景岳全書」翳風灸七壯。可治赤白翳膜。「千金」目中白翳。前谷主之。「又」白膜覆珠子無所見。解谿主之。「又」風翳患右目。灸右手中指本節頭骨上五壯。如麥大。左亦如之。「又」目卒生翳。灸大指節橫紋三壯。左灸右。右灸左。

目赤 睛明太陽攢竹爲清局部之血熱與鬱火。合谷爲疏風而清熱。肝俞行間爲泄肝邪。引火下降。委中出血爲放散血熱。

目痛 睛明爲直入病灶而泄熱。光明行間爲瀉肝膽之熱。腎俞湧泉爲滋腎益精。使精氣上注於目。關元爲補虛。

目腫 內因……太陽攢竹頭維睛明爲泄熱而退腫。肝俞脾俞爲清肝脾之燥。足臨泣行間爲引火下行。外因……頭維瞳子膠風池爲驅風邪而泄熱。肝俞光明爲清肝膽之熱而消腫。

目淚 太陽風池爲止淚。五臟俞爲補虛而培本。

目昏 太陽瞳子膠爲直入病灶。肝俞足三里行間太谿爲補氣血。益肝腎陰。



青盲 肝俞爲益肝。而補氣血。腎俞湧泉爲益精。而補腎陰。關元爲補腎益精。而治諸損。足三里爲益氣血。

省目 睛明爲明目。肝俞爲泄肝邪。合谷爲驅風。行間足臨泣爲瀉肝膽。翳膜 睛明風池太陽攢竹爲退翳膜。肝俞爲泄肝熱。光明行間爲瀉肝實。若因勞慾不節者。則加腎俞太谿爲補腎益精。

豫後

目赤。目痛。目淚。目昏。俱良。惟目腫之屬於外因者多良。內因者難治。青盲 雀目。翳膜。年輕及新起者多良。年高與病久者難愈。

### 第十二節 耳聾

耳爲司聽之竅。腎氣通之。腎和則耳能聞五音矣。其爲病也耳聾。約分暴聾。實聾。氣虛耳聾。腎虛耳聾。肝火耳聾。痰火耳聾之別。

病因

暴聾 本證由於縱慾過度。腎氣虛衰。風邪侵襲經絡所致。

實聾 本證多見於溼熱兼痰火盛者有之。

氣虛耳聾 本證由於氣虛體弱。及勞碌與中年病後之人多患之。

腎虛耳聾 本證由於腎虛而起。並參閱暴聾條。

肝火耳聾 燥氣流行。肝木受邪。每遇多怒之時。直升耳竅而致。

## 症狀

痰火耳聾 素多痰火之人。每遇風邪外侵。痰火因之上升所致。

暴聾 耳聾卒然失聞。微有如風雨嘈嘈之聲者。「靈樞寒熱病篇」暴聾氣蒙。耳目不明。

實聾 耳聾無所聞。

氣虛耳聾 肢體倦怠。口中乏味。耳聾不聞聲音。

腎虛耳聾 耳聾渾渾惇惇。體瘦色黑。口渴腸燥。手足心常覺發熱。

肝火耳聾 耳聾不聞聲音。

痰火耳聾 耳聾喘咳。不聞聲息。

## 治法

暴聾 聽會三分 翳風三分 腎俞三分 關元五分 風池三分 合谷三分 「醫學綱目」  
暴聾取天牖。四瀆。

實聾 聽會三分 耳門三分 翳風三分 肝俞三分 行間三分 足臨泣三分 豐隆三分 「  
醫學綱目」耳聾取中渚。外關。禾髎。聽會。聽宮。合谷。商陽。中衝。「  
雜病穴法歌」耳聾臨泣與金門。合谷鍼後聽人語。按以下各種耳聾。均可酌  
取本條醫學綱目與雜病穴法歌之治法。

氣虛耳聾 耳門三壯 聽會三壯 膻中五壯 氣海七壯 足三里三壯 「百症賦」耳聾

氣閉。全憑聽會翳風。「席弘賦」耳聾氣閉聽會鍼。迎香穴瀉功如神。「玉龍歌」耳聾氣閉痛難言。須刺翳風穴始痊。

腎虛耳聾 湧泉五壯 復參閱暴聾條之治法。

肝火耳聾 聽會三分 天牖五分 肝俞三分 行間三分 大敦一分

痰火耳聾 聽會三分 耳門三分 風池三分 大杼三分 中脘七分 豐隆三分 行間三分

足臨泣二分

## 治理

暴聾 聽會翳風爲直入病灶。腎俞關元爲補腎。而治諸虛。風池合谷爲疏風驅邪。

實聾 聽會耳門翳風俱屬局部刺激開聽之法。肝俞行間足臨泣爲瀉肝膽之實而清熱。豐隆爲化痰溼。

氣虛耳聾 耳門聽會爲局部療法。臍中氣海足三里爲益氣培元。

腎虛耳聾 湧泉爲補腎益精。滋陰退熱。餘照暴聾條同治。

肝火耳聾 聽會天牖爲局部刺激之法。肝俞爲泄肝火。行間大敦爲瀉肝實之邪而下行。

痰火耳聾 聽會耳門爲開竅之法。風池大杼爲散風驅邪。中脘豐隆爲化痰行

溼。行間足臨泣爲泄肝膽之火。

豫後多良。

### 第十三節 耳鳴

參閱上節耳聾條。其爲病也耳鳴。約分氣虛耳鳴。血虛耳鳴。腎虛耳鳴。痰火耳鳴之別。

病因

氣虛耳鳴 本證多由飲食不節。或飽或饑。甚有操勞過度。脾肺兩虛。以致引起火旺氣衰之候。

血虛耳鳴 本證多因入房過度。或思慮傷心。男子則由吐血瀉血。婦人則由產後崩漏。

腎虛耳鳴 縱慾無度。或勞力入房。精液妄洩。以致腎臟虛衰使然也。

痰火耳鳴 本證多由勞思傷神。嗜慾損精。精髓因此乾涸於下。飲食無度。濃厚之味。釀成痰火於上。以致無形之火與有形之痰。互相固結而成。

症狀

氣虛耳鳴 少氣不足。每於動作卽喘息。面色蒼白。目瞳少神。倦言汗出。心煩不安。四肢困熱。耳內時覺蟬鳴。

血虛耳鳴 頭昏目花。朝涼暮熱。皮膚粗糙。面無潤澤。兩耳似蟬噪不休。

### 治法

腎虛耳鳴 本證多見耳中如蟬鳴不休。有礙聽聞。甚至腰背脊亦痠疼。痰火耳鳴 本證多見耳中如蟬之噪噪有聲。胸膈不利。時作脹滿也。

氣虛耳鳴 肺俞三壯 脾俞三壯 聽宮三壯 膻中五壯 氣海七壯 大都三壯 足三里三壯 足臨泣三壯 「百症賦」耳中蟬鳴有聲。聽會堪攻。「醫學綱目」耳鳴取液門。耳門。中渚。上關。完骨。臨泣。陽谷。前谷。後谿。陽池。偏歷。合谷。大陵。太谿。命門。按以下各種耳鳴症。亦宜酌取本條之治法。

血虛耳鳴 聽會三壯 膈俞三壯 腎俞三壯 關元三壯 三陰交三壯

腎虛耳鳴 腎俞三壯 關元三壯 聽會三壯 足三里三壯 湧泉五壯

痰火耳鳴 聽宮一分 腎俞三分 中脘七分 豐隆三分

### 治理

氣虛耳鳴 肺俞脾俞爲補肺脾之氣虛。聽宮爲直接刺激而止鳴。膻中氣海爲振陽氣而補虛。大都足三里爲益脾胃之氣血而降逆。足臨泣爲引火下行。

血虛耳鳴 聽會爲局部治法。膈俞爲益氣生血。腎俞關元爲補腎益精。三陰交爲補三陰之虛損。

腎虛耳鳴 腎俞關元湧泉爲補腎益精。聽會爲止耳鳴。足三里爲益氣血。引痰火耳鳴 聽宮爲止耳鳴。腎俞爲補腎。中脘爲瀉腑導濁。豐隆爲化痰。引



火下行。

豫後良。

## 第九章 泌尿生殖器病

### 第一節 腫病

膚肉浮滿也。茲分水腫。妊娠腫。

病因 水腫 「巢氏病源」腎者主水。脾胃俱主土。土性尅水。脾與胃合。相爲表裏。胃爲水穀之海。今胃虛不能傳化水氣。使水氣滲溢經絡。浸漬府藏。脾得水溼之氣加之則病。病則不能制水。故水氣獨歸於腎。三焦不瀉。經脈閉塞。故水氣溢於皮膚而令腫也。「張介賓」水本畏土。因土虛不能制水。則發水侮所不勝。反乘脾土。泛濫爲邪。其始起也。必從陰分。漸次而升。按肉如泥。腫有分界。夫水雖制於脾。而實主於腎。腎本水藏。而元氣寓焉。若腎中陽虛。則命門火衰。既不能自制陰寒。又不能溫養脾土。陰陽不得其正則化爲邪。夫氣卽火也。精卽水也。氣之與水。本爲同類。但在化與不化耳。故陽旺則化。而精卽是氣。陽衰則不化。而水卽爲邪。凡火盛水虧。則病燥。水盛火虧。則病溼。故火不能化則陰不從陽。而精氣皆化爲水。所以

水腫之證。多屬陽虛。

妊娠腫 「產寶論」妊娠腫病。由臟氣本弱。因妊重虛。上不利水。而散於四肢。……「沈堯封」妊婦腹過脹滿。或一身手足面目俱浮。病名子腫。或名子氣。或名胎水。或名琉璃胎。但兩脚腫者。或名皺脚。或名脆脚。名色雖多。不外有形之水病。與無形之氣病而已。何則胎礙藏府。機括不靈。腎者胃不關也。或關門不利。因而聚水。或脾不能散精行肺。或肺不能水精四布。此有形之水病也。又腹中增一物。則大氣升降之道窒塞。此無形之氣病也。

症狀

水腫 「直指方」其狀曰胞上下微腫。如裹水。通身浮腫。喘咳怔忡。股間清涼。小便澀黃。皮薄而光。手按成窟。舉手即滿。此浮腫也。「巢氏病源」……其狀曰裹上微腫。如新臥起之狀。頸脈動。時咳。股間冷。以手按腫處。隨手而起。如物裹水之狀。口若舌乾。不得正偃。偃則欬清水不得臥。臥則驚。驚則咳甚。小便黃澀是也。

妊娠腫 「產寶論」……遂致腹脹。手足面目皆浮腫。小便祕澀。「沈堯封」……病在有形之水。其證必皮薄色白而亮。病色形之氣。其證皮厚色不變。

。說在內經脹論。細玩自明。更有痰滯一證。痰雖水類。然凝聚質厚。不能遍及皮膚。惟壅滯氣道。使氣不宣通。亦能作腫。其皮色亦不變。「張氏醫通」……遂腹脹。手足面目皆浮。甚則通身腫滿。心腹急脹。……

### 治法

水腫 腎俞三壯 膀胱俞三壯 神闕三壯 水分三壯 復溜五壯 足三里三壯 三陰交三壯  
「百症賦」陰陵水分。去水腫之臍盈。「席弘賦」水腫水分兼氣海。「玉龍歌」水疾之病最難熬。腹滿虛脹不肯消。先灸水分並水道。後鍼三里及陰交。「雜病穴法歌」水腫水分與復溜。「通玄指要賦」陰陵開通於水道。「靈光賦」復溜治腫如神醫。「又」水腫水分灸即安。「資生經」水腫惟得鍼水溝。餘穴則鍼之水盡即死。唐醫多鍼入水分。殺人多矣。惟灸水分。最爲要穴。蓋此穴能分水不使妄行。有人患水腫。灸水分。與氣海。翌日面削矣。「又」四肢及面皆浮腫。灸水分氣海即消。「千金方」灸腎俞主百病水腫。「又」水腫。灸陷谷隨年壯。「又」水腫上下灸陰交百壯。「又」水腫脹。灸曲骨百壯。「又」水腫不得臥。灸陰陵泉百壯。「又」治水通身腫方。灸足第二趾上一寸。隨年壯。又灸兩手大指縫頭七壯。「又」治虛勞浮腫。灸太衝百壯。又灸腎俞。按以下妊娠腫。亦可酌取本條千金方之治法。

妊娠腫 肺俞三壯 脾俞三壯 腎俞三壯 公孫三壯 復溜五壯 「靈光賦」足掌下去尋湧泉。此法千金莫妄傳。此穴多治婦人疾。男蠱女孕兩病痊。

治理 水腫 腎俞膀胱俞爲宣膀胱之氣化。促進腎臟之分泌。神闕爲益陽氣。復溜水分爲化溼。而利小便。與消腫脹並治之法。足三里三陰交爲益脾胃之虛。使之健運。

妊娠腫 肺俞脾俞爲振肺脾之陽。運行水氣。腎俞爲通利小便。公孫爲補中而運脾陽。復溜爲化溼。而消腫脹。

禁忌 水腫 「醫學入門」凡水腫。極忌甘藥。助溼作滿。「本草」病嗽及水。最宜忌鹽。「千金」大凡水病難治。瘥後特須慎於口味。

豫後 水腫 「直指方」大凡腫病。先起於腹。而後散於四肢可治。先起於四肢。而後入於腹不治。

妊娠腫 「中醫內科全書」據西醫統計。本病通常發生急癰者。全數有三十%。因急癰而死者。有二十五%云。

死候 水腫 「正傳」脣腫齒焦者死。卒脣腫而蒼黑者死。手無紋者死。臍腫凸出者死。缺盆平者死。陰囊莖俱腫者死。脈絕口張足腫者死。足趺腫膝如斗者

死。

## 第二節 癃閉

小便不通爲癃閉。「內經」膀胱不利爲癃。

病因 「巢氏病源」小便不通。由膀胱與腎。俱有熱故也。腎主水。膀胱爲津液之府。此二經爲表裏。而水行於小腸入胞者爲小便。腎與膀胱既熱。熱入於胞。熱氣太盛。故結澀。令小便不通。……「沈氏尊生」小便閉癃。肝與三焦及督脈病也。言三經而不及膀胱者。以膀胱但主藏溺。而不主出溺也。經云。肝脈過陰器。病癃閉。「又」女子督脈。入繫廷孔。男子循莖下至纂。病不得前後。「又」三焦下膻。並太陽正脈。入絡膀胱。灼下焦。實則閉癃。虛則遺溺。據經觀之。閉癃之證。舍三經何屬哉。「羅太無」小便不利有三。不可概論。一者津液偏滲俞腸胃。大便泄瀉。而小便澀少。……二者熱搏下焦津液。則溼熱不能行。……三者脾胃氣澀。不能通調水道。下輸膀胱。……

## 症狀

「醫學從衆錄」癃閉者。小便點滴不通。甚則爲脹爲腫。喘滿欲死。「巢氏病源」……令小便不通。小腹脹滿。氣急甚音。水氣上逆。令心急腹滿。乃



至於死。

### 治法

膀胱俞三分 腎俞三分 關元五分 陰陵泉三分 湧泉三分 「雜病穴法歌」小便不通 陰陵泉。三里瀉下熱如注。「百症賦」小便赤澀。兌端獨瀉太陽經。「甲乙經」癰閉取陰蹻。大敦。委陽。大鍾。行間。「千金」大小便不利。欲作腹痛。灸營衛四穴百壯。穴在背脊四面各一寸。「又」腹熱祕時。大小便難。腰痛連胸。團岡百壯。穴在小腸俞下二寸。橫三間下灸之。「又」大小便不通。灸臍下一寸。三壯。「又」大小便不利。灸八髎百壯。穴在臍眼下三寸。俠脊相去四寸。兩邊各四穴。「又」小兒大小便不通。灸口兩吻各一壯。「又」小便不利。大便數注。灸屈骨端五十壯。又灸天樞百壯。按本條統治大小便病。凡屬大便秘結。亦可酌取本條千金之治法。

### 治理

膀胱俞爲宣下焦之氣化。腎俞爲分利水液。關元爲通暢尿道。陰陵泉爲清溼熱。而利小便。湧泉爲瀉腎與膀胱之熱。

### 死候

「正傳」老人氣虛。小便不通。爲下焦血氣乾者死。

### 第三節 尿血

尿血，即溺血也。血從前陰出。或與溲溺並下。或純爲血液也。

## 病因

入房過度。腎陰虧損。下焦因之結熱。或內臟損傷。乃妄行之血。滲入胞中。所致也。「張氏醫通」經曰。胞移熱於膀胱。則癰溺血。可知溺血之由。無不本諸熱者。多欲之人。腎陰虧損。下焦結熱。血隨溺出。……「巢氏病源」心主於血。與小腸合。若心家有熱。結於小腸。故小便血也。「金匱翼」洩血有虛有實。實者。下焦結熱。血爲熱迫。尿血成淋。虛者。房勞內傷。血失統御。溺血不已。亦有心藏有熱。熱乘于血。血滲小腸而尿血者。……「醫學綱目」胞絡絕則洩血。故經曰。悲哀太甚則胞絡絕。胞絡絕則陽氣內動。發則心下崩。數洩血也。「統旨」……屬熱屬血虛。有因心腎氣結所致。或憂勞房事過度。此得之虛寒。不可專以血爲熱而淖。二者皆致溺血。……「血證論」膀胱與血室。并域而居。熱入血室。則蓄血。熱結膀胱。則尿血。尿乃水分之病。而亦于動血分者。以與血室并居。故相連累也。其致病之由。則有內外二因。一外因。乃太陽陽明傳經之熱。結於下焦。……一內因。乃心經遺熱於小腸。肝經遺熱於血室。……尿中帶血。或純鮮血。甚則體倦力疲。「血證論」一外因。……其證。身有寒熱。口渴腹滿。小便不利。溺血疼痛。……內因。其證。淋祕割痛。小

## 症狀

便點滴不通者。呼赤淋。心經遺熱。其證虛煩不眠。或昏睡不醒。或舌咽作痛。或怔忡懊懣。……肝經遺熱。其證少腹滿。脅刺痛。口苦耳聾。或則寒熱往來。

### 治法

腎俞三分 關元五分 三陰交三分 太谿三分 「鍼灸大成八脈治症篇」小便淋血不止。陰器痛。先鍼照海。繼鍼陰谷。湧泉。三陰交。「千金」治小兒尿血。灸第七椎兩傍各五寸。隨年壯。

### 治理

腎俞爲補腎陰而益精。關元爲益精氣。而固下元。三陰交太谿爲清熱養陰。若外因而得者。加二間內庭以清陽明。而退身熱。若內因而得者。加少府後谿行間以清心與小腸及肝腎之熱。

### 豫後

「中醫內科全書」其原因不同。豫後亦因之而異。

### 死候

「張氏醫通」洩血日久。形枯色萎。癃閉如淋。二便引痛。喘急虛眩。行步不能者。與死爲鄰矣。

### 第四節 遺溺

尿在睡中遺出。不自覺也。

病因 本病多因腎與小腸及膀胱三經之氣虛所致。而內經又推及肺肝腎脈者。蓋因

肺主氣。能下降生水而輸於膀胱。肺虛則不能化氣。肝腎二經之脈。並循陰器繫挺孔。病則榮衛不至。氣血由此失常。不能約束水道之竅。故遺溺不止焉。

### 症狀

本病多發於夜間就眠後。不知不覺或夢見排尿而遺於褥中。患者常營養不足。顏面蒼白。最易興奮。神經過敏。其他亦有於晝間噴笑咳嗽。或怒責之際發生者。所謂晝間遺尿症是也。

### 治法

腎俞三壯 膀胱俞三壯 關元三壯 太淵三壯 行間三壯 湧泉五壯 「席弘賦」小便不禁關元妙。「千金」治小兒遺尿。灸臍下一寸半。隨年壯。又灸大敦三壯。「又」遺水失禁。出不自知。灸陰陵泉。隨年壯。「又」遺溺灸遺道。俠玉泉五寸。又灸陽陵泉與足陽明各隨年壯。「又」小便失禁。灸大敦七壯。又灸行間七壯。

### 治理

腎俞膀胱俞爲表裏兼補之法。關元爲治諸虛。而固下元。太淵爲生津潤肺。行間湧泉爲益肝腎而滋陰。

### 豫後

宜安臥靜養。解除勞役者多良。「中醫內科全書」本病無生命之險。故豫後亦良。

第五節 遺精

精液由輸精管外遺而洩也。茲分夢遺。滑精。

病因

夢遺 本病屬心。俱由好色之人。每見美色觸目。淫心引入於腦。夜乃成夢而遺。昔人謂心爲君火。腎爲相火。慾念妄動。則君火搖於上。而相火熾於下。水火不能既濟。因此精液隨之而洩矣。

滑精 房事不節。縱慾過度。或誤犯手淫。精液斲喪。腎氣虛弱。精關因此不固。無從攝精。每因慾念妄動。精乃不禁而隨之洩也。

症狀

夢遺 每於精洩之時。與婦女夢交。頓覺爽快。有數日一遺者。有一日數遺者。久則神思恍惚。精神怠疲。四肢倦勞。腰痠背疼。耳鳴頭昏。記憶力薄弱。

滑精 無論白晝夜間。每於慾念妄動之中。不夢自遺。有數日一次。亦有一日數次者。甚至精神萎靡。目昏耳鳴。股痛肢痠。久則潮熱盜汗。而成虛勞也。

治法

夢遺 心俞三分 腎俞三分 關元五分 三陰交三分 湧泉三分 一玉龍賦「心俞腎俞治腰腎虛乏之夢遺。」醫學綱目「遺精夢泄。心俞。白環俞 膏肓俞。中極



。關元等穴。或鍼或灸。「得效方」夢泄精取三陰交。合谷。灸二七壯神效。『千金』夢泄精灸三陰交三七壯。「又」丈夫夢失精及男子小便濁難。灸腎俞百壯。

滑精 膏肓俞三壯 腎俞三壯 中極三壯 三陰交三壯 「醫學綱目」虛勞失精。宜取大赫中封。「得效方」便濁失精。取腎俞。「千金」虛勞尿精。及第七椎兩傍各三十壯。又灸第十椎兩傍各三十壯。又灸第十九椎兩傍各二十壯。又灸陽陵泉陰陵泉各隨年壯。「又」男子陰中疼痛。溺血精出。灸列缺三十壯。「又」失精五臟虛竭。灸曲骨端五十壯。「又」男子虛勞失精。陰上縮。莖中痛。灸大赫三十壯。「又」男子虛勞失精陰縮。灸中封五十壯。「又」男子失精。膝脛疼痛冷。灸曲泉百壯。

### 治理

夢遺 心俞爲瀉心寧志。腎俞湧泉爲補腎益精。關元爲補虛。而固下元。三陰交爲補三陰之虛損。益精生氣血。

滑精 膏肓俞腎俞爲補虛損。而益精氣。中極爲固精。治下元之虛衰。三陰交爲補三陰之虛損。奔走。勞動。房事。

### 禁忌

豫後。寡慾清心者良。

### 第六節 淋濁

淋病。小便滴瀝而澇痛也。約分勞淋。熱淋。血淋。氣淋。石淋。濁病。陰莖中流出之濁液也。約分赤濁。白濁。

病因 勞淋 「巢氏病源」勞淋者。謂勞傷腎氣而生熱成淋也。「沈氏尊生」勞淋者。有脾勞腎勞之分。多思慮。負重遠行。勞於脾也。……若強力入房。施泄無度。勞於腎也。

熱淋 「許仁則」熱淋者。體氣生熱。更緣食飲將息傷熱。熱氣灼灼。遂成熱淋。……「張氏醫通」熱淋者。心肺蘊熱。不能滋化其源。小便赤澇成淋。……「巢氏病源」熱淋者。三焦有熱氣搏於腎。流入於胞而成淋也。

血淋 「巢氏病源」血淋者。是熱之甚者。則尿血。謂之血淋。心主血。血之行身。通遍經絡。循環府藏。勞甚者。則散失其常經。溢滲入胞而成血淋也。

氣淋 「巢氏病源」氣淋者。腎虛膀胱熱。氣脹所爲也。膀胱合與腎爲表裏。膀胱熱。熱氣流入於胞。熱則生實。令胞內氣脹。則小腹滿。腎虛不能制

其小便。故成淋。……

石淋 「巢氏病源」石淋者。淋而出石也。腎主水。水結則化爲石。故腎客沙石。腎虛爲熱所乘。熱則成淋。……「六科準繩」石淋乃是膀胱蓄熱而成。正如湯瓶久在火中。底結白碱。……「許仁則」石淋者。緣先服石。石氣不散。擁遏生熱。故成石淋。

赤濁 本證多由思慮過度。心經有熱。亦有勞倦酒色。耗損真陰。或誤服清涼等藥所致。「丹溪心法」……赤濁是心虛有熱。因思慮得之。……

白濁 本證由敗精瘀腐。上常六七。溼熱下注。脾虛下陷。下常三四。昔人以色白如泔。或如腐漿。馬口不乾爲溼。痛者溼兼熱。色黃赤馬口乾結爲火。此腸中溼熱下流。「丹溪心法」……白濁腎虛有寒。過於淫慾而得之。

### 症狀

勞淋 「巢氏病源」勞淋者。……其狀尿留莖內。數起不出。引小腹痛。小腹不利。勞倦即發也。「張氏醫通」勞淋者。遇勞即發。小便淋瀝不絕。如水滴瀝而不斷。……

熱淋 「巢氏病源」熱淋者。……其狀小便赤澀。亦有宿病淋。今得熱而發者。其熱甚則變尿血。亦有小便後如似小豆羹汁狀者。畜作有時也。

血淋 「東醫寶鑑」血淋者。小便不出。時下血。疼痛滿急是也。

氣淋 「醫學入門」氣淋者。小便澀滯。常有餘瀝不盡。小腹脹滿。……「

巢氏病源」氣淋者。……其狀膀胱小便皆滿。尿澀常有餘瀝是也。

石淋 「巢氏病源」石淋者。其病之狀。小便則莖裏痛。溺不能卒出。痛引

少腹。膀胱裏急。砂石從小便道出。甚者塞痛令悶絕。「張氏醫通」石淋者

。小腹隱痛。小便難。痛不可忍。洩如砂石。或黃赤。或渾濁。色澤不定。

……「六科準繩」石淋。小便時砂石下流。塞其水道。痛不可忍。經及時日

。水道不通。其氣上攻。頭痛面腫。重則四肢八節俱腫。其石大者。如梅核

。堅硬如有稜角。其石小者。惟碎石相結。通下即碎。

赤濁 本證起初發熱口渴。莖中熱痛。如刀割火灼。或流出濁液。凝若膏糊

。或如米泔赤膿之狀。

白濁 本證莖中熱痛。如刀割火灼。洩溺白清。惟竅端時流穢濁。或如米泔

。或如粉糊。或如瘡膿。或如日眵。淋瀝不斷而流也。

勞淋 腎俞三分 膀胱俞三分 二焦俞三分 小腸俞三分 中極七分 陰陵泉三分 關元

五分 太谿三分 隱白一分 「千金方」勞淋灸足太陰百壯。穴在內踝上三寸。

治法

熱淋 同上。加湧泉三分。「東垣」熱淋取陰陵泉。關元。氣冲。

血淋 同上。加血海五分。三陰交三分。「千金方」血淋灸丹田隨年壯。又灸復

溜五十壯。一云隨年壯。「又」五淋不得小便。灸中封十四壯。「又」五淋

大敦三十壯。「又」卒淋灸外踝尖七壯。「又」淋病九部諸疾。灸足太陽五

十壯。「又」淋病不得小便陰上痛。灸足太衝五十壯。按本條千金之治法。

可統治一切淋病。均能酌取之。

氣淋 同上。加湧泉三分。「千金方」臍中著鹽灸二壯。又法灸關元五十壯。

又灸炁玉泉相去一寸半三十壯

石淋 同上。加湧泉三分。委中一分。關元五分。「千金方」石淋臍下三十六種病

。不得小便。灸關元三十壯。又灸氣門三十壯。又灸大敦三十壯。

赤濁 心俞三分。脾俞三分。膀胱俞三分。關元五分。陰陵泉三分。三陰交三

分。少府一分。湧泉一分。

白濁 同上。加天樞五分。公孫一分。太谿三分。「醫學綱目」白濁腎俞灸。又取

章門。曲泉。關元。三陰交。

淋病 淋病均屬小便澀痛。其不外腎與膀胱之邪熱鬱結。不能滲泄所致。取

治理



腎俞膀胱俞爲宣通氣化。三焦俞小腸俞爲清熱。中極爲鼓舞下焦。陰陵泉爲疏通小便。勞淋加關元太谿爲補腎。而固下元。隱白爲益脾。熱淋加湧泉爲清熱養陰。血淋加血海三陰交爲行瘀清血。氣淋加湧泉爲補腎清熱。石淋加湧泉爲補腎益虛。關元委中爲瀉膀胱之熱。

濁病 濁病之原因。雖與淋病不同。其見象相似。治法亦殊途同歸。心俞脾俞爲清溼熱。腎俞膀胱俞爲宣通氣化。關元爲鼓舞下焦。暢通敗精瘀濁。陰陵泉三陰交爲化溼。而利小便。赤濁加少府爲補心虛而清熱。湧泉爲益腎陰。白濁加天樞爲清腸中之溼熱。公孫爲補虛。而運脾陽。太谿爲益腎。

### 禁忌

淋病 「傷寒論」淋家不可發汗。發汗必便血。  
濁病 「中醫內科全書」煙酒等物。并忌房事。

### 第七節 經病

婦女之月經病也。茲分經水先期。經水後期。經閉。經漏之別。

病因 經水先期 女子生殖器成熟後。由子宮流出暗赭色之黏汁。每三十日一至。經常不變。故名月經。若以血熱過甚。促進神經細胞起異常之興奮。於是血液之運行亦同時超過常度。乃月經不滿一月至矣。然亦有氣虛不能攝血。更

有因憂鬱忿怒。血液之循環失其常度所致。

經水後期 本證多由血室虛寒。再犯生冷。凝滯下焦。於是血液之循環爲其阻澀。運行力因此減退。雖一月而不至。

經閉 本證之病原甚繁。此條所述。不過舉其大要。多由瘀血停滯。新血因此不能下行。或由氣化鬱結不通。此屬實症。亦有血液枯乏。子宮無從分泌。因此而閉者。此屬虛症。

經漏 本證多由體弱之人。氣虛不攝血。衝任不固。或爲行經未淨。而行房室之事。致損胞宮。他如寒邪熱氣客於胞中。或憂慮鬱結。氣滯不宣。皆足致此。

## 症狀

經水先期 經期未滿一月而先至。少腹微痛。身熱而色紫者。此屬實症。亦有身不熱而腹痛。其色鮮紅者。此屬虛症。

經水後期 經期已滿一月而不至。少腹作痛。而色淡不鮮者。

經閉 心悸怔忡。頭暈目眩。面色蒼白。先則經行減少。漸至經閉不通。或神志恍惚。經行乍少。漸至經閉。肢冷脈微。或少納便洩者爲虛症。其如少腹硬痛。按之益劇。肌膚甲錯。月事不至。胸膈痞滿。噁心噫氣者爲實症。

經漏 經水淋瀝不斷。如屋之漏水。頭暈目花。小便作痛。甚有兼白帶而下。喉中臭如魚腥。噁心吐逆。飲食少進。神疲肢怠。

治法

經水先期 實症：關元五分 血海五分 地機三分 三陰交三分 虛症：關元三壯 氣海七壯 血海三壯 地機三壯 三陰交三壯 行間三壯 「百症賦」抑又論婦人經事失常。自有地機血海。「又」月潮違限。天樞水泉細詳。按經水後期。亦可酌取本條百症賦之治法。

經水後期 氣海七壯 中極三壯 血海三壯 地機三壯 三陰交三壯

經閉 實症：膈俞三分 氣海五分 關元五分 血海五分 足三里五分 三陰交三分 虛症：膈俞三壯 肝俞三壯 氣海七壯 關元三壯 血海三壯 三陰交三壯 足三里三壯 太衝三壯 「雜病穴法歌」婦人通經瀉合谷。

經漏 腎俞三壯 氣海七壯 關元三壯 血海三壯 三陰交三壯 大敦三壯 「百症賦」女子少氣漏血。不無交信合陽。

治理

經水先期 實症：關元爲直達子宮。止少腹之痛。血海地機三陰交爲清熱養陰。虛症：取上列之穴改鍼爲灸外。更宜加氣海爲益氣固血。行間爲洩肝氣之鬱結。

經水後期 氣海中極爲溫下焦。驅逐寒邪。血海地機三陰交。爲促進血行。經閉 實症：膈俞血海爲行瘀積而清熱。氣海關元爲調氣行血。足三里三陰交爲破瘀通經。虛症：取上列之穴改鍼爲灸外。更宜加肝俞爲補血。太衝爲行瘀通經。

經漏 腎俞爲壯腎陽。氣海關元爲溫下焦。而益元氣。血海爲調經。三陰交大敦爲固血。而止漏下。

禁忌 慎房事。

豫後 經水先期者多良。惟婦人年在四十以上。經水每月二三至者。此因年輕色慾過度。以後必患崩漏。後期者亦多良。但經閉。經漏。俱宜節勞靜養者良。死候 經閉 凡經閉之脈。須滑實重按有力。若細而數。或脈七八至。骨蒸痰嗽。肌肉消瘦而面反嬌赤者。此爲死候。如洩瀉喘逆不能右臥者。死期尤促。

#### 第八節 帶下

女子之帶下。考諸各書。有七八種之多。然其通常所見者。赤白二種。

病因 白帶 本證多由腎氣虛衰。產育房勞。或因憂悶。氣鬱傷肝。肝傷則脾受其剋。脾精因此不能化爲營血而成經水。乃爲溼土下陷。而色白黏液下流矣。

赤帶。本證由於鬱怒傷肝。肝經因之火熾。下尅脾土。脾不運化。以致溼熱陷於帶脈之間。肝亦不能藏血。滲於帶脈之內使然也。

### 症狀

白帶 帶下色白。如涕如唾。甚則氣味穢臭。久則面無膏澤。耳鳴頭暈。腰痠肢倦。精神萎靡。目眶周圍見有黑色也。

赤帶 由下部流出赤色之粘液。似血非血。似膿非膿。或稀或稠。或腥臭不堪。若不調治。則體力日見衰頹。食慾因此減少。精神亦漸覺不振也。

### 治法

白帶 帶脈五壯 中極三壯 腎俞三壯 肝俞三壯 脾俞三壯 三陰交三壯 「玉龍歌」婦人赤白帶下難。只因虛敗不能安。中極補多宜瀉少。灼艾還須着意看。「千金」女人漏下赤白及血。灸足太陰五十壯。穴至內踝上三寸。名三陰交。「又」女人漏下赤白。月經不調。灸交儀三十壯。穴在內踝上五寸。「又」女人漏下赤白。灸營池四穴三十壯。穴在內踝前後兩邊池中脈上。一名陰陽是。「又」女人漏下赤白。四肢痠削。灸漏陰三十壯。穴在內踝上五分。微動脚脈上。「又」女人漏下赤白泄注。灸陰陽隨年壯三報。穴在足拇趾下。屈裏表頭白肉際是。按以下赤帶。亦宜酌取本條玉龍歌與千金之治法。

赤帶 帶脈五分 肝俞三分 脾俞三分 三焦俞三分 氣海五分 中極七分 血海五分 三



## 陰交三分

治理

白帶 帶脈爲治帶病之要穴。中極爲直達子宮。而排除障礙。以固下元。腎俞爲補腎益精。肝俞爲解鬱結。脾俞爲醒脾快胃。三陰交爲行溼。

赤帶 肝俞爲瀉肝。脾俞爲化溼健脾。三焦俞氣海中極爲清下焦之火。血海三陰交爲清血熱而行溼。帶脈爲治本。

禁忌

思慮。手淫。以及房事過度。

豫後

若帶下腥臭不可近。脈浮惡寒者難治。如能靜養節勞者良。

死候

帶下脈象疾大實數者死。

## 第九節 血崩

婦女多量之血液妄行。由前陰而崩下也。「素問陰陽別論」陰虛陽搏。謂之崩。

病因

血崩之原因甚多。有虛實寒熱之不同。有衝任不能攝血者。有肝不藏血者。有脾不統血者。有熱在下焦。迫血妄行者。有真氣大虧。不能收斂其血者。有瘀血內阻。新血不能歸經而下者。亦有悲哀過度。神經驟受刺激。致使血行之循環凌亂。失其常態而下者。甚則血管受劇烈之刺激破烈而下者。病因固多。當先以止血爲要務。庶可挽回其頃刻生命之險惡。若欲探本求源。須

症狀

待止血之後。按症施治。未爲晚也。

驟然下血。甚至不止。面色蒼白。而於口唇爪甲爲尤甚。頓成貧血狀態。心悸怔忡。不能安臥。頭暈耳鳴。四肢麻木。甚則人事不省。知覺全失。

治法

百會<sup>五壯</sup>中極<sup>三壯</sup>三陰交<sup>三壯</sup>大敦<sup>三壯</sup>隱白<sup>三壯</sup>按隱白一穴。前人列爲禁灸之例。惟治療血崩。厥功甚偉。

治理

百會爲升提之法。中極爲益下元。三陰交大敦隱白爲各具固血之效。若以衝任不能攝血者。加氣海關元以固之。若以肝不藏血者。加肝俞行間爲藏之。若以脾不統血者。加脾俞大都爲統之。若以熱在下焦。迫而妄行者。加血海爲清血熱。若以真氣虧損。不能收斂者。加神闕氣海以斂之。若以瘀血內阻。新血不能歸經者。加大衝爲行瘀者血。若因悲哀而致者。加臍中以解之。

禁忌

憂慮。動慾。操勞過甚。

豫後

善於調養者良。

死候

凡血崩純下臭黃水。或有紫血筋塊。腥臭不堪。或腹滿不能飲食。以參耆補益。反覺寒熱口燥。面目足脛浮腫。或陰戶高突。痛如刀割者。均屬不治之症。

## 第十節 陰痿

「中醫內科全書」陰痿。後世每多稱爲陽痿者。蓋謂陽物痿縮而不舉。不能性交也。

病因 「醫學綱目」陰痿。皆耗散過度。傷於肝筋所致。「張氏醫通」陰痿。當責

之精衰。斲喪太過所致。經云。足厥陰之經。傷於內則不起是也。……然亦

有鬱火甚而致痿者。經云。壯火食氣。譬人在夏暑而倦怠。遇冬寒而堅強。

……「沈氏尊生」陰痿。凡人色慾過度。精髓耗散。傷於腎元。遂致陰痿不

起。又有精出非法。或強忍房事。有傷宗筋。亦致陰痿不起。又有陰溼傷陽

。陽氣不能伸舉。亦致陰痿不起。又有失志之人。抑鬱傷肝。肝木不能疎達

。亦致陰痿不起。……

症狀 陰莖不能充分勃起。亦有雖能勃起。及臨陰戶而先縮小。或已入牝內。而後

萎縮乏力交媾者。

治法 腎俞三壯 肝俞三壯 關元三壯 曲骨五壯 三陰交三壯 太衝三壯 湧泉五壯

治理 腎俞湧泉爲益精而壯陽。肝俞爲補氣血而益肝。關元曲骨爲益精氣。而固下

元。三陰交爲補三陰之虛損。太衝爲瀉肝而養陰。如年高而不欲後嗣者。可

於命門灸之。頗得其效。

豫後 「中醫內科全書」若因手淫。或遺傳性神經系抵抗力薄弱等而起者。其豫後多不良。

### 第十一節 疝氣

睪丸連少腹急痛。或有形。或無形。或有聲。或無聲。茲分寒疝。水疝。筋疝。血疝。氣疝。狐疝。癰疝之別。

病因 寒疝 「儒門事親」寒疝。……得於坐臥溼地。或寒月涉水。或置雨雪。或臥坐磚石。或風冷處。使內過勞。……「巢氏病源」寒疝者。陰氣積於內。則衛氣不行。寒氣盛也。

水疝 「儒門事親」水疝。……得於飲水醉酒。使內過勞。汗出而遇風寒溼之氣。聚於囊中。……

筋疝 「儒門事親」筋疝。……得於房室勞傷。及邪術所使。……

血疝 「儒門事親」血疝。……得於重感春夏大燠。勞動使內。氣血流溢。

滲入睪囊。留而不去。結成癰腫。膿少血多。……「沈氏尊生」血疝。……

此蓋得之盛暑入房。氣血滲入睪囊。留而不去。結成癰腫。膿少血多。或情慾太濃。當洩不洩所致也。

氣疝 「儒門事親」氣疝。……得於號哭忿怒。氣鬱而脹。號怒罷。氣即散者是也。

狐疝 「醫學入門」寒溼下注於囊中。名爲狐疝。亦屬痰病。……

癰疝 「儒門事親」癰疝。……得之地氣卑溼所生。故江淮之間。湫塘之處。多感此疾。……

## 症狀

寒疝 「儒門事親」寒疝。其狀囊冷。結硬如石。陰莖不舉。或控睪丸而痛。……

水疝 「儒門事親」水疝。其狀腎囊腫痛。陰汗自出。或囊腫而狀如水晶。或囊痒而抓出黃水。或少腹中。按之作水聲。……

筋疝 「儒門事親」筋疝。其狀陰莖腫脹。或潰或膿。或痛而裏急筋縮。或筋中痛。痛極則痒。或挺縱不收。或白物如精。隨洩而下。……

血疝 「儒門事親」血疝。其狀如黃瓜。在少腹兩傍。橫骨兩端約中。俗名便癰。……

氣疝 「儒門事親」氣疝。其狀上連腎區。下及陰囊偏墜而痛。或不痛。……狐疝 「儒門事親」狐疝。其狀如瓦。臥則入小腹。行立則出小腹入囊中。



狐則晝出穴而溺。夜則入穴而不溺。此疝出入上下往來。正與狐相類也。……癰疝「儒門事親」癰疝。其狀陰囊腫縫。如升如斗。不痛不痒者是也。……「張氏醫通」癰疝者。少腹控卵。腫急絞痛。靈樞刺節篇。所爲去爪是也。……睪囊腫大。如斗如栲栳。甚者與身齊等。而不作痛。……

### 治法

寒疝 腎俞三壯 氣海七壯 關元三壯 三陰交三壯 然谷三壯 大敦三壯 「百症賦」大敦照海患寒疝而善蠲。「得效方」諸疝上衝氣欲結。灸獨陰神效。「又」諸疝取關元。灸三七壯。大敦七壯。「醫學綱目」諸疝大法。取大敦。行間。太衝。中封。蠡溝。蘭門。關元。水道。「玉龍歌」七般疝氣取大敦。「席弘賦」若是七疝小腹痛。照海陰交曲泉鍼。又不應時求氣海。關元同瀉效如神。「雜病穴法歌」七疝大敦與氣海。按以下各種疝氣。均宜酌取本條各歌賦之治法。

水疝	同上。	加曲泉三壯	崑崙二壯
筋疝	同上。	加太谿三壯	湧泉五壯
血疝	同上。	加中極三壯	行間三壯
氣疝	同上。	加足臨泣三壯	太衝三壯

狐疝 同上。加豐隆三壯

癰疔 同上。加陽陵泉七壯 足三里三壯 「千金」小兒氣癰。灸足厥陰大敦。左灸右。右灸左。各一壯。

### 治理

本病約分七種。其名目雖多。而所取各穴。則大同小異。腎俞爲補腎益精。氣海關元爲解衝任之氣滯。三陰交爲溫下焦。而治寒冷。大敦爲疏洩肝氣。使之下行以止痛。寒疝加然谷爲溫下元。而助腎火。水疝加曲泉爲祛寒。崑崙爲利溼。筋疝加太谿湧泉爲益腎滋陰。血疝加中極行間爲宣氣行瘀。氣疝加足臨泣太衝爲散肝氣之鬱結。狐疝加豐隆爲化痰濁。癰疔加陽陵泉足三里爲行溼祛溼。

### 禁忌

### 豫後

「丹溪心法」凡疝病非痛斷房事與厚味。不可用藥。靜養節勞者多良。

### 死候

「丹溪心法」疝痛之證。或因風寒外襲。或因怒氣上冲。小腹作痛。上連脅肋。甚則搖擗反張。咬牙戰掉。冷汗交流。須臾不救。「扁鵲」病人陰囊俱腫者死。

## 第十章 運動器病

第一節 痿症

痿者。萎也。言吾人之手足。痿輒無力。甚至百節緩縱不收。猶如草木之無雨露灌溉而乏力也。茲分脈痿。筋痿。肉痿。骨痿之別。

病因

脈痿 「六科準繩」……心氣熱。則下脈厥而上。上則下脈虛。虛則生脈痿。樞折挐。脛縱而不任地。悲哀太甚。則胞絡絕。胞絡絕則陽氣內動。發則心下崩。數洩血也。故本病曰。大經空虛。發爲肌痺。傳爲脈痿。……

筋痿 「六科準繩」……肝氣熱。則膽泄口苦。筋膜乾。筋膜乾則筋急而攣。發爲筋痿。及爲白淫。故下經曰。筋痿者。生於肝。使內也。……

肉痿 「六科準繩」……脾氣熱。則胃乾而渴。肌肉不仁。發爲肉痿。有漸於溼。以水爲事。若有所留。居處相溼。肌肉濡漬。痺而不仁。發爲肉痿。故下經曰。得之溼地也。……

骨痿 「六科準繩」……腎氣熱。則腰脊不舉。骨枯而髓減。發爲骨痿。有所遠行勞倦。逢大熱而渴。渴則氣內伐。內伐則熱舍於腎。腎者。水藏也。今水不勝火。則骨枯而髓虛。故足不任身。發爲骨痿。故下經曰。骨痿者。生於大熱也。……

## 症狀

脈痿 「赤水玄珠」……心熱生脈痿。數洩血。樞不相提挈。脛縱不能任用於地。色赤而絡脈溢。……

筋痿 「赤水玄珠」……肝熱生筋痿。下白淫。口苦筋急攣。色蒼而爪枯。……

肉痿 「赤水玄珠」……脾熱生肉痿。乾渴。肌肉不仁。色黃而蠕動。……

骨痿 「赤水玄珠」……腎熱生骨痿。足不任身。腰脊不舉。骨枯髓減。色黑而齒槁。……

## 治法

脈痿 心俞三分 少府一分 少澤一分 太淵二分 腎俞三分 環跳寸二分 陽陵泉五分

筋痿 肝俞三分 腎俞三分 陽陵泉五分行間三分 湧泉三分

肉痿 脾俞三分 陰陵泉三分 內關五分 中脘七分 三陰交三分 復溜三分

骨痿 腎俞三分 環跳寸二分 風市五分 陽陵泉五分 懸鐘五分 湧泉三分 「千金」腰背不便。筋攣痺縮。虛熱閉塞。灸第二十一椎兩邊。相去各一寸五分。隨年壯。

## 治理

脈痿 心俞少府少澤爲清心熱。腎俞爲補虛而益精。環跳陽陵泉爲治腿足之乏力。太淵爲脈會而治本。

筋痿 肝俞行間爲清肝熱。腎俞湧泉爲益精而補腎。陽陵泉爲筋會而舒筋治本。

肉痿 脾俞陰陵泉爲清脾熱。內關爲利溼。中脘三陰交復溜爲行溼。

骨痿 腎俞湧泉爲清腎熱而益精髓。環跳風市陽陵泉爲舒筋活絡。絕骨爲骨會而治本。

禁忌

凡一切燔鍼艾火。湯蒸袋蒸諸法。均所切忌。「六科準繩」：「凡病痿者，若不淡薄滋味。吾知其必不能安全也。」

豫後

「脈經」診人痿躄。其脈虛者生，緊急疾者死。

死候

「入門」骨痿不能起於床者死。

治療學終